



Л. С. Кара-оол

ЛИТЕРАТУРЛУГ НОМЧУЛГА

3
класс



Л. С. Кара-оол

ЛИТЕРАТУРЛУГ НОМЧУЛГА

3 класс

Нийти өөредилгэ черлеринге
өөредилгэ номуу

Тыва Республиканың өөредилгэ болгаш
эртем яамызы сүмелээн

Кызыл • 2020

ББК 83.3 (Тув)
К 21

Эртем талазы-бile редактору *А.С. Шаалы*, педагогика эртемнериң кандидады, доцент.

Рецензентилери: *Н.Ч. Дамба*, педагогика эртемнериң кандидады, доцент; *Г.Т. Сундуй*, Ээрбек ортумак школазының дээдүүк категорияның эгэ класстар башкызы.

Литературлуг номчулга: 3 класс / Л.С. Кара-оол тургускан. — Кызыл: НШХИ, 2020. — 160 ар.

Ук өөредилге номун 1—4 класстарга «Литературлуг номчулга» деп эртемниң чижек программазынга дүүштүр тургускан.

Тускай демдеглелдер:

-  — номчулга мурнунда словарьлыг ажыл;
-  — аянныг номчулга;
-  — тыва дылдан орус дылче азы орус дылдан тыва дылче очулдургаш, кыдыраажыңга бижи;
-  — ажылчын кыдыраашка ажыл;
-  — билип ал;
-  — Сонуургакпайның айтырыглары болгаш онаалгалары;
-  — бажыңга онаалга.

ЭКИИ, ЛИТЕРАТУРЛУГ НОМЧУЛГА!

Эргим уруглар! «Эки ном угаанныыг кижи-бile чу-
гаалашканы дег болур» — деп, сураглыг орус чогаал-
чы Лев Толстой кончуг-ла чиге чугаалаан.

Үшкү класска «Литературлуг номчулгадан» чо-
гаалдарны номчааш, чаа билиглер-бile чепсегленип,
дыка-ла хөй солун чүүлдерни билип алыр силер.

Номчулга оранынче аян-чорук кылышының мур-
нунда эрткен өөредилге чылышында шингээдип алган
билиглеривисти катаптап көрээлинер. Белен силер бе?

Мөөрей «Угааныглар, сагынгырлар»

1. Чогаалчы деп кымыл?
 - а) ыры бижип турар кижи;
 - б) ном номчуп турар кижи;
 - в) шүлүк, чечен чугаа, тоол бижип турар кижи.
2. Улустуң аас чогаалының хевирлерин тывыңар:
 - а) шүлүк, тоожу, чечен чугаа, шии чогаалы, басня;
 - б) тоол, тывызык, көгүдүглөр, урустуң ыры, төөгү чугаа;
 - в) ыры, сам, хөөмөй, төвектээри, кажыктаары.
3. Тыва чоннуң тывызыктажыр чурумун сагып тургаш, тывыңар: *Дылы чок-даа болза, оон-бile ужу-
рашкан кижи хөйнүү билип алыр. Чүү-дүр?*
4. Дараазында одуругларның автору кымыл?

Эртинени черден казар,
Эртемнерни номдан тывар.
Узуп ижер суг дег херек
Угаан-билиг далайы — ном.

- а) Степан Сарыг-оол;
- б) Леонид Чадамба;
- в) Экер-оол Кечил-оол.

5. Улуг кижи-бile мурнай мендилежип, хұндұлел ёзулалын сагырының дугайын кайы чогаалда бижээнил?

- а) Салим Сұрұң-оол «Элик»;
- б) Олег Саган-оол «Аңчының чугаазы»;
- в) Александр Шоюң «Селбегер Койгунак».

6. «Ылааш-Сәэктиң» автору кымыл?

- а) Сергей Михалков;
- б) Александр Пушкин;
- в) Корней Чуковский.

7. Екатерина Танованың «Кышкы ыржыгажы» кандыг чогаалга хамааржырыл?

- а) шүлүк;
- б) тоол;
- в) төөгү чугаа.

8. «Эжишкilerниң эви-деми чокта, әки чүвеге чедирбес» деп үлегер домак кайы тоолдуң утказынга дүгжүрүл?

- а) Чаан биле күске;
- б) Иии күске;
- в) Инек-Сокпа.

Эр хейлер!

Чaa өөредилге чылында чедиишкінніг болурундарны күзедивис, уруглар!



E. Танова

Тыва черге йөрээл

Тыным болган
Тыва черим турбаан болза,
Тывызыксыг
Тыва чонум кайыны кээрил?
Хөрек-чүрек
Хөңүн чазап, хей-аът киирер
Хөөмөйжинин
Хөглүг ырын кымнаар ырлаар?

Буурул Тывам —
Малчын, аңчы, ыржы оран,
Бурун шагдан
Маадырларны чаяап чораан.
Кадат малчын

Дагларынга дозуп чорааш,
Хаяларга
Дайгыларын арттырып каан.

Хөндү биче,
Хүндүлээчел тыва чонум.
Көвей чонга
Күчү-күштү улам немеп,
Он-он аңғы
Аймак-сөөктүг албатының
Оюп эртпес
Аалы болуп мөңге артсын!

Тыным болган
Тыва черим йөрээп тур мен:
«Бурган өршээ,
Буян сенден ойлавазын,
Ажы-төлүң
Келир өйү чырык болзун,
Арат чонун
Кежик-чолу келдейбезин!»

 Йөрээл — алгыш, чагыг, күзээшкин; *хей азт киирер* — сорук киирер; *дайгы* — кыйги; *албаты* — хамааты, улус; *келдейбезин* [кэълдэйбэзин] — чедимче чок болбазын.

 Шүлүктү бедик көдүрлүүшкүнүг, алгап-йөрээн болгаш чоргаар аянныг номчуңар.

 *Благословение, напутствие, пожелание* деп сөстерни орус-тыва словарь дузазы-бile очулдургаш, кыдыраажыңга бижи.

 1. Чүү турбаан болза, тывызыксыг тыва чон дугайында чугаа болбайн баарыл? 2. Кайы-даа чонну өске аймак-сөөктүг кижилерден ылгап, тускай чон деп көргүзөр чүүл — төрээн дылы болгаш чурту дээр болза, чөвшээрежир сен бе? 3. Тыва кандыг кижилерниң оран-чурту бооп турарыл? 4. Автор төрээн чуртунга чүнү күзеп, йөрээн-дир? 5. Тыва деп сөс-бile «Хуул-газын сөс» деп оюндан ойнацар.

Сөстер кижи ышкаш өөрүүр, муңгараар, хомудаар. Оларны утказының айы-бile буянныг азы багай сөстер деп белүктеп болур. Өскээр чугаалаарга, олар «+» азы «-» демдектиг. Тыва деп сөс кандыг демдектиг деп бодаар сен? Ол демдээниң айы-бile бодунче кандыг сөстерни магнит ышкаш сорунзалай тыртып болурул, ада. Оон ол сөстер-бile харылзаалыг чугаадан тургус. Чижээ, *тайбың (+)*: хүн, аас-кежик, күзел, өөрүшкү, көк, найырал, каткы, дээр, уруглар, чуртталга.

Тайбың дээргэ аяс көк дээр, аас-кежиктиг чуртталга. Тайбың дээргэ уругларның өөрүшкүлцүг каткызы, хөглүг оюнтоглаазы. Кижилер кезээде тайбың чуртталга турзун деп күзээр. *Бінчангаң найыралдыг чурттаалыңар*.

 Шүлүктү шээжи-бile өөрен. Тыва чуртуңга, чонуңга 2–3 домак дузазы-бile йөрээлден бижи.

 Эге рифма — одуругларның эге үжүктеринин, слогтарының дөмейлежири (аяннажыры). Чижээ, *чергелешкек* (aaaa) эге рифма:

Талыгырга чорааштың,
Дагларымны сактыр мен.
Танывазым кадарчы
Тааланчыг ырлай бээр.

A. Даржай

Эге рифманың өске хевирлери: *кожаланчак* (аabb), *аралашкак* (абаб), *кажааланчак* (абба).

Шүлүк утка талазы-бile бөлүглөжип катышкан одуругларлыг болур. Ону *стРОФА* дээр. А ырыга ону *куПЛЕТ* дээр.

УЛУСТУҢ ААС ЧОГААЛЫНЫң БИЧЕ ХЕВИРЛЕРИ

Ада-өгбевистен аас чугаа дамчыштыр келген улустуң аас чогаалында (фольклор) улуг эвес хем-чээлдиг, колдуунда шүлүк тургузулуг, уран-чечен аргалар ажыглааны-бile дыл-домаа кайгамчык чараш хевирлер (жанр) бар: *тывызыктар, цлегер домактар, дүрген-чугаалар, оюн үдээн чугаалар, алгыш-йөрээлдер, кожамыктар* дээш оон-даа өске.

ТЫВЫЗЫКТАР

 **Тывызык** — чүвелерни дорт адавайн, оон демдектерин, овур-хевирин, аажы-чаын, өң-чүзүнүн ойзу аарак уранчыдып көргүскеш, ону тыварын негээр улустуң аас чогаалының биче хевири. Тывызыктар тургузуунуң айы-бile үш хевирлиг:

1) **домак тургузулуг, чижээ,**

Сугда кандыг даш чогул?
Беш алышкы дош чүктеди.

2) **шүлүк тургузулуг, чижээ,**

Дөрбелчин боттуг,
Дөрт чүзүн малдыг.
Ак, кара чүзүннүг,
Алдан дөрт хонаштыг,
Алыр, бээр аргалыг,
Алды янзы шолалыг.

3) **диалог тургузулуг, чижээ,**

— Межергенни кым чиген?
— Мезил-Көк чиген.
— Кым ынча диген?
— Кыйтың-Кара ынча диген.

Тывызыктарның дыл-домаан чеченчилип, тывызыктаан чүвелерни ойзу ыдары-бile уран-чечен аргаларны ажыглаар. Чижээ,

а) Чүвелерни деңнеп, дөмейлеп көргүзөр:

Хөө дег кара,
Хөл кавайлыг, тун дег ак.

Шиви дег ногаан,
Шивээ четпээн кыска.
Пөш дег ногаан,
Пөшке четпээн биче.

б) Чүвелерни удурланыштырып көргүзөр:

Кежээ келир,
Эртен чанар.

Үне калбаң,
Кире калбаң.

в) Чүвелерниң дааш-шимээнийн, шимчээшкүнин өттүнген сөстерни ажыглаар:

Ток-ток — топураң.
Так-так — тапыраң.

Сарыг аскыр — сайт диди.
Сарыг довурак — бурт диди.

г) Амы чок чүвелерни кижи азы дириг амытанышкаш чуруп көргүзөр:

Чолдак ыт ыяш көргеш, ээрди.

Өг иштинде алдын кадын
Ойнап-ойнап удуй берди.

Ужуп чорааш, ыыттавас,
Удуп чыткаш, ыыттавас,
Оттуп келгеш, мөөрөп үнер.

Бистиң ада-өгбелеривис карак-бile көрүп, хол-
биле тудуп, амданын, чыдын тодарадып болур база
танысыр, билир, дыңнаан чүүлдерин шуптузун ойзу
сөглөп тывызыктаан, ынчангаш олар темаларының
аайы-бile аажок байлак. Чижээ,

Кижи дугайында

Эртен дөрт буттаар,
Дүштө иийи буттаар,
Кежээ үш буттаар.

Бош дагның үдү чеди.

Дүгде кижи дүн-хүн чок хамнады.

Эт-херексел дугайында

Дөрт булуң
Дөңгүр аас.

Он иийи харлыг,
Опаң-чишпен угаанныг,
Дөрбелчин боттуг,
Дөмей демир сыйымныг.

Аргада чолдак ыт ээрип тур.

Аяк-сава дугайында

Кара, кызыл иийи буга чылгашты.

Бодун көөргө, борбак чараш,
Мойнун көөргө, боскаан теве.

Этпес кускун
Эътке хонду.
Часпас кускун
Чагга хонду.

Хөгжүм херекселдериниң дугайында

Кулугурнуң
Кулаан долгаар.
Барасканның
Баарын сүйбаар.

Үш алышкының ортуну чечен.
Чүс оолдун
Чүстери дөмей.

Аъш-чем аймааның дугайында

Өң киирер
Өңнүг аржааным.

Алдынын алдым,
Аптаразын кагдым.

Дадаамал дег дилген чаагай,
Дадаазын дег тырткан чаагай.

Бойдус болуушкуннарының дугайында

Алдын сайыр чырытты,
Ак ширтек союлду.

Дээр аъдының дугазы чараш.
Черден үнгеш, дээрge четти.

Дириг амытаннар дугайында

Хаваа калбак,
Караа сыгыр,
Кулаа докпак,
Кудуруу чолдак.

Үш оол эвес болза,
Үш кырлаң ажа бээр мен.
Кадын кыстың
Караа чараш.

Күштар дугайында

Элевес өрүмнүг,
Эрикпес чаңчылдыг.

Тый-тый үннүг,
Тырың сарыг дүктүг,
Чорумалды көөр
Шолбан болган карاكتыг.

Аккыры аганактан ак,
Каразы кааргандан кара.

 Чүзүн [чүйзүн] — өңнүг; хонаш — түр када чурттаар чер; түнүн — ракушка (курт хавы); шивээ — быжыглап туткан камгалалдыг бедик тудуг (крепость); аскыр — эр айт; боскаан — хол-будун көдүре хұлуп каан; дадаамал — шөе тыртып каан чүве; дадаазын — эттеп каан тас өшкү қежинден қылган баг; сайыр — сай дажы; союлду — дүжүп батты; эрикпес — хөңүнгеге дегбес; тырың сарыг — чүгле сарыг, өске өң-бile холушпаан.

 Загадка, отгадка, отгадать деп сөстерни тыва дылче очулдурғаш, қыдыраажыңга бижи.

 1. Тывызык деп чул? 2. Тывызыктар тургузуунуң аайыбиле кандыг болурул? 3. Тывызыктарга чүнүң дугайында ыдып тураг-дыр, темазын чугаалааш, чижектерден бер. 4. Тывызыктарга уран-чечен аргаларны кандыг сорулгальг ажыглаар-дыр? 5. Тывызыктарга ажыглаттынар уран-чечен арганы адааш, чижектер-бile бадытка. 6. Тывызыктарның одуругларының эге үжуктери канчаар аяннажып тураг-дыр: кожаланчак, чергелешкек? 7. Тывызыктажырының чурумун сагып, одуруглар аайы-бile тывызыктажыңар.

 Өске чоннарның тывызыктарын қыдыраажыңга бижәеш, харызызын тып: Ортаа Азия чонунуң: *Өг кырында чартык блин көстүп тур.*

Кавказ чонунуң: *Даш кырында ийи чылан чыдыр.* Алтай чоннуң: *Көк дошта мөңгүн үрезиннер.* Прибалтика чонунуң: *Диштери бар-даа болза, аксы чок.* Украина чоннуң: *Сүгга эрип каар ак даш.* Белорус чоннуң: *Бичии, борбак, кудурууңдан көдүрттүңмес.*



Библиотекадан «Тыва улустуң тывызыктары» деп номну алгаш, ыяштар, оът-сиген дугайында 5–5 тывызыктан «Ажылчын кыдыраажыңга» бижи.

Сонуургактарга. Библиотека дээрge грек сөс: *бис-блос* «ном», *теке* «склад, чүве шыгжаар чер» дээн. Баштайгы библиотекалар Бурунгу Чөөн чүкке тывылган.

ҮЛЕГЕР ДОМАКТАР

Улегер домактар дээрge чоннуң аас чогаалында кижини бир-ле чүвеге өөредип сургаан азы кичээндирген аянныг ханы уткалыг шүлүк тургузулуг до-мактар.

Үлегер домактар төрээн черинге, ада-иезинге, күшажылга ынак болурунга, ол ышкаш эп-найыралды, кижизиг аажы-чаңы үнелеп билиринге өөредип сургаан болур.

Октаргайның иези — хүн,
Кижининң иези — чер.

Күш уялыйг,
Кижи чурттуг.

Өскен чери — төрээн ие,
Өскелерний — соңгу ие.

Төрээн чуртун кижи кагбас,
Төрээн ада-иезин кижи утпас.

Ада-иези кандыг болдур,
Ажы-төлү ындыг болур.

Иелиг кыс шевер,
Адалыг оол томаанныг.

Олутта олча чок,
Чыдында чыргал чок.

Эки дарган эргээн какпас,
Уран кыс удазынга ораашпас.

Кежээниң мурнунда — мактал,
Чалгааның мурнунда — кочу.

Демниг сааскан
Теве тудуп чиир.

Эжишкiler найыралы
Эртине дагны тургuzар.

Эштигде — хөглүг,
Эптигде — күштүг.

Сеткилдиң бичези херек,
Эртемниң улуу херек.

Чашпаа кижиниң сөзү хөй,
Чалгаа кижиниң сылдаа хөй.

Кортуу ховаган дег,
Дезии дээлдиген дег.

 *Дарган* — демир аймаандан янзы-бүрү чүүлдер кылыш шевер кижи; уран — шевер, кылыш турагч чүвэзин эки билир.

 Орус улустуң үлөгер домактарын тыва дылче очулдургаш, кыдышраажыңга бижи: *Человек от лени болеет, а от труда здоровеет; Трусливый да ленивый в дружбе живут.*

 1. Устунде үлөгер домактарның темаларын тодарат. 2. Бөлүк бүрүзүндө үлөгер домактарның утказын канчаар биллип тур сен, тайылбырла. 3. Дараазында үлөгер домактарны төндүр: *Ужүк билбес кижи Арның бодава, Азт болуру куулунундан, Чадаг чорба, азттыг чор. Чааскаан Дүңмалыг кижи дыш. Угбалыг Демниг сааскан* 4. «Эжишкiler найыралы эртине дагны тургuzар» деп үлөгер домак-бile төнген харылзаалыг чугаадан тургус.



Библиотекада «Тыва үлөгер домактар болгаш чечен сөстер» деп номну алгаш, төрөл кижилер дугайында 3 үлөгер домактан «Ажылчын кыдыраажыңга» бижи.

ОЮН ҮДЭЭН ЧУГААЛАР

 **Оюн үдээн чугаалар** — уругларның оюн үезинде ажыглаар шүлүк азы диалог тургузулуг чечен чугаалары. Ук чугаалар-бile үдеттирген оюннарны:

1. Салаалар-бile ойнаар оюннар;
2. Шимченгир оюннар;
3. Шиижиткен оюннар;
4. Угаан-бодал оюннары деп бөлүктээр.

САЛААЛАР-БИЛЕ ОЙНААР ОЮННАР

«Чыдыг кодан»

Ийи холдуң он салаалары-бile «чадыр» туткаш, айтырап:

- Боже кирер бе?
 - Чок, кирбес.
 - Боже кирер бе?
 - Кирер.
 - Чүге чор сен?
 - Хой кадарган оглум
- Кодан адып келди,
Чылгы кадарган оглум
Чыдыг кырза эъди эккелди.
Оон эъдин хайындырып чиир
Чаглаа кара пажыңар бериндерем.

— Ында даштын чыышкын адаанда
ызыгар калдар ыдымга ызыртып алдың,
үзер инээмгэ үстүрүп алдың.

— Ох! — дээш, буза үстүрүп цне бээр.

Оон катап келгеш:

— Бо чүл?

— Матпаадыр пажын паштаар.

— Бо чүл?

— Бажы-Курлуг бажың тудар.

— Бо чүл?

— Ортаа-Мерген одагланыр.

— Бо чүл?

— Уваа-Шээжэн уруктаар.

— Бо чүл?

— Биче-Мөөмей чээрген чыыр.

— Чуп-чудурук.

— Бип-билек.

— Кып-кыры.

— Шеп-шенек.

— Өп-өжүн.

— Чап-чарын.

— Оп-оорга.

— Эп-эгин.

— Тас колдук, кичик, кичик.

 Чаглаа (паш) — калбак; уруктаар — сыйымныг узун хаак-бile айт шалбадаар.

 «Чыдыг кодан» деп оюн үдээн чугааны аянныг номчааш, кожа олурап эжин-бile ойна.

Сонуургактарга. Орус улустуң аас чогаалында салаалар, холдар, буттар-бile ойнаар оюннарны үдээн потешки (хөгледирлер) деп хевири бар. Чижээ,

— Пальчик-мальчик, где ты был?

— С этим братцем — в лес ходил.

С этим братцем — щи варил,

С этим братцем — кашу ел.
С этим братцем — песни пел!

«Алагатай»

Оюннуң киржикичилери бот-боттарынче көрүндүр олуруп алыр. «Бо чүңүл?» деп айтырыгны салып турар кижи айтыр салаазы-бile харыылаар кижинин шидиттинген салааларының белдири-бile баштарын айтып тургаш, айтырап.

- Бо чүңүл?
- Аъдым өртээр өртең төжүм-дүр.
- Бо чүңүл?
- Хоюм оъттаар хову-шөлүм-дүр.
- Бо чүңүл?
- Тон даараан кыстарым-дыр.
- Бо чүңүл?
- Ок чазаан оолдарым-дыр.
- Бо чүңүл?
- Кожактыг бызааларым-дыр.
- Бо чүңүл?
- Ыдым чыдыны-дыр.
- Бо чүңүл?
- Хоюм оруу-дур.
- Бо чүңүл?
- Чылгым одары-дыр.
- Бо чүңүл?
- Инәэм кажаазы-дыр.
- Бо чүңүл?
- Өем доразы-дыр.
- Бо чүңүл?
- Ожуум дажы-дыр.
- Бо чүңүл? (*Уш катап айтырап.*)
- Ай бакым-дыр. (*Уш катап харыылаар.*)
- Бо чүңүл?

- Хүн бакым.
- Маңаа чұнұ азар сен?
- Хевим азар мен.
- Маңаа чұнұ азар сен?
- Тонум азар мен.
- Маңаа чұнұ азар сен?
- Хөйлецим азар мен.
- Маңаа чұнұ азар сен?
- Курум, оттуум, бижәэм азар мен.
- Маңаа чұнұ азар сен?
- Бөргүм азар мен —

деп харылап турда, айтырыг салып турар кижи қаралғанда шидишикинни ушта соп алдыр. Ушта соп алғаш, туттурбаза, удуп алғаны ол болур. А туттуруп алза, аштырган болур. Тудуп алған кижи удурланықчызын салбайн, олурган кижилдерден:

- Ол чұнұ қылыш? — деп айттыраар.
- Ол оттүг-терге өттүнер — деп харылаа. Аштырган деп бадыткааны ол болур.

 *Кожактығ* (бызаа) — өске бызаа-бile кожуп каан; *ай бакым* — хараача, *хүн бакым* — хараача (ай, хұннұң херели бакылап кәэр); *оттуум* (*оттуук*) — от кыпсырда ажыглаар херексел; *оттүг-терге* эргижирилген сөс — автомобиль.

 «Алагатай» деп оюн үдәэн чугааны аянныг номчааш, жоғарылар әжин-бile ойна.

 «Чыдыг кодан» азы «Алагатайны» дуңмаларыңға ойнап өөрет.

УЗУН-ТЫНЫШ

 *Узун-тыныш* дәәрге ишкәэр киир тынгаш, чаңғыс тыныш иштинде бот-боттарын ажар сорулгалығ, санаашкын қылыш аас чогаалының бир хевири. Узунтынышты чүгле марғыжар дәәш әвес, а үн органнаны сайзырадыры-бile ажыглаар.

Чаа, мен эки эр болуп, он курут санаайн:

Бир курут,	Алды курут,
Ийи курут,	Чеди курут,
Үш курут,	Сес курут,
Дөрт курут,	Тос курут,
Беш курут,	Он курут.

Чаа, ам мен эки уруг болуйн, он беш чарын санаайн:

Бир чарын,	Тос чарын,
Ийи чарын,	Он чарын,
Үш чарын,	Он бир чарын,
Дөрт чарын,	Он ийи чарын,
Беш чарын,	Он үш чарын,
Алды чарын,	Он дөрт чарын,
Чеди чарын,	Он беш чарын.
Сес чарын,	

Чаа, ам мен эки эр болуйн, чээрби бала санаайн:

Бир бала,
Ийи бала — дээш, уламчылаар.

 *Курут* — божаны кургаткаш, кылган чем; *бала* — ыяш, даш азы демирден кылган борбак баштыг соктааш.

? 1. Аас чогаалының кандыг биче хевирлери бардыр? 2. Оюн үдээн чугаалар деп чүл? 3. «Узун-тынышты» кандыг сорулгалыг ойнаар-дыр? 4. Эш-өөрүң-бile «Узун-тыныштажып» ойна.

Сонуургактарга. Орус улустун аас чогаалында *считалки* (саналга) деп хевир бар. Ону оюнну эгелээр кижини тып алышы-бile ажыглаар. Чижээ, чаштынчып ойнаарда ажыглаар:

На златом крыльце сидели:

Царь, царевич,	Сапожник, портной...
Король, королевич,	Кто ты будешь такой?...

ӨӨРЕНИП ӨӨРЕН

Эртинени черден казар,
эртемнерни номдан тывар.



С. Сюрюң-оол

Аккырмаа биле ийи (Чечен чугаадан үзүндү)

Бир-ле катап башкы даарта демдек салыр деп дыңнаткан. Хүннер эртип, кичээлдер чоруп-даа турза, башкы мынчага дээр чаңгыс-даа өөреникчиге демдек салып көрбээн чүве-дир. Өөреникчилер ону дыңнааш, өөрүп-даа, сестип-даа турганнаар. А 2 демдек амырапла ханмас. Ол амыравайн, чүү амыраарыл! «Ам-на кыдыраашка, сумкага чурттаар хүнүм келген-дир» деп бодаан.

Ол кежээ Аккырмаа хөлчөк-ла кызып кичээлдээн. Чамдык үжүктерни, саннарны артык кыды-

рааштарынга каш-даа катап чараштыр бижээн. Ооң соонда кончуг кичээнгейлиг дүжүрүп бижип алган. Ол хиреде-ле авазынга чемелеткен:

— Бо көрдүң бе! Улуг *K*-ны чоп мынчаар тыртып алган сен! «Үжүглелде» көрем: канчаар бижип каандыр... Бо биче *л*-ды көрем: база соора... Оон уруун кичээлдедип кежээлээн ачазын база кончуп каапкан: — Бо сен, чанында кижи, чүнү көрүп олураг кижи сен!

Авазының аажызы черле кезээде ындыг: хензигле чүве дээш, сыйндыра-ла бээр. Ооң күзели болза, уруу чаңгыс кежээ-ле, башкызы ышкаш, чараштыр бижип, чазыг чок санны бодаптар апарзын дээр сагыштыг. А уруун авазы кончуй бээргэ, 2 демдек амырааштың билинмейн баар: бирде будукче мойт кылдыр шымны-даа бээр, бирде чылчырт кылдыр үне халааш, демир-үжүк бажындан туттунупкаш, чайганы-даа кагылаптар. Ынчаптарга, Аккырмааның холу сирилеп, чамдыкта соора бижигилептер.

Ол хүн баштай-ла арифметика болган. Башкы-даа онаалга күүседезин хынаар болгаш демдек салыр. Ону билир 2 демдек башкының авторучказынчे дурген-не кире халааш, кым-бир кишиниң кыдыраажынга чыдыптар дээш четтиклийн, далаш-бile мурнунчे чүткээн. Каткан-хуураан ону эрттириер боор. Ооң мурнунда 5, 4, 3 демдектер чыскаалдыр туруулкан, хөйүдаа хөлчөк, ону черле мурнунчे киирбес бооп-тур. 4 биле 5 демдектер эн-не хөй үнүп турган, а 3 демдектин үнери ховар болган. А 2 амдызызында чаңгысдаа үнмээн. Бир дыңнаарга, башкы Аккырмааны кыйдээн, 2 демдек ам-на мээн очуруум келди дээш, 3, 4 демдектерниң кийыг-кыйыы-бile чүткүп олурда-ла, 5 демдек үне халааш, кыдыраашта чоргаары-бile олуулупкан. 2 демдек дедир-ле хамыктың соонче үндүр кыстырылупкан.

А дараазында төрээн дыл келген. Үжүктөр багай бижээн дээш, авазынга Аккырмаа дүүн кежээ чемеледип турган болгай. Ону сактып келгеш, 2 демдек сергектенип, дидим эвес-даа болза, чоорту бурунгаарлап олурган. Ынчалза-даа ол хей-ле бурунгаарлаан, ону 4 демдек мурнаап, Аккырмааның төрээн дыл кыдыраажынга олуруп алган.

2 демдек ыяткаш, хей-ле Аккырмааны эдерип турган-дыр мен деп хомудап, башкының авторучказының соондан үнгеш, бүдүү чылбыртып чорупкан. Ооң соонда Аккырмааже чоокшулаар хамаанчок, ооң бараанын көрүп каанда, карак ажыт дезиптер апарган.

 Чемелеткен — кончуттурган; кыйыг-кыйыы-бile — кыдыры-бile; сергектенип — омак болуп, хөннүн чазап; карак ажыт — дүрген-не.

 Чечен чугаага чуруктан чурааш, ооң адаанга утказы чоок домакты чогаалдан ушта бижи.

 1. Башкының демдек салыр деп турарын дыннааш, чуге «2» демдек амырап турарыл? 2. Аккырмаа кичээлдерге канчаар белеткенип турган-дыр? 3. Авазы уруун чуге чемелеп турганыл? 4. «2» демдек сан кичээлинде уругларның кыдыраажынга хонуптар дээш, канчаар кызып турган-дыр? 5. «2» демдек Аккырмааны көргенде, чуге карак ажыт дезиптерил? 6. Бо чогаалда автор кандыг уран-чечен арга ажыглаан-дыр?

 Кичээлдерге «2» албас дизе, чүнү кылыр ужурлугул? 3-4 дүрүмнөрдөн тургускаш, кыдыраажынга бижи.

 Диригжидилгэ аргазы дээрge чогаалга амылыг эвес чүвелерни кижи ышкаш дириг кылдыр чуруп көргүзери, чижээ, хат улуп турган, хүн бакылап келген, дамырак ырлап чыткан.

H. Носов

Бодалга бодааным

(Чечен чугаа)

Мен бажыңымга келгеш, дораан-на ажыл-херекче кириптим. Мээн шиитпирлиим дендээн, бодум безин кайгай берген мен. Ольга Николаевнаның бисти өөреткени ышкаш, баштай эң-не берге кичээлдерни кылгаш, а беленнеринче соонда кирер деп бодап алган мен.

Ыңчалза-даа херек мээн бодааным ышкаш болбаан. Чүгле кичээлдээр дээш олуруп алтырым билек, дуңмам Лица чугаалай-дыр:

— Витя, биске онаалга кылдыр бодалга берген, канчангаш-даа бодап чадаштым. Дузалап көрем.

Бодалгаже көре каапкаш, бодандым: «Мону бодап шыдавазымза, тоол болду-ла! Дуңмам мурнунга бүгү ат-алдарым дораан бадар-ла-дыр!»

Ликага мынча дидим:

— Ам чайым чогул. Бодумнуң кичээлдерим баш ашкан. Сен ийи шак хире ойнап ал, келириңгे дузалажыр мен.

«Бо ойнап чоруур аразында бодалганы бодап алгаш, тайылбырлап бээр-дир» деп бодаан мен.

— Чаа, мен эжимге баргаш келийн — деп, Лица мындыг.

— Бар, бар, чүгле дораан маңнап келбе — дидим. — Ийи ийикпе, үш-даа шак ойнап болур сен...

Лика чорупкан, а мен бодалга номун алгаш, номчуп көрдүм: «Оол биле уруг аргадан тооруктап чораан. Олар шупту 120 тоорук дүжүрген. Уруг оолдан ийи катап эвээшти дүжүрген. Оолда болгаш уругда тус-тузунда чеже тоорук барыл?»

Бодалганы номчааш, артында каттырыпкан мен. «Чүү адам бодалга боор? — деп бодадым. —

Мында кижи билбес чүү боор? — Тодаргай-дыр, 120-ни 2-ге үлээрge, 60 болур. Ынчангаш уруг 60 тоорук дүжүрген-дир. Ам оол чежени дүжүргенин тывар херек: 120-ден 60-ны казыырга, база 60 болур. Боканчап мынчап баады? Олар дең дүжүрген апаады, а бодалгада уруг ийи катап эвээш тоорук дүжүрген дээн ышкажык. Ага! 60-ны 2-ге үлээрge, 30 болур. Ынчаарга уруг 30, а оол 60 тоорук дүжүргени ол бе?» Харызыын көөрүмгө, оол 80-ни, уруг 40-ни дээн мындыг.

— Адырам! Канчап ындыг болду? — дидим. — Мээцийинде 30 биле 60, а мында 40 биле 80...

Бодалганы он-даа катап номчааш, ооң баажызын тып чададым...

Мен алаң кайгап, кыдыраашка тооруктуг ыяш, ыяштың адаанга оол биле уруг, а ыяштың бодунга 120 тоорук чуруп алдым. ...Ынчап ора, олар тооруктарны карманнап турганнар боор деп сактып келдим. Оолду хажыыларында ийи карманныг хөректээш кеткен кылдыр, а уругну баартыктыг кылдыр чуруп алдым. Ол баартыкка чаңгыс карман чурудум. Ынчангаш көрүп орарымга, оол ийи карманныг, уруг чаңгыс карманныг болду.

Хенертен мээн бажымга кызаңнааш дег бодал шывараш диди: «120 тоорукту үш кезеккө үлээр херек! Уруг бир кезээн алыр, оолга ийи кезээ артар, ынчангаш оонцуу ийи катап хөй болур!» Мен дүрген-не 120-ни 3-ке үлээrimгө, 40 болду. Ынчаарга, бир кезээ 40. Уругнуң 40 тооруу ол, а оолда ийи кезээ бар. 40-ни 2-ге көвүдедиргэ, 80! Харызыы-ла кара олчаан.

Өөрээнимден чүгле шураваан мен, ынчангаш бодум бодалганы канчаар бодаанымны чугаалаар дээш, Вания Пахомовче маңнап-ла кагдым. (А. Даржаа очулдурган)

 *Баш ашкан* — дыка көвей: *ээдереп калган* — аайын тып-пайн барган; *алаң кайган* — элдепсинип; *баартыктыг* — фар-туктуг; *кара олчаан* — аажок дөмей.

 Ажылчын кыдыраашка деңелгелерлиг домактарны ушта бижи.

 1. Витя онаалга кылышында, башкызының кандыг чагынын сагып турар-дыр? 2. Витя эгезинде бодалганы чүге шын эвес бодап турганыл? 3. Кандыг арганы ажыглааш, оол бодалганы шын бодап алган-дыр? 4. Витя биле Ликаны демниг алышкылар деп болур бе? 5. Сен дуңмаңга канчаар дузалажып турар сен? Азы сеңәә акың азы угбаң онаалга кылышынга канчаар дузалажып турарыл?

 Сээн өг-бүленде кижилер бот-боттарынга канчаар дузалажып турашының дугайында кыска харылзаалыг чугаадан тургускаш, чугаала.

 **Чечен чугаа** дээрge тоожулалдың (тоожуп бижээн чогаал) биче хевири. Чечен чугаага кижииниң амыдыралындан бир болуушкунну чуруп бижээн болур. Уругларга бижээн чечен чугааларның темазы байлак: дириг амытаннаар дугайында, уругларның өөредилгези, оюну, дыштанылгазы, амыдыралынга болган болуушкун дээш оон-даа өске.

E. Танова

Ийи 2 (Чечен чугаа)

Толя эртен сергээ кончуг тура халаан. Бо дүне ол эки-ле дүш дүжээн. Бир эвес ол бүде бээр чуве болза, магалыг-ла болур ийик. Дүжүнде көрген чувези бүде бээр дээрзин Октан-оол ооң мурнунда каш-даа чугаалаан. ...Ынчангаш Толя күүсеттинмээн онаалга дээш сагыш салbastap, дүүн-не ажып каан номунуң арыннарын топтап көргеш, дүрген-не хаай иткеш, портфелинче суга каапкан.

Толя таваар чемненип алгаш, школаже белеткенип эгелээн. Үе ам-даа бар. Онаалгага берген шүлүктү амдаа сегирип алза, шээжилеп ап болур. Үнчалза-даа ол ам артык. Дүштүң бүдер-бүтпезин хынап көөр-ле болгай.

Шак чедип келирге, Толя сумказын чүктээш, үнүпкен. Школаже баар орукта дүүн болчажып алганы ёзугаар, Откан-оол бо манап турган. Толя ырактан-на хүлүмзүрбүшаан, эжинге чеде маңнап келген. Откан-оолдуң арнында арай сагыш човаан байдалды эскерип кааш, Толя эндевейн айтырган:

— Сен шулүүң доктаадып албадың бе?

— Ону доктаадыр харык кайда боор, кежээ келген дораан шал-бул чемненип алгаш, орунга калбаш барып дүшкен. Ол дээш авам эртен дургу чемеледи. А сен канчалдың?

— Мен база өөренип албаан мен, ынчалза-даа экиле дүш дүждим. Дүжүмде башкы мени самбыраже кыйгырыпкан. Харылаар дээш чаңгыс-даа сөс тыппадым. Ам-на «багай» салыры ол-дур дээш коргуп турумда, Марья Ивановна карааның шилдерин өттүр менче топтап көргеш:

— Аа, бистиң чемпионувус Толя ышкажыл бо. Сенээ мен анаа-ла «бештен» салып каайн. Дүүн хоккей маргылдаазынга эки ойнааның дээш аан — дидир.

Откан-оол арнында өөрүшкү чайнай берген Толяже адааргал-бile көргеш:

— Эх, эки-ле дүш-түрем. Мен, хайлыг чүве, оода багай-даа дүш дүжеведим. Дүштерим та кайнаар де-зип чоруй барганы ол чүве ийик. «Багай» алырым көңгүс илден-дир — диген.

Толяга эжи кээргенчиг апарган. Ол кезек ыыт чок туруп-туруп, ацаа сүмелээн:

— Бис мынчаалы. Бир эвес башкы сени тургузуп-

са, боостааң тудуп алгаш, ыыттавайн тур. Оон мен «боостаазы аарып тураг кижи» деп чугаалаар мен.

— Кончуг-ла сагынгыр сен ийин, Толя. Шынап-ла ынчаар-дыр — деп, Откан-оолдуң сеткил-сагыжы амна сергеп келген.

Оон соонда дүүн кожазы херимниң оолдары-бile болган хоккей маргылдаазының дугайында чугаа эгелээн. Ойнакчы бүрүзүнүң канчаар ойнаанын сайгырıp шаг-ла болганныар. Оруқ дургаар хөөрөжир дээш, кичээлден чүгле озалдавааннаар. Откан-оол биле Толя олуттарынга олургуулапканнаар.

— Кандыг онаалга барыл, оолдар? — деп, Марья Ивановна классты эргий көрбушаан айтырган.

Бир дугаарында Кара-кыстың холу өрү кожаш дээн.

— Пушкинниң «Кышкы эртен» деп шүлүүн шээжилээр — деп дыңзыдыр чугаалаан.

— Ону кым чугаалаксай-дыр? — дээш, башкы парталарны одуртур көрзө-даа, харыылаар кижины журналдан көре берген.

— Откан-оол! — деп, башкы кыйгырган. — Шүлүкту кээп чугаалап көрем.

Откан-оол партазындан туруп келгеш, ыыт чоккуду көргеш, турупкан.

— Кай, шээжилеп албааның ол бе? — деп, башкы айтырган.

Откан-оол ыыттаваан. Башкының арны шириин апарган.

— Олуруп ал. «Багай-дыр».

Толя дүрген-не партазындан тура халаан:

— Марья Ивановна, оон боостаазы аарып тураг кижи. Чүве чугаалап шыдавас.

Марья Ивановна оолдарның кайызынче-даа топтап көрген. Оон соонда бажын чайбышаан чугаалаан:



— Хомуданчыг болган-дыр. Боостаа аарыы берге чүве болгай, дүрген әмчиге баар сен, олуруп ал. А сен, Толя, шүлүкту кәэп чугаала.

Толя партадан хөөннүг-хөөн чок үнгеш, самбыра чанынга чедип келген. Ол идииниң баштарынче, бир дугаарында көрүп каан дег, кайгааш турупкан.

— Кай, сээң база боостааң аарып тур бе?

— Чок — деп, Толя барык сымыраны аарак чугаалаан.

— А чүл, өөренип албадың бе?

Толя ыыттаваан.

— Билдингир-дир, Толя! Олуруп ал! — дээш, Марья Ивановна журналда Толяның адының дужун орта кончуг көску «ийини» салып каан.

Кичээл дооступ турда, башкы чугаалаан:

— Келир улуг-хүнде дилги фермазы баар бис. Шанактыг чоруур бис. Кым аytt дыны тудуп билирил, оолдар?

— Мен, башкы! — дээн соонда, Откан-оол партазындан тура халып келген. Башкы баштай Откан-оолче аажок топтап көрген. Оон соонда өске уругларже көргүллээн. Толя чувениң ужурун биле тыртып

кааш, дүрген-не Откан-оолдуң шенээнден олуртур тыртыпкан. Башкы бажын чайгавышаан:

— Боостааң эттине бәэри ол-ла бе, Откан-оол? — дәэн.

Откан-оол-даа, Толя-даа ыытташпайн куду көр-геннер. А класс чир шоң дүшкен.

 Чир шоң дүшкен — аажок каттырышкан.

 Чечен чугааны рольдар аайы-бile (Толя, Откан-оол, автор, башкы, Кара-кыс) аянныг номчуңар.

 Чогаалдан шээжиләэр, «багай» демдек, хөөрежир, баштай деп сөстерниң чоок база удурланышкак уткалыг сөстерин кыдыраажыңга бижи: Үлегери: дыңзыг — ыыткыр; оожум.

 1. Е. Танованың «Ийи 2» деп чечен чугаазының темазы кандыг-дыр? 2. Откан-оол биле Толя кандыг чылдагаан-бile «ийи» демдек алганнарыл? 3. Толяга кандыг сүме кадар сен? А Откан-оолга? 4. Бо оолдарның клазында кым кичәэл бүрүзүнгө белеткенип, эки өөренип турар-дыр? 5. Е. Танованың «Ийи 2» деп чечен чугаазын номчааш, кижи бүрүзү бодунга кандыг түңнел үндүрдүңер?

 Е. Танованың «Ийи 2» деп чечен чугаазының утказын «Мен эгелээrimге, сен уламчыла» деп оюн хевирлиг эдерти чугаалаңар.

Ч. Ондар

Эдилелдин әэзинде

Ишти, дашты былчак хирлиг,
Ийи, үш-даа арны үзүк,
Кыдыгларын шыймак долган
Кыдырааш, ном харааданчыг.

Азыглары мугуарты
Аткаар, ишкәэр сыгыгланган —
Суккан чүүлдер ындыг чуттүг,
Сумканың багында бе?

Сумка кайын багай болур.
Шупту буруу ээзинде-дир.
Ээниң боду кандыг болдур,
Эди база ындыг болгай.

 *Харааданчыг* — хомуданчыг; *мугуарты* — азы чок кылдыр; *аткаар* — даштынче.

 Шүлүктүүтүкту утказынга дүүшкен аян-бите номчуңар.

 Кыдырааш, номну канчаар эдилээнин көргүскен сөстерни тыпкаш, орус дылче очулдургаш, кыдыраажыңга бижи.

 Ажылчын кыдыраашка өөреникчи кижииниң эт-севин канчаар эдилээриниң дугайында 3–4 дүрүмден чогаадып бижи.

 1. Шүлүктүүтүкту номчаан соонда кижиге кандыг сагыш-сеткил оттуп кээр-дир: өөрүшкүү, чоргаарал, ыяткан, эпчоксунган? 2. Шүлүктүүтүкту номчааш, бодуңга кандыг түңнел үндүрдүү? Сәэн бодалыңны бадыткап турар түңнел сөстер шүлүктө бар-дыр бе? 3. Одуругларның әге үжүктери канчаар аяннажып турар-дыр?

 Шүлүктүүтүкту шээжи-бите өөрен.

ЧЫЛДЫң ҮЕЛЕРИ. ТОДУГ-ДОГАА КҮЗҮМЕЙНИ



O. Саган-оол

Күскү аргага

(«Тоорукчуга таварылгалар» дөп
чечен чугаадан үзүндү)

Дыт, хадың, шиви ыяштар узун суук кылдыр үнгүлээн эзим ишти, оларның аразында мыйгак-хараганнар-даа шырышталы берген тургулаан. Черниң кырын чингистер болгаш киш-кулаа чиндийтир шып алган, оон чаагай чыт аргада тарап сиңниккен турган.

Дыттарның болгаш хадыларның бүрүлери төктүп калгылаан, артканнары бичии шимчээшкинден-не ожукталып бадып турғаннар. Ынчалза-даа селбегер пөштерниң болгаш шилгедек шивилерниң бүрүлери

канчалбаан-даа, күску өскерлиишкиннер оларга хамаанчок чүве дег, бир дески кара-ногаан апарган турганнар. Пөштерниң селбегер будуктарының баштарында тооруктар ийи-ийи, үш-үш кылдыр кожалажыпкан, чамдықтарында чаңгыс-чаңгыс бооп алган, арай бадагар-бадагар апарган турганнар. А шивилерниң чочагайлары сұвұр-сұвұр апарган тургулааннар. Пөштерниң бирәәзиниң бажында кәәрген олурупкан, сұвұр хаайы-бile бир тоорукту карттап, ооң сайын ол-ла черинге үрүңнеп чип олурган, оон ыңай-бәэр көргүләэш, арай кургамзық кылдыр чыргырады алғырыптарга, ооң ол алғызы арганың иштин бир кылдыр чаңгыланып тарап турган. Кәәрген бир-ле чүве сураа дыңнааш, азы бир-ле амытанны көргеш, оон сестип алғырар боор чүве-дир.

 *Мыйгак-хараганнар* — сырый бүрүлерлиг, улуг чарап чечектерлиг чадаң ыяш (рододендрон); *шырышталы берген* — шыргай апарган, кижи әртип албас; *ожукталып* — кылын кылдыр; *бадагар* — улуг, семис; *үрүңнеп чип олурган* — казып чип олурган; *кургамзық* — аянныг эвес.

 *Дыт, хадың, шиви, пөш, хады, мыйгак-хараган, чиңгис, киши-кулаа, чочагай, тоорук* деп сөстерни орус дылче очулдурғаш, оларны «Хүрәеледе» канчаар бөлүктеп турарын барымдаалап, бөлүктерге чара бижи (ыяштар, чадаң ыяштар дәеш оон-даа өске).

 1. Сөзүглелди чүге «Күску аргада» деп адааныл? 2. Күску аргага кандыг өскерлиишкиннер болу бәэр-дир, чогаалга даянмышаан, бодуңнуң өскериглериңи база ажыглап турғаш, харыла. 3. Күску арганың каас-чаражын чуруп көргүзери-бile чогаалчы кандыг сөстерни база кандыг уран-чечен аргаларны ажыглаан-дыр? 4. Күстүң кайы үезиниң өскерлиишкиннерин чуруп көргүскен деп бодаар сен (әрте, ортаа, орай), чүге? Чурукта күстүң кайы үезин көргүскен-дир? 5. «Күску аргага» деп сөзүглелди чүге бойдус чурумалы дәэрил?

Чурукка даянып, «Күску арга» деп кыска чогаадығдан бижи.

Бойдус чурумалы (пейзаж) дээрge бойдустунг каас-чаражын, ooң чылдың үезиниң аайы-бile ёскерлиишиннерин чуруп көргүскени. Ол чогаалда болуушкуннарның ниити байдалы-бile тудуш болгаш чогаалдың маадырының сагыш-сеткилин, амыдыралын чуруп көргүзеринге база дузалаар.

Э. Кечил-оол

Кайгамчыктыг картошкам

Кайгамчыктыг картошканы —
Кандыг-даа чем болу бээр.
Хамык чонга хүндүткелдиг
Хавыяалыг картошкамны.

Картошканы казып турда,
Хаваам безин деритпес аан.
Казып, ажаап чыып тургаш,
Каткым келир хайлыг эр мен.

Картошканы казып турда,
Кандызы-даа көстүп келир:
Хаван, адыг, сарбашкын дээш —
Каттырынчыын кандыг дээрил!

Дүрзүзүнүң каттырынчыы —
Дүжүдүнүң чаагайы ол.
Ынчангаштың картошканы
Ырлыг-шоорлуг ажаап аар мен.

Эки дүжүт боду келбес —
Ээзиниң холу билир,
Ажаалдазы эки болза,
Алрыы-даа — аңмаар доллар.

Картошкамны кандыг дээрил —
каяа-даа бол хүндүлүг чөм.
Кандыг-даа аалчы моорлап кээрge,
харын чоргаар сөңнээр чөмим!

 *Хавыяалыг* — алдарлыг; *аңмаар* — эт-херексел, далган-тараа шыгжаар тудуг; *сөңнээр* — хүндүлеп бээр.

 Шүлүктү ооң утказынга дүүштүр аянныг номчу.

 Бир-ле чүвениң хевирин сагындырар картошка дүрзүзүн чуру. Адаа тааржыр одуругларны шулүктен ушта бижи азы бодуң чогаат.

 1. Бо шүлүктү кандыг аян-бile номчуп болурул: чорга-арланган, муңгараан, көгүткөн, амыраан бе? 2. Картошканы мактаан одуругларны тыпкаш, аянныг номчу. Ону чүү деп мактап тураг-дыр? 3. Чүге картошканы ийи дугаар хлеб дээрил? 4. Күскү үени чүге тодуг үе дээрил? 5. Кожаланчак аян-нажылгалыг строфаның чижээн номчу. 6. Картошка ажаалда-зының үезинде тып алган солун дүрзүлүг картошкаларыңарга аттан берип, класска делгелгеден қылышар.

 Картошкадан қылышыр чөмниң бир тускай аргазын бижи.

Ч. Ондар

Кыштың тыныжы

Кырлар кырын бысканнап каан
Кыржаң дески куу булут
Шынаа, хемче кирдим дээнзиг,
Чывар, соокту медээлеп тур.

Үзүктел чок силгип кээрge,
Үстүп тоглаан сарыг бүрү
Оңгар, ажыт булуңнарже
Овааланып тырлып-ла тур.

Доозуннуг казыргызы
Долгандыр шаап, ээргииштелип,
Додуккан мээн арнымдыва
Довураан-даа чөлбигилээр.

Алдын күстүң өңү чидип,
Аяс көк дээр куурарып,
Соок кыштың тыныжының
Солчуп кирип келгени бо.

 Бысканнап каан — шыва алган; кыржан — сооксумаар; доозун — шөгжегер, дүргектелип келген довурак-бок; казырыгы — хаттың киткей каап, долгандыр шавары; додуккан — салғын-хатка хүрертир каксып алган; чөлбигиләэр — хадый кагар.

 Шүлүктү аянныг номчу. Кандыг аян база темп-бile номчuur болза, тааржыр-дыр: дүрген сергек, оожум муңгак.

 Кыржан булут, күү булут, сарыг бүрүү, алдын күс, көк дээр, соок кыш деп эпитеттерни ажылчын кыдыраашка бижи.

 1. Шүлүкте күстүң кайы үезин чуруп көргүскең-дир? 2. Орай күстүң чурумалын чураан деп канчаар билип ап болурул? 3. Шүлүк номчукчунуң кандыг сагыш-сеткилип оттууарыл? 4. Кыштың чоокшулап келгенин бойдустуң кандыг болуушкуннары медәэлеп туар-дыр? 5. Аас-бile орай күстүң чуруун деңнелге, диригжидилге, эпитет аргаларын ажыглап, чуру.

 Шүлүкту шээжи-бile өөрен.

 Эпитет дээргечүвениң уран-чечен тодарадылгазыдыр. Эпитеттер чүвелерниң доктаамал болгаш таварылга бооп көстүп келген шынарын көргүзөр. Чижээ, тояланчы хат, ногаан оът, эрес эр.

ЭКИ КЫЛГАН АЖЫЛ — ЭЛЕП-ЧИТПЕС АЛДАР



Ю. Кюнзегеш

Шартылаа биле Кымысаяк (Басня)

Шартылаажык бир-ле эртен

Чаргырткайнып, шуугап келген:

— Үүле-херээ бүдүп чадаан

Үзүк-боолук Кымысаяк!

Дүне, хүндүс,

Бүргег, каанда

Дүвүренчиг кыннып алган,

Бүдүрүпкен ажылың чүл?

— Ширик черни үттей каскаш,

Ширен паш дег өг-даа тиктим.

Шиви, хая үнүп чорааш,

Шивит, чук-даа үүжеледим.

Кыжын доңмас,
Хырным тодуг...
Чайны өттүр чулчурааштың
Шартылаажык, чүнү кылдың?

Шартылаажык тула бергеш,
Чаңчанмышаан ыңай болган...
Артык сөс чок Кымысскаяк
Анчыг хейге харыы бербәэн,
Өөн септеп,
Өөрүн сургаан:
«Ажыл-ижи шуудаваанды,
Алгырарга, дүжүк чок боор...»

 *Ширик* — сырый өскен оъттуң дазылдары-бile тутчу берген хөрзүннүң үстүкү кады; *ширен паш дег* — хокпак; *шивим* — минералдыг сарыг азы кызыл будук (охра); *чаңчанмышаан* — кончуттунмушаан; *дүжүк чок* — дуза чок.

 Басняны рольдар аайы-бile аянныг номчуңар.
 Орус улустуң «*Делу — время, а потехе — час*» деп үлегер домаан очулдургаш, кыдыраажыңга бижи. Оон утказын канчаар билип турарыңы аас-бile чугаала.

 ? 1. Басняның кайы маадыры сеңээ кончуг таарышты, чүгэ? 2. Автор сеңээ чүнүң дугайында сагындырар дээш, бо басняны бижээн-дир? 3. Кымысскаяк чүгэ өөрүн «Ажыл-ижи шуудаваанды, алгырарга, дүжүк чок боор...» — деп сургааныл?

 И. Крыловтуң «Стрекоза и муравей» деп баснязын номчааш, Ю. Кюнзегештиң баснязы-бile деңне. Бо иий чогаалдың дөмөй болгаш ылгалдыг чүүлдерин чугаала.

 **Басня** дээрge бир-ле чүвени угааткан кыска шүлүк чогаалы, оон сөөлгү одуруглары сургаалдыг уткалыг боор. Басняларда кижилерни дириг амытаннаар, күштар, курт-кымысскаяктар, ыяштар, чечек-үнүш солуп турар. Чижээ, *кымысскаяк* — ажылгыр кежээ кижини, *дилги* — кажар кижини, *сааскан* — чалчырааш кижини дээш оон-даа өске.

Ажыл

Ажыл шупту хұндұткелдиг,
Аар, чиик деп ылгалы чок.
Ажыдыышқын, тиилелгеге
Алдын дұлгүүр — мергежил ол.

Шұшпең болғаш чалгаа болза,
Чүү-даа ажыл дек бүтпес.
Чүрек биле чүткүл турда,
Шүүтсүнер чүве турбас.

Чұс чыл кылсыр үүлеңни
Чүрәәң боду шилип алзын —
Чүгле кежәә, чүгле әрес —
Чүткүл, сорууң кошқаш кылба!

 Дек [тэък] — дүрген; шүүтсүнер — түвексинер; цүле — ажыл-херек.

 Шұлұқту аянныг номчу, ооң кайы одуругларын чагып йерәән аянныг номчуурул?

 1. Ю. Кюнзегеш чүге кандыг-даа ажыл хұндұткелдиг деп турарыл? 2. Кандыг-даа ажылдың бүдери чүден хамааржырыл? 3. Чогаалчы сөңәә кандыг чагыг берип турар-дыр? 4. Бир дугаар строфаның эге үжүктери канчаар аяннажып турар-дыр? 5. Кижи бүрүзү бир мергежилди шилип алғаш, ооң ажыктыын чугаалаар.

Чижәә, Чурукчу дәэрge әң солун мергежилдерниң бирәәзи. Ол бойдустуң кайгамчыктыг булуңнарын чуруп, делгелгерни кылсыр. Чурукчуларның ачызында номнар өңгүр, чараши болғаш номчукчуларның кичәәнгейин хаара тудар. Чурукчулар үңїң чуруп турары-бile бот-боттарындан ылгалыр: кижи чуруур болза, портретист дәэр, бойдус чурумалы чуруур болза, уран чурукчу (живописец), чүгле карандаш-бile чуруур болза, график, театрда ажылдан турар болза, театр чурукчузу дәеш оон-даа өске. Чурукчуларның дузазы-бile чараши үңїлдерни эскерип өөренир бис.



Шұлұқтуң шәэжи-бile өөрен.

Соннурғактарға. Баштайғы тыва ужудукчу — Кидиспей Қооду. Ол Оренбургтуң ужар чүүл школазын дооскаш, 1938 чылдың ноябрь 11-де Абакандан Тываже «ПО-2» деп самолёттүг бир дугаар ужуп келген.

O. Сувакпим

Арзылаң биле Пар (Басня)

Айлар эрткен. Ийи өңнүк
Ажыл-ишчи чарыш түңнээн:
Арзылаңның ийи чүс хуу,
Амдызызының чүс он болган.

Аңаа өөрээн өңнүктөр-даа
Аъжын-чемин делгевиткен.

Парның чазаан сандайынга
Арзылаңы саадавыткан,
Байғы чемни хөөрөп-хөөрөп,
Амданнанып чий-ле берген.

Арзылаңның кылганынга
Аштырган Пар олурупкаш,
Ол-ла дораан ойта дүшкен —
Оозу чуурлуп чаштай берген.

Кедизин-даа, шынарын-даа
Херексевес кижилерниң
Ажылының түңнелдери
Арзылаңга кончуг дөмей.



Саадавыткан — олурупкан; кедизин — түңнелин, кан-
дыг болурун.



Басняны аянныг номчу.

 1. Басняның маадырларын ада. Олар кылган ажылын канчаар күүсеткен-дир? 2. Кым ажылын эки кылган-дыр? 3. Арзылаң ажылын 200% кылган-даа болза, чүге ооң сандайы шынар чок болғаныл? 4. Кайы одуругларда басняның кол утказын дамчыткан-дыр? 5. Басняның эң сөөлгү строфазын кандыг үлегер домак-бile солуп болурул? 6. Бо чогаалды чүге басня дәэрил?

 Басняны бир кижи аянныг номчуп турда, ийи кижи театржыткан үн чок көргүзүгден белеткеңер (одуруглар арасынга маргылдаа хевирлиг әртирип болур).

O. Сувакпим

Салааларым

(Үзүндү)

Салааларым саны каш деп,
Санап тургаш, билип аар мен.
Бир холумда:
Бирээ, ийи, үш, дөрт, беш.
Бирээзинде:
Бирээ, ийи, үш, дөрт, беш.

Олар шупту каттышқаштың
Он-дур, санап көрдүвүс-даа.
Оя сөглээн, шынын сөглээн
Олар шупту аттарлыг де.

Улуг салаа — удуртууйн дээр.
Башкы салаа — башкылаайн дээр.
Ортаа салаа — очулдурайн дээр.
Биче салаа — бижээчилээйн дээр.
Хеймер салаа — хевилээйн дээр.

Көрбес сен бе, шуптузу-ла
Хөйнү билир эртемденнер.

Ол-даа канчаар,
Оон ыңай база дыңна.

Бапаа-маадыр — хой кадарзын.
Бажы-курлуг — сиген кессин.
Ортаа-мерген — кажаа тутсун.
Уваа-шээжек — инек сагзын.
Биче-мөөмей — анай тутсун.

Салааларым кандыг-дыр чээ,
Салымныг-ла малчыннаар аа?
Адыр-адыр,
Ам-даа улам төөгүп берейн.

Матпаадыр — баштактаныр.
Бажы-шапы — баяннаар.
Ортаа-чечен — ойнадыр.
Уян-шээжек — улус чалаар.
Бичии-бөөвей — бир ыр ырлаар.

Кандыг-дыр че, салааларым,
кайгамчык-ла артистер аа?
Мени черле үзе кирбе,
Мени дыңна, доктаадып ал.

Салааларым, шыны херек,
Тывызыкта база кирген.

«Улуг-биче алышкылар,
Узаны бээр алышкылар.
Чарылбас алышкылар,
Чазаныр алышкылар». (*Салаалар*)

Холдарымның салаалары
Ховар диген эртине-дир.
Амыдырал чечекшиткен
Ажылчыннаар — дарганнаар-дыр.

Ийи холум салаалары
Игилимни ойнап чорзун!
Ижи-бile, күжү-бile
Ие-чуртум каастап чорзун!

 Хевилээйн эргижирээн сөс — үндүрэйн, парлаайн (парлалга черинге).

 Шүлүктү аянныг номчу.

 Салааларныц аттарын ушта бижи.

 1. О. Сувакпиттиң «Салааларым» деп шүлүү тыва улустуң аас чогаалыныц кандыг хевиринге дөмей-дир? 2. Бо шүлүктү кандыг аян-бile номчуур болза, ооң утказынга дүгжүрүл (эпчоксунуп эгенген, чоргаарланып мактаан)? 3. Салаа бүрүзүн бистер канчаар адаар бис, а улустуң аас чогаалында олар кандыг аттарлыг-дыр? 4. Салаа бүрүзүн канчаар мактап, кымнарга дөмейлээн-дир? 5. Авторнуң салааларга йөрээл сөстерин аянныг номчааш, канчаар билип алганыңы чугаала. 6. А сен чүнү кылыш билир сен, ада-иеңге канчаар дузалажып турар сен?

 Уштен эвээш эвес строфадан шээжи-бile өөрен.

ХӨКТҮГ УЖУРАЛДАР, СОЛУН БОЛУУШКУННАР



К-Э. Кудажы

Мыйыт

Бо төөгү мен бичиимде болган. Хөй чылдар эртип удаажыраан-даа бол, ону утпаан мен.

Күзүн чүве ийин ооңар. Бичии оолдар үргүлчүле балык сыйрткыштаар турган бис. Чазый ала-бугаларга, ак-балыктарга-ла чөп бис.

Улуг-Хем унунда септерге озаңнар аажок хөй болур, балыктар даңгаар-ла оларның чанынга чыглыр. Ынаар сыйрткыш октаарда, оваарымчалыг болбас болза хоржок. Бир-ле чүвеге ызырны бээр.

Өөрүм оолдар-бile дүүште балыктап тургаш, оска ызырынган сыйрткышжым үзе соп алган мен. Хомуудаарым аажок. Артында-ла дедир атқактыг, садыг

сыырткызы жы болгай. Ол шагда ындыг эт тыптыр эвес.

Эртенинде өөрүмнү мурнап келгеш, сугда сыырткызыжымны көрүгзүнүп, дүүнгү оству бакылай бердим. Сугнуң бырланынга караам өөренчиктей бээрge, көөрүмгө, улуг дазыл адаанда чингежек чудук сыртанаң алган дөрт карыш хире хүрең-шокар балык чыдыры. Катап-катап бакылаарымга-даа шимчевес.

Дааш үндүрбейн, ушкан ыяштар кырлап чорааш, эрик кырынга үне маңнап келдим. Дораан-на сыырткызыжым хендирин чешкеш, чооннадыр каткаш, дузак кылып алдым. Оомну адыр баштыг талга сыппатпым.

Дузаамны тудуп алгаш, база-ла биеэги озумга келдим. Кандыг кончуг чааш балык ийик, ам-даа ол чединде чыдыры. Чакпалары суг агымының аайы-били чайганып каап тур.

Улуг чудук кырынга эптиг кылдыр чыдып алгаш, дузаамны ээрем дүвүнче суп киирдим-не эвеспе. Балык шимчеведи. Адыр ыяш бажында ылдыртып алган дузаамны ооң кайызындан кедирер аайын тыппайн чыдыры мен. Кудуруундан чоктадыйн дээrimge, шимчеп турар. Дузак ацаа бичии-ле дээр болза, ол дораан-на хоя бээр. Балыкты дузактаарда, черле бажындан кедирер-ле болгай. Мен база ынчаар бодап алдым.

Дузаамны балыктың бажынга чедире бергеш кедиреримге, ооң сыртанып алган чудуу моондактааш, хоржок болду. Ынчап кээргэ, ол та кайыын келген угааным чүве ийик, ооң чаажын ажыглааш, сыртанып алган чудуундан хоора идип алыр деп бодап алдым. Дузаам сывының бажын балыктың чаагының адаанче суккаш, доора чудуктан хоора кагып эгеледим. Балык чоорту дедирленипти, ынчалза-даа сыртанган

чудуу хоорулбайн, оон-бile кады шимчеп бар чыдыр. Оон улам-улам кагыгылаптым. Дириг амытан чеже шыдажыр, бырлаш кылынгаш, адаам-бile эрте халыды. Чудуун база ол-ла хевээр сыртанаپ алгаш чоруй барды.

Ол аразында чанымга оолдар халчып келгеш:

— Чүнү канчап чыдыр сен? — деп айтыра-дырлар. Ыытташпаңар деп холум-бile имнедим. Өөрүм соксаар дээр ужур чок:

— Сыырткызың тып алдың бе? — деп алгырыштылар. Чамдык оолдар мырыңай чанымга турган дазылым кырынга халчып келдилер.

— Оожум, оожум. Улуг балык чор — дээш, хая көрүндүм.

Күскү арыг сугнуң ээренинде демги балым дөө салдап тур. Сыртанаپ алган чудуу хевээр. Ам топтап көөрүмге, катканың чудук боор ийик. Демги балым бодундан иийи катап улуг балык доора ызырып алган чор. Ону доора чудук деп көрген кижи-дир мен.

Улуг-Хемге өскөн улус канчап балык танывас боор: бичии балык кызыл-шокар өндүг мыйыт болду, улуу — доора ызыртып алганы — ак өектиг бел болду.

Оларны көрүп кааш, өөрүмнүң үнү чиде берди.

Ындыг бичии мыйыт ындыг улуг белди канчап ызырып алган чоор деп кайгап шаг болдувус. Өөрүмнүң ону көргени чаян болган. Оон башка өөрүмге мен ынча деп чугаалаан болзумза, меңээ өөрүм кайын бүзүррээрлер.

Оон көрген чүүлүвүстүң дугайын изиг-изиг чугаалашпышаан, суг кыдыында чурттап орап Чөнүк-оол ашактың өөнгө келдивис. Шай аартаан олур.

Чазын-даа, күзүн-даа өөн даңгаар-ла орта тип алыр чаңыг ашак чүве. Ынчан ацаа хемелиг кижи чаңгыс ол турган.

Чөнүк-оол ашакка келгеш, мындыг-мындыг болдувус деп, мурнувус былаажып чугааладывыс. Ашак сонуургаар боор деп бодаан бис, ынчалза-даа киживис дүште-даа чок шайлап олур.

Чөнүк-оол ашак олуруп-олуруп, мынча диди:

— Бичии балык улуг балыкче кайын халдай бээр. Улуг балык боду халдап келген болгай аан. Ынчаарга мыйыт ооң аксынче кайын-на анаа кирип бээр, жар оп-бile былдай дүшкен-дир. Бел аскымнаан уубиле эрте халып чыдырда, мыйыт ооң кудурук дөзүнден алган-дыр. Чиш сүрүп чорааш, боду чиш болганы ол-дур — дээш, киживис билдирер-билдирбес хүлүмзүүй-дүр. — Улуг мен дээш шоглаар болза, бичии амытаннаар база камгаланып билир болдур ийин. Улуургактың угааны чок.

Ам бодап чоруурумга, ынчан Чөнүк-оол ашак кончуг-ла өртектиг сөс чугаалаан ийин.

 Удаажыраан — узамдыккан; чөп [чөъп] — өй; озаңнар — чудук-ыяш тырлып доктааган; оска — озаңга; моондактааш — шаптыктааш; аткак — кертик; тыртпа — илбек.

 Чогаалда балыктарның аттарын орус дылче очулдургаш, кыдыраажыңга бижи.

 1. Бо кандыг хевирниң (жанр) чогаалы-дыр: тоол бе, чечен чугаа бе? 2. Чогаалда болуушкун чылдың кайы үезинде база каяя болган-дыр? 3. Бичии оол сыйрткызыжын канчап чидирип алган-дыр? 4. Чингежек чудук сыйранып алган балык деп көрген чүвези чүү болганыл? 5. Мыйыттың белди ызырып алганын өөрүнүң көргени чүге чаяан болганыл? 6. Чөнүк ирей оолдарның чугаазын чүге элдепсинип сонуургавааныл? 7. Балыктар-бile болган таварылга кижилерге чүнү угаадып болур-дур? 8. Чөнүк-оол ирейниң «Улуургактың угааны чок» деп сөстерин оол улгадып келгеш, чүге «кончуг-ла өртектиг сөс» деп үнелээнил?

 «Мезилде» болган таварылганы оолдуң эвес, а Чөнүк-оол ирейниң адындан эдерти чугаала.

Ууттуунмас тоорук
(«Чайгы хүннер» дөп чогаалдан эгэ)

Ол кавыда ыяш дээрge янзы-бүрү. Дыттар кедергей хөй. Пөш база-ла эндериk. Олар ылацгыя сирттерде болгаш оларның ээн эйттеринде үнгүлээн.

Аалдан элээн ыракта бир каът бар, а оң бажында пөштер өскелеринден илэйти-ле ылгалдыг, чоон-чоон, селбегер-селбегер, будуктары чогдур-чогдур. Оларже үнери эптиг. Оларда тоорук – ууттуунмас, будуктун чаңгыс адырында безин дөрт-беш тургулаар. Шериг-оол оларны шагда-ла эскериip кагзажок, оларның биле үрелдежир чай-даа, үе-даа тыппайн келген.

— Хойну мен дозуп чорууйн шинме, кырган-ачай?

Демгизи удурланмаан.

— Ынчал харын, оглум. Ыратпайн, ээп чор. Мен дораан соондан чеде бээр мен.

Шериг-оол халып-ла баткан. Демги каъттың ужунга чорааш, хойну-даа доскан. Биеэги-ле пөштер бо. Чоокта чаа-ла ак-сарыг, чочагай дег бичии тооруктар улгаткылаан: хеверти үрүпкен чүве дег, чооннаан, шее тыртыпкан чүве дег, узаан; өңү база өскерлип, соокка доңган кижи чаагы дег, хүрец-кызыл апаргылаан; кирбиктери безин эриннели бергилээн, ындыг тооруктарны сайлаары безин белен. «Болар ам чылан-караанга чытпас. Быштак чөмчө шагда-ла кирген, харын-даа ак сай чеде берген болду бе».

Дыдыраш, ногаан пөшче кайгап алгаш турал, Шериг-оол ындыг янзы боданган. Оң уламындан чаагының суу чайгаар-ла сайырап эгелээн. Канчап анаа-ла кайгап алгаш турар боор!

Пөшче үнери дээш, сапының бирээзин ужуулгаш, куу чудук кырынче пет кылдыр каапкан. Аңаа улаш-

тыр бир-ле чүве: хилир-халыр, далдыр-дулдур дээн соонда ыяш-даш чайырткайны берген. Шериг-оол меңнээш, арны изиш кыннып, олурган боду тура халып келген. Оон база бирээ демгизинден-даа артык дагжап үнген: хилир-халыр! Далдыр-дулдур!.. Шериг-оол алгырыпкан, а чогум канчаар алгырыпканын боду безин билбейн барган.

Оон уштуп октапкан идиин ала тыртып алгаш, бир буду идиктиг, бир буду кызыл-даван, хая көрнү-көрнү пөштер аразындан ушта маңнап келгеш, хойганди дилги дег, аргаже дедир көрүп турган.

— Чүнү кайгап тур сен?.. Идииң бирээзин чоп уштуп алган сен? — деп, артында бир кижи айтыра берген. Хая көрнүп кээрге, кырган-адазы өлезин мунупкан, хыйырак кырында, тураскаал дег харап турган.

— Мында чүвелер будук сый соп-тур, кырган-ачай.

— Кайда? Чүү чүвелер?.. Бээр келем.

Шериг-оол чеде маңнай бергеш, тайылбырлаан.

— Аа. Ол болза кара-куштар-дыр. Анчыг күштар, кижи девидедир. Сен хамаанчок, мен безин девидээр кижи мен — деп, кырган-ачазы чугаалаан.

Оон соонда Шериг-оол ол черже чоокшулавас, ону оюоп чоруур апарган.

 *Илейти-ле* — көзүлдүр-ле; *чогдур* (будуктары) — хала-гар; *хеверти* — дөгдейтири, шарттайтыр; *өлезин мунупкан* — өле аъдын; *хыйырак кырында* — кадыр кырында.

 Тооруктуң канчаар бышканын бижээн узун домакты тып-каш, ушта бижи. Бо домакта деңнелгени дыйлагар шыйыг-бile демдегле.

 1. «Ууттунмас тоорукта» болуушкун кайы үеде база каяа болуп турар-дыр? 2. Чогаалдың кол маадыры кым-дыр? Ол чайлагда кырган-ачазы сүгга канчаар дузалажып турар-дыр? 3. Шериг-оол-бile кандыг солун ужуурал болган-дыр?

4. Сен ақыларыңы эдерип, тооруктап чораан сен бе? Тооруктаар кижи тайгага кандыг дүрүмнери сагыыр ужурлугул?
5. Чогаалда бойдустуң кандыг булуңунұң чурумалын чуруп көргүскен-дир? Ону тыпкаш, номчу.
6. Чогаалда «хилирхалыр, далдыр-дулдур!» деп өттүнүг сөстерин чүге ажыглаа-ныл?

 Бойдус чурумалын шәэжи-бile өөрен: «*Аалдан әләэн ыракта бир қағт бар дәеш, ... дөрт-беш тургулаар*» деп черге чедир.

БОЙДУСТУН ЧАЖЫТТАРЫ



M. Пришвин

Алдын шынаа

Бир суурга чуртташ турган бис. Бистиң соңгавыстың дужунда шынаа бар, ында частып орар әмгесанчок сарыг чечектерден бүгү шынаа алдынналыштып чыдар. Улус ону көргеш: «Кончуг-ла чарап-тыр ам! Шынаа алдынналган!» — дижип турар.

Бир-ле катап кончуг эрте тургаш, балыктаар дәэш бар чыда, шынааны көөрүмге, алдынналчак эвес, а ногаан апарган болду. Дүүш үезинде чанып орарымга, шынаа база катап алдынналы берген тур. Оортан мен ону топтап көрүп-ле әгеледим. Шынаа кежээликтей база-ла ногаарара берди. Ынчаар орта мен сарыг чечектерни барып тып алгаш көөрүмге, калбак кулакчыгаштарын хавырылдыр тыртып ап-тыр. Бистиң адыйзывыстың ишти сарыг турган дижик, ынчаарга бис адыштаныптар болзувусса, сарыг чери көзүлбейн

баар-ла болгай. Ол база-ла ындыг янзылыг болган. Эртен хүн үнүп кээрге, сарыг чечектер частып кээр, ынчаар орта шынаа база катап алдынналчак апаар чуве чорду.

Оон бээр-ле сарыг чечек бистиң сонуургаар чечектерилистиң бирээзи апарган, чүге дээргэ ол чечек кежээликтей бичии уруглар бистер-бile деңгэе удуп эгелээр болгаш эртен бистиң-бile кады туруп кээр. (*K. Сүттүг-оол очулдурган*)

 Алдынналган — алдын ышкаш өндүг болган; оортан — оон; хавырылдыр тыртып ап-тыр — чечектерниң кулакчы-гаштары хагдына берген.

 Эц сөөлгү домактан удурланышкак болгаш чоок уткалыг сөстерни ушта бижи.

? 1. М. Пришвин чогаалын чүге «Алдын шынаа» деп адаа-ныл? 2. Шынааның эртен-кежээ ногаарарып, а дүйште алдын-налып турганының чажыдын бичии оол канчаар билип алган-дыр? 3. «Алдын шынааны» бойдус чурумалы деп болур бе? 4. Сен бойдустуң кандыг өскерлиишкеннерин эскерген сен?

 Шынааның эртенги болгаш дүштеки чуруктарын чурааш, адаанга чогаалдан утказынга тааржыр домактан ушта бижи.

C. Комбу

Чогум чул ол, уруглар?

Хараачадан бакылап,
Карак баскан «оттарны»
Кежээ Орлан удуурда
Хенертен кээп көрүп каан.

Оюн эреп, чивенцнеп,
Оолду харап, электеп,
Эрте удуур чалгаа деп,
Эгендририп турган дег.

Бичии Орлан оларны
Билип чадаан, танываан.
Сонуурганчыг, чараш-даа
Чогум чүл ол, уруглар?

 Хараача — тогана, өреге; әгендирип турган — ыяттырып турган.

 Шүлүктүү аянныг номчу.

 Шүлүктүң үш дугаар строфазын орус дылче шенеп очулдургаш, кыдыраажыңга бижи.

 1. С. Комбу шүлүкту улустуң аас чогаалының кайы хевиринге дөмей кылдыр бижээн-дир? 2. Автор «карак баскан оттар» деп чүнү тывызыктай бижээн-дир? 3. Чивеңнешкен сыйдыстар Орланны чүү деп турганзыг болган-дыр? 4. Орлан чүге сыйдыстарны танывайн барганыл? 5. Деңнелге аргазын ажыглаан домакты аянныг номчу.

 Шүлүкту шээжи-бите өөрен.

C. Сюрюн-оол

Хек


(«Чайгы хүннер» деп чогаалдан эгө)

Кырган-ачазы сөзүн ээлээн: өле аъдынга оглун ушкаргаш, Қостукпен биле Черликпенни эдерткеш, чорупкан. Хөө ышкаш даңды кара хойлар дистинчиp алгаш, шуужупкан. Адашкылар сиртти куду баткаш, бир буттуң кожагарында эзер ышкаш кертилекке кээп дүшкен. Хой-даа калбак аргаже кирип каан. Кырган-ачазы оглун айбылаан:

— Халып баткаш, хоювусту өрү дозуп көрем, оглум, кашпагай кижи.

Ол аразы элээн ырак, ыяш иштинче база кирер апаар. Шериг-оол бөзүр кырындан харап туруп-туруп ойталаан:

— Коргар мен, кырган-ачай.



— Пуу-хайт, кончууну але. Ам кезей бергениң ол бе? Эр кижи кортук боорга, багай-ла болгай — дээш, ыттарын сукурупкан. Үңгүрлер касканин чыткан ыттар баштарын көдүрүп, думчуктарын сунгаш, ээзинче кайгап алгаш турган.

— Көстүкпен! Черликтепен! Тфу! Хой — деп, ашак холу-бile имнээн. Ыттар-даа, аң сывыртаан чүве дег, чаржып-ла баткан. Удатпаанда хойлар, шынап-ла, дедир эглип эгелээн.

Шериг-оол ыттарның дыңнангырын, хой кадаржып өөренгенин, кадарчының сөс-домаан билирин пат-ла кайгаан.

Ол аразында хек эде берген.

— Кук-куук! Кук-куук!..

— А, кырган-ачай! Хек уя-даа тутпас, оолдарындаа азыравас, а өске күштарның уязынга оглун төрүп каар деп өөренген бис. Үндүг але?

- Ийе.
- Ол багай аа, кырган-ачай! Башкывыс ынча дээр чораан.
- Чүү? Хектиң оглун азыравазы бе? Ол багай болбайн канчаар, оон багай чuve чок.
- Ынчаарга өске уяга канчап чуургазын салыптарыл, кырган-ачай? Күштар ону сывыртатпас чuve бе?
- А сен ону башкындан айтырбадың бе?
- Чок, кырган-ачай, уттуukan чордум. Черле кымдан-даа айтырар дээш, уттууп чораан кижи мен. Ам сактып келдим.
- Уязын черге, сиген аразынга тудуп алгаш, ацаа төрүүр күшкаштар бар. Ындыг аа? Чижээлээрge, боралдыр ышкаш аан. Ындыг күшкаш көржүк сен бе? Чок де. Ынчаш көргүзөр мен шинмө... А хек төрүүр мурнуунда ыяш бажынга олура, кайда уя барын бүдүү көрүп алыр. Күшкаш уязынга кээп хонуптар орта, хек ооң чанынга хонуптар. Демгизи, кандыг-бир араатан күш деп бодааш, дезиптер. А хек ооң орнуунга олуруптар чuve-дир. Хөөкүй күшкаш оолдарын хопталап, девидеп, алгы-кышкызын төп дескиндир ужуп тураг. Ол аразында хек чуургазын уяды чуургалар аразынга салып кааш, чоруй баар.

Хектиң оглу улуг, оон аңгыда демгилерни мурнап частыр. Хоптаа база хөлчок. Бичии күшкаш ону тоттураг дээш, ары хүннү бадыр далбайтып-ла тураг боор чuve-дир. Билдинг бе?

 *Боралдыр* — арга кыдый ийлерге тураг бичии күшкаш. *Өле* — куу-көк; *даңды кара хойлар* — бүдүнү-бile кара хойлар; *сиртти куду* — дагның бедик черин куду; *кертилек* — дагның ийи кырының чавыс чери; *бөзүр* — улуг эвес хаяларлыг бедик чер (бедигээш); *сукурупкан* — кыйгырыпкан; *боралдыр* — ак-куу кылдыр.



Шериг-оол биле кырган-ачазының аразынга хек дугайында болган диалогту аянныг номчунар.

😊? 1. Шериг-оол кырган-ачашкылар-билие ооң мурнунда ужурашканывысты утпаан боор сен, оол чүге аргаже киреринден кортканыл? 2. Қадарчы кижииниң ыттары кандыг болурдур, олар Шериг-оолду чүзү-билие кайгадыпкан-дыр? 3. Хектин дугайында чүнү билип алдың? Өске уяга канчаар чуургазын арттырып каар-дыр? 4. Боралдыр деп чүү ындыг күжул? 5. Боралдыр биле хекти кымнар-билие деңнеп болур-дур? 6. Бо чогаалды эде адаар турган болза, канчаар адаар сен?

📚 Боралдыр деп күштүң дугайында кыска тоолдан чо-гаат.

Эгези: *Шылан ам, бир-ле черге кежээ Боралдыр деп күш-каш чуртташ чораан чүвөң иргин. Ол оолдарынга аажок-ла ынак. Бир-ле ...*

Г. Скребицкийни-билие

Күшкаштарның медәэзи

Улуу кончуг калбак-калбак харлар агаарга дескинип, ээртинип бадып турган. Ыяшка дүшкен хар чоорту кылыннап келген. Ыяштарның будуктары эглип, баштары халайып әгеләэн.

Хенертен бир-ле чүве дарс дәэн соонда, черде кәэп дүшкени дыңналган. Ол болза терек будуу кәэп дүшкени ол чүве-дир. Ооң дегген будуктарындан ожук төктүп бадып турган.

Ол аразында арга иштинде, бир-ле черде күшкаш эде каапкан. Аңаа бирәэзи база харыылаан.

Ам аязыр-дыр. Чүге дәэрge дәэр кыдыында булут чугалаан, күшкаштар база эде берген.

Дәэрниң аязырын билип каанда, күшкаштар бот-боттарын медәэлежип, этчи бәэр.



Ээртинип бадып тур — эргилип бадып тур; ожук — ыяштың будуунда хар.



Орус-тыва словарьның дузазы-бile *вращаться, кружиться* деп сөстерни тыва дылче очулдургаш, кыдыраажыңга бижи.



1. Тыва чоннуң күштар-бile холбашкан эскериглерин номчааш, хөй сек орнунга чогуур сөстерни киир бижи: *Кара торга сылладыр* эдер болза, ... дүжер. *Кара торга каргыраалап* эдер болза, ... дүжер. *Аңгыр* эде берди, ... удавас келир. Хек эде берди, ам-на ... саглаңаар. *Матпадак* эде берди, ... быжар юй келген.

Киир бижиир сөстери: *соок, чылыг, чанган күштар, оът-сиген, тараа*.




1. Г Скребицкий чогаалын чүге «Күшкүштарның медээзи» деп адааныл? 2. Кышкы аргага күштар эдер болза, олар чүнү медээлеп турар боор-дур? 3. Кышкы бойдус чурумалын тыпкаш, номчу. Аңаа чуруктан чуру.



Улуг кижилерден бойдустуң аязыр азы соорундуң дугайында дээр, ай-бile холбашкан 2–3 эскеригден айтыргаш, кыдыраажыңга бижи.

ЧЫЛДЫң ҮЕЛЕРИ. АККЫР ХАРЛЫГ КЫЖЫМ



Б. Хөвөнчмей

Кыш

Эртенги хүн дагдан бэзин
Элээн бедээн хирезинде,
Туман-бile арнын шуглас,
Думаалайлап каан-даа ышкаш,
Бирде көстүп, бирде чаштып,
Бижийргээнзиг чацнаап туре.

Дескиндир топтап көрем:
Дээр-даа, чер-даа катчы берген.
Аргада төш Соок-Ирей дег,
Ак хар бөргүн кедип алган.

Хөнү шиви будуктарын
Хөвең-бile шимеп алган.

Кыштың черле кылбазы чок:
Хыраа безин соңга хээлээн,
Крышалыг бажыңнар-даа
Кыштың чаңын эдергештиң,
Кылын харны энчек кылып,
Кырын шыва тыртып алган.

Ажы-төлдүң оюну безин
Ак хар-бile дүрзү тудар,
Хөглүг оолдар, кыстар-даа
Хөртүк-бile каккылажыр.
Кырганнарның кылажы-даа
Кыжырт-кыжырт кыннып чоруур...

 Думаалайлап каан-даа ышкаш — кудада келин кыстың арнын дуглай кедирер шывыг-даа кедирген ышкаш; *хөнү* — дорт; *энчек* — чадыг, шывыг.

 Шүлүктү аяныг номчу.

 Шүлүктен деңнелгелерни ушта бижи.

 1. Эртенги хүннү чүге «думаалайлап каан-даа ышкаш» деп туарыл? Автор кандыг уран-чечен арганы ажыглаандыр? 2. Аргада төштү чүге Соок-Ирейге дөмейлээнил? 3. Ушкү строфада чогаалчы диригжиidlge аргазын канчаар ажыглаандыр? 4. Уруглар кандыг оюн ойнап туарлар-дыр? *Кыжырт-кыжырт* деп дааш өттүнген сөстү чүге ажыглааныл?

 Шүлүкте одуругларны ажыглавышаан, чурукка кыска чогаадыгдан бижи. Даяныр сөстери: *хүн бедээн*, *аяс чылыг хүн*, *аккыр хар*, *тайга-сын*, *даглар*, *хевистелдир шыпкан*, *шынаа-шыкты*, *хадың*, *терек*, *шивилер*, *хыраа*, *кылаңнашкан*, *ыяштарның будуктары*, *кышкы дыштаныր хүн*, *аъттыг оол*, *одар*, *инектер*, *дузалажып турар*.

M. Кенин-Лопсан

Кыштың шүлүкчүзү

Башкы харлар дагны, шөлдү
Маңган кылдыр будуй кааптар.
Хараачыгай кызыл элден
Хайгыыл кылып ужуп үнер.

Чочак шиви будуун чаткаш,
Ожук харны дозуп алыр:
Чогаал бижиир шүлүкчү дег,
Оожум-шөлээн боданы бээр.

 **Маңган** [маъңган] — дыка ак; **хайгыыл** — разведка; **ожук хар** — ыяш будуунда хар.

 Шүлүктү аянныг номчу.

 ? 1. Кыштың кайы үезин чуруп көргүскен-дир? Чүге ын-чаар бодап тур сен? 2. Кымны азы чүнү «кыштың шүлүкчүзү» дээн-дир? 3. Шүлүкте диригжиделге аргазының чижектерин тыпкаш, тайылбырла. 4. Чогаалчы диригжидилге аргазындан өске кандыг арга ажыглаан-дыр? 5. Одуругларның эге үжүктери канчаар аяннажып турар-дыр: кожаланчак, аралашкак, чергелешкек?

 Шүлүкту шээжи-бile өөрен.

A. Пушкин

Кыш

Соңгу чүктен булут сүрген,
Хадаан, улаан илбичи кыш
Чоруп-чоруп келгени бо.
Хар чаап, шеттер, будуктарда
Кезек-кезек туттунупкан.
Келген хары тейде, шөлде
Хевистелдир чатты берген,
Доштар хемни эрии-бile
Торгулаштыр деңнеп каапкан;

Соок чайнаан баштак кышка
Сонуургааштың, өөрүп тур бис.

(С. Самба-Люндуң очулдурган.)

 Хевистелдир — хевис (ковёр) ышкаш; чатты берген — шылтынган; соок чайнаан — соок чаяап берген.

 Шұлукту аяныг номчу.
 А. Пушкинниң шүлүүнүң бо одуругларын С. Самба-Люндуң канчаар очулдурган-дыр, шұлуктен тыпқаш, деңе:

Вот север, тучи нагоняя,
Вдохнул, завыл — и вот сама
Идёт волшебница зима.

 1. Автор кышты чүге илбичи, баштак деп турагыл? 2. «...хадаан, улаан илбичи кыш чоруп-чоруп келгени бо» деп домакты бодуңнуң билип турагың-бile чугаала. 3. А. Пушкин «Хар чаап, шеттер, будуктарда кезек-кезек туттунупкан» база «...доштар хемни эрии-бile торгулаштыр деңнеп каапкан» деп домактарда кандыг уран арга ажыглаан-дыр? 4. Хар тей, шөлдү канчаар шыпканың көргүзери-бile чогаалчы кандыг чарааш арга ажыглаан-дыр?

 А. Пушкин биле Б. Хөвеңмейниң «Кыш» деп шұлуктери-ниң кайы-бирәэзин шээжи-бile өөрен.

 Очулдурукчу дәэрge бир дылдан өске дылче очулга кылыр кижи. Чижәэ, С. Баруздинниң «Берге бодалга» деп шүлүүн Э. Кечил-оол, а М. Пришвинниң «Дилги чеми» деп чечен чугаазын К. Сүттүг-оол орус дылдан тыва дылче очулдурган, ынчангаш оларны очулдурукчулар дәэр.

M. Кенин-Лопсан

Харжыгаш

Амдыы чаа-ла
Аяс турду,
Кайыын келдин,
Харжыгажым?

Черивиске
Чедер дәэштиң,
Сылдыстардан
Сыылаттың бе?

Аңнар изин
Айтып бээр дээш,
Кара черни
Каастаайн деп бе?

Баскан ис-ле
Балавайн,
Самнай аарак
Чаг даан, харым!



Самнай аарак — танцылавышаан.



Хөглүг аян-бile шүлүктү номчу.



Хар, харжыгаш деп сөстерни тыва дылче очулдургаш, кыдыраажыңга бижи.



1. Автор кандыг арга ажыглап, шүлүктү бижээн-дир? К.Ондарның «Харжыгаш» деп шүлүү-бile деңнеп, харыла. 2. Шүлүкте салдынган айтырыгларга харыы бээри албан бе? 3. Адалгалыг домактарны соонда бижик демдээн барымдаалап, аянныг номчу. 4. Хар биле харжыгаш деп сөстерниң утказында ылгал бар бе? -жыгаш деп кожумак сөске кандыг утка киирер-дир: чассыткан, чаптаан, бичилеткен?



Шүлүктү шээжи-бile өөрен.



Риториктиг айтырыг (айтырыг-домак) — айтырыг хевирлиг бодалды илереткен-даа болза, харыы негевес айтырыг-домак, чүгэ дээрge харыызы шуут чок азы ацаа чаңгыс эвес харыыны берип болур.

Л. Толстой

Ак кодан

(Чечен чугаа)

Ак кодан кыжын суур чанынга чурттап турган. Дүн дүжүп кээрge, кулактарын сүүрертип дыңнаала-гылааш, салын ол-бо шимчедип, ынаар-мынаар чы-дыыргагылааш, олура тыртып алган. Оон терең хар-лап ийи-бир халыгылааш, база катап олура дүшкеш, ыңай-бээр көрдүнгүлээн: маңган ак терең хардан өске чүү-даа көзүлбес болган. Шала бусталчак соок агаар өттүр сылдыстар оожум чивенцийнип тургулаан.

Кодан улуг орук ындында тараа складынче бар чыткан. Ол орукта шанак даажы, аъттарның был-



гыржыры, улаачыларның ыыды дыңдалган. Кодан орук кыйынга келгеш, олура тыртып алган. Кижилер моюндуруктарын көдүрүп алгылаан, арыннары көстүр-көзүлбес, салдары, кирбиктери ак хыраа апарған, тынган тыныжы бусталып чораан. Аъттарының дери хыраалыг, хомуттары кыжыраан, терең харга доктаай каап чораан. Ашактар аъттарын кымчылап каап чоруп орган. Ийи ашак аразында чугаалажып, бирээзи аъдын оорлаттырылканынга хомудап чораан.

Шанактыг кижилер эрте бәэри билек, ак кодан орукту кеже халааш, тараа складынче чорупкан. Би-чи ыт ону көрүп кааш, соонче эәрип халаан. Күжүр кодан кылын хөртүктеп шурап-ла орган. Ыт каш-ла халааш, хөртүкке дүжүп чыдып калган. Ынчаарга кодан олура дүшкеш, таваар чорупкан. Ол-ла чоруп ора, күскү тараа шөлүнгө ийи эжинге ужуражы бергеш, хар казып ойнап-ойнап, чемнеп-чемнеп, база-ла чоруп каан.

Суурга кәэрге, ыржым-на чүве. Караңгызы-даа

хөлчөк, одун өжүүрүп каан бир бажың иштинде бичии уруг ыглаан, соок ында-мында дызыңайнып турган. Ак кодан тараа складынга өөрүнгө таваржып келгеш, чаглактыг шаңга кезек ойнап-ойнап, оваалап каан чыткан суладан чип-чип алгаш, харлыг крыша кырынче үне халааш, дедир дүшкеш, өргүлүг тал жааны ажа халааш, дедир-ле чоруп каан.

Ол чоруп орда, чөөн чүкте даң агарыксап, сылдыстар ховартап орган. Чоогунда суурда кадайлар туруп келген суглап, ашактар тараа складындан тараалап ап, бичии уруглар шиммээргеп эгелээн. Орукта шанактар улам арбыдал, кижилерниң ыыды ында-мында көвүдеп келген.

Кодан орукту кеже халааш, эрги үңгүүрүнгө келгеш, чыдып-чыдып, катап тура халааш, элээн бедик черге чаа үңгүр казып алгаш, бурунгаар көрүндүр чыда тыртып алган, оон кулактарын кызып алгаш, караан шиммейн удуп калган.

(Д.С. Канчыыр очулдурган)

 **Бусталчак** — бусталыш турар; **улаачы** — шанактыг альтың дынын туткан кижи; **хомут** — альтың мойнунга кедирер, иштинден кидис-бile чымчаглап каан шөйбек шанак херексели; **ыржым-на чүве** — дааш-шиммээн чок; **чаглактыг** — кыры шывыглыг, дээвиирлиг; **шан** — тараа шыгжап турар чер; **даң агарыксап** — эртенги хаяа чаа-ла чырып орап; **арбыдаар** — көвүдээр.

 Орус-тыва словарьның дузазы-бile **кучер**, **ямщик**, **возница** деп сестерни тыва дылче очулдургаш, кыдыраажыңга бижи.

 1. План ёзугаар чечен чугааның утказын сайгарып, чугаалажыңдар: а) Ак кодан суур чанынга чурттап турган; б) Кодан тараа складынче бар чыткан; в) Кодан биле бичии ыт; г) Тараа склады; д) Даң агарыксап, сылдыстар ховартап орган.

 «Ак кодан» деп чечен чугааны коданның адындан эдерти чугаала.

Л. Чадамба

Соок-Ирей

Чоон ыяштыг арга кезип,
Соок-Ирей базып-ла каан.
Шивилерге чинчи баглап,
Шимеп, дерип, каастап чораан.

Дыттар, пөштер чаны-бile
Дыка-ла үр чоруп келген.
Алаак ишти ыржым шыпшың,
Айның чырыы черге дүшкен.

Үяш санай мөңгүн кеткен,
Үнда койгун самнап турган.
Чырык херел дошту каастаан,
Чылдың каазы үнүп келген...

Уткуй үнген Чaa чыл кээр,
Уругларга белээн эккээр.
Имир дүшкен дүне турда,
Ирей келгеш, эжик соктаар.

Чыдып алган бичии оолду
Чылыг шуглак тургуспастаан.
— Ажытпас мен! Чанагаш мен,
Авам база чок-тур. Қым сен?

— Соок-Ирей аалдап келдим!
Солун белек чүктеп келдим.
Альт-даа бар, боо-даа бар.
Ажыдыңар, шымдаңар! — дээн...



Имир — хүн ашкан соонда бүлүртүң үе.



Шүлүктү аянныг номчу.



Соок-Ирей, шиви, Чaa чыл, белек деп сөстерни орус дылче очулдургаш, кыдыраажыңга бижи.




1. Л. Чадамба шүлүктүү деп байырлалга тураскаадып бижээн-дир? 2. Соок-Ирей аргага кандыг ыяштарны каастап чораан-дыр? Чүгө? 3. «Ыяш санай мөңгүн кеткен» деп домакты канчаар билип тур сен? 4. Чүгө Соок-Ирей «имир дүшкен дүне» уругларга белектерлиг келген-дир? 5. Оол биле Соок-Ирейниң диалогун аянныг номчу. 6. Чая чылга канчаар белеткенип туарыңын чугаала. Соок-Ирейни чүнүң-билие өөртүр сен?



Шүлүктүү шээжи-билие өөрен.

БОЙДУСКА ХУМАГАЛЫГ БОЛУУЛУ!



М. Кенин-Лопсан

Өскүс аңгыр (Чечен чугаа)

*Күш эжинден чарылгаш, эши тыппас.
Эрги шагның үлөгер чугаазы.*

Хемчик хемниң кыдышынга бир-ле дугаар келгеним ол. Тоолда кирген Кыс-Халысырның кыйыг черде чалым хаязын көрүп чораан мен... .

Сүвүр даштан туттунуп алгаш, чалгыгларже көрүп орумда, бир аңгыр бажым кырында дескинип келди. Дөрт аңгыр ийи-ийи болуп алгаш, хемни куду кылайтып батты. Олар ээтпек черге баргаш, шөлләэни кончуг хонуптулар. Алдын-сарыг чаңгыс аңгыр, хирезин бодаарымга, эрткен күзүн эжин бооладып каапкан черин база катап эргип келгеш, ыы-сызызын

төп турганзыг болду. Дөрт аңғырның салдап чораан черинге чаңгыс аңғыр хонмайн барды. База катап мээнд кырымга дескинип туруп-туруп, сүвүр хаяның артындыва ужуп чоруй барды. Ол аңғыр көзүлбейн барза-даа, сөөк-даяа кургап калган ынак эжин сактып алғырган кударанчыг үну кулаам уюкталдырыпкан, хая безин ол кәэргенчиг аялганы чаңгыландыр катаптап турган.

Эштиг аңғырны эжинден чарып каан куурумчу кижиде кәэргээр сеткил кайын турар. Оранның ховар кужунуң хайыралыг эжинден чарылган черинге келгеш, ыглап турганын дыңнааш, таан кончуг муңгараан мен.

 *Кыйыг* — кыдыг; *аңғыр* — бажы ак, чалгыннары сапсарыг, кызыл даваннарлыг суг күжу; *этпек черге* — дугаланчак, мугулдур черге; *уюкталдырыпкан* — түүледипкен.

 *Турпан* деп сөстү тыва дылче очулдургаш, кыдыраа-жыңга бижи.

 *Ынак эжи, кударанчыг цн, кәэргенчиг аялга, эштиг аңғыр, кәэргээр сеткил, ховар күш* деп эпитетерни ажылчын кыдыраажыңга бижи.

? 1. Хемчиктиң кыдыынга бир-ле дугаар келгеш, чогаалдың маадыры кандыг таварылганың херечизи болган-дыр? 2. Оолга чааскаанзыраан аңғырның кударалын чүү үлжип турганзыг болган-дыр? 3. Эштиг аңғыр кымның буруузу-бile чааскаан артканыл? Төтчеглекчилерге хомудаан сеткилини чугаала. 4. Эжи чок аңғыр дээш, оолдуң муңгараан сеткили сенээ чоок-тур бе? 5. «Өскүс аңғырны» номчааш, эштериңге кандыг сүме кадар сен?

 «Күштарның өңүнктери болуул!» деп угаап бодаашкын хевирлиг кыска чогаадыгдан бижи. Планы: 1. Кызыл дептерже кирген күштар дугайында кыска медээ. 2. Чүгө чамдык күштар чидип турар апарганыл? 3. Түңнел. Күштарны камгалаары-бile кижи бүрүзү чүнү кылыш болурул?



Чогаал маадыры — чечен чугаа азы шүлүк чогаалының киржикичи. Кижи, дириг амытан, үнүш, амычок чүвелер, эт-херексел, бойдус болуушкуннары-даа чогаалдың маадыры бооп болур.

Ч. Кара-Күске

Хүрээлелди камгалацар!

Хүрээлелди камгалацар,
Хүннүң-даңың кадарыңар!
Хүг дээр отка, үер-сугга,
Күштүг хатка алышпаңар!

Бойдузувус камгалацар,
Болчуκчу бооп кадарыңар!
Төтчеглекчи кижилерниң
Дөгерезин туткулацар!

Сугда, черде хамык байлак
Шуптувустуу — утпаалыңар.
Чеже-даа хөй, элбек болза,
Шеглиг боорун бодаалыңар!

Аң-мен, үнүш, балык-байлан
Ам-даа өзүп, арбыдазын!
А бистер оларларга
Авыралдыг болуулундар!

Тоомча чокка көрүп орбайн,
Күштү мөөңнеп, туржуулундар!
Долгандыр-ла чапты берген
Хүрээлелди камгалацар!



Хүрээлел — кижини долгандыр туар бүгү өртемчей; *төтчеглекчи* — бойдуска кам чок кижи; *шеглиг* — өйлүг; *арбыдазын* — көвүдезин; *авыралдыг* — дузалыг.



Шүлүктү кандыг аян-бile номчуурун (чагыг-сүме, алгап-йөрээн, дужааган, кыйгырган) бодап алгаш, номчу.



Ажылчын кыдыраажыңарга «*Не забывайте! Все богатства земли принадлежат людям!*» деп кыйгырыгны бижээш, аңаа чоок уткалыг одуругларны шүлүктен тыпкаш, ушта бижи.

(?) 1. Шүлүкту автор кандыг аян-бile бижээн-дир? 2. «Хүг дээр отка, үер-сугга, күштүг хатка алыспаңар!» деп кыйгырыгны канчаар билип алдың? 3. Уш, дөрт, беш дугаар строфада чагыгларны күүседири-бile херек кырында чүнү кылып болур сен?

Шүлүктуң утказынга дүүштүр плакат-чуруктан чурааш, адаанга шүлүктен тааржыр одуругларны бижи.

Сонуургактарга. *Плакат* (немец дылда plakat «чарлал, афиша») — суртаал-кыйгырыглыг, рекламыг азы өөредиглиг сөзүглел бижээн улуг хемчээлдиг чурук.

O. Сувакпим

Эмнеп алган

Улуг-хүнде кино көргеш,
Угбам сүгже чоруп ор мен.
Орук черде сынган чечек
Ондап-остап ыглаан чыдыр.
— Канчап бардың, чечек? — дигеш,
Халып баргаш, тудуп алдым.

— Дем бир уруг эртип чыткаш,
Тевер орта сына бердим.
Адам хүнден, ием черден
Ам-на чарлыр дээним ол-дур.
Ынча дигеш, күжүр чечек
Ыглап-сыктап дам-на барды.

Салбактары чоорту кадып,
Саргарган дег апардылар.

Холда чораан сакпыңымга
Хоюг хөрзүн, сугну холааш,
Чечәэм ынаар олуртуптум,
Черге эмнеп эгеледим.

Удаваанды чараш чечәэм
Улам өң киир салбакталып,
Карактарын чивенчнедип,
Каттырымзап, көрүп келди.



Ондал-остаар — човууртаар.



Кожа олуар эжиң-бile роль аайы-бile шүлүктү аянныг номчуңар.



Адам хүндөн, ием черден, чараш чечәэм дээрge кандыг уран арганың чижектери-дир тыпкаш, ажылчын кыдыраажыңга бижи.



1. Чогаалчы кандыг уран арганы ажыглааны-бile чогаал-дың маадырлары (кижи, чечек) чугаалажып туар-дыр? 2. Бо шүлүк уругларны чүгө өөредип туарыл? 3. Тыва идикиң бажы чүгө ыргак баштыг деп бодаар сен? Улуг кижилдерден чоннуң ёзу-чаңчылында чүү деп тайылбырлап туарын айтыр. 4. Сөөлгү строфада диригжидилге аргазын автор канчаар ажыглаан-дыр?



Шүлүктү шээжи-бile өөрен.

АВТОРЛУГ ТООЛДАР



С. Пюробю

Сагынгыр күске

Кызыл-Дилги бир-ле катап
Кырлаң ашқаш, ойга келген,
Чимзенгилеп, олча хайып,
Чикти куду бадып орган,
Карак уунда бир-ле чүве
Кажараш дээн, топтап көрген:
Хараганнар доорзунда
Кара-Күске маңнап чораан.
Кызыл-Дилги көжээ ышқаш,
Кыймыш кынмайн, кедеп турган.
Кара-Күске сезик-даа чок,
Харагандан үне маңнааш,
Сарыг чашпан аразындан
Сагыш амыр чемней берген.

Кедеп турган Кызыл-Дилги
Хенергедип туруп-туруп,
Чаштаан көс дег, шурай берген,
Чандыр албайн, тудуп алган,
Чаагының суу төктүп,
Чара дайнаар кыры келген,
Ааста кирген күске күжүр
Арга бодап, кыйгы салган:
— Айылдыңар, хайыраатым,
Айның саны каш-тыр бөгүн?
Менээргенген даамай дилги
Мерген бичээ алзы каапкан:
Арыг Дээрде айже көрген —
Алды чааның хүнү болган,
Харылаар дээш, аксын ашкан,
Кара-Күске үне халаан,
Чандыр-соора тудуп чорда,
Чашпан кирип, чиде берген.

Арга билбес, күжүн дөгээр
Аазатпайның шорузу-дур!

 *Кырлан* — улуг эвес даглыг сын; *ой* — чавыс чер; *чик* — чоога; *хенергедип* — чай алындырбайн; *айылдыңар* — айтып көрүңер, чугаалап көрүңер; *даамай* — таваар.

 Авторлуг тоолду аянынг номчуңар.

 «Арга билбес, күжүн дөгээр аазатпайның шорузу-дур!» деп одуругларны бижээш, канчаар билип турарыңы 2–3 домак-бile бижи.

 1. Тоолдуң автору кым-дыр? Бо чогаалчы дугайында чүнү билир сен? 2. Тоолдуң маадырларын ада. Оларның дузазы-бile кандыг кижилерниң аажы-чаңын көргүскендер? 3. Кара-Күске айыл-халаптан чүнүң ачызында дириг үнген-дир? 4. Кызыл-Дилги күскеге чүге аштырыпканыл? 5. Дараазында авторлуг тоолду номчааш, бо тоол-бile деңнеп чу-гаалажыңар: дөмөй болгаш ылгалдыг чүүлдерин тывыңар.

C. Marshak

Угаанныг Күскежик (Тоол)

Күскежикти читкелепкеш,
Кажар диис ырлап орган:
— Карааң шимме, кортпа, чажым,
Күске-моортай болу кааптаал.

Сергеп чадап орган күске
Сести-сести харыылап-тыр:
— Ындыг оюн ойнавас деп
Ынак авам чагаан чүве.

— Өске чүве бодай бербе,
Өөрлөжип ойнаалыңац.
— Хөңнүм черле чогулу — деп,
Хөөкүй күске чанып орган.

— Дииспей болуп, бичии када,
Дидимненгеш, ойнавыт че.
Мен бодум күске болуйн,
Менче көрем, күске — деп-тир.

Карактарны дуглай шарыыр
Кайгамчыктыг оюн-дур бо.
Шак бо улуг аржыыл-билие
Шарыттынып алышылы че.

Шарыг адаа ажык черден
Шаңгыр караан бүдүү көрүп,
Кажар моортай күскежики
Халытпас-даа, мындыг бооп-тур.

— Даван-даяам шылай берди,
Дамыр-күжүм төне берди,

Хере тепкеш олуарын
Кезек када чөпшээр — дээн.

— Туруптуң бе, ындыг-дыр че,
Тудуп орайн, дыштанып ал,
Арай ынчаш база ойнааш,
Арыг ханың соргай мен аан!

Амдажаан дийс хөглөп орда,
Амдыы күске ыглап орган.
Ынчалза-даа кажаа тиинче
Үйдип берген күскең иргин.

Кайгай берген дийиспееек:

— Канчап бардың, кажыккай? — дээн.
— Талыгыр мен, тыппас-даа сен,
Таптыын көрем, ол боор — диген.

Чоогаа күске чуглуп келгеш,
Чогум үңгүр көрүп каап-тыр.
Чыллыг, чымчак үңгүр ээзи
Чыдыг кырза болган иргин.

Чидиг диштиг, караа көскү,
Чилби-туткуш, чорбас чер чок,
Дагаа оглун суурдан хүнүң
Дажыглап кээр дайзын иргин.

Аңнап чораан кырза келгеш:
— Адың кымыл, таныжаalam,
Үңгүрдүве кирген-дир сен,
Үнүп келем, ойнаал! — диген.

— Карак шарып ойнаар бис бе?
Моортай-күске болур бис бе?
— Кайын боорул, кырза бис дег,
Мортук орта чаштып ойнаал.

— Ындыг болза, ойнапкаштың,
Ылап шынчы кагжы кааптаал.
Мен-даа — аң мен, сен-даа — аң сен,
Мен-даа — күске, сен-даа — кырза,
А сен — кажар, а мен — мерген.

Чогум кым-на мерген болур,
Чоруй барзын, арлы берзин!

— Аңаа тур! — деп алғырбышаан,
Чыдыг кырза сүрүп-ле каан.
Арга кезий маңнаан күске
Чыткан төшче чашты берген.

— Тоорук чууктап ойнаалы! — деп,
Дораан дииңнер кый дей берген.

— Ойнаар туржук, ооргам аараан,
Ол-даа хей — деп, күске сөглээн.

Амдыы күске улчуп чорааш,
Аян шыкка чедип кәэрge,
— Кызыл-үгү шуптувусту
Кыра теп каар четти-ле! — деп,
Пагажыктар дуза дилеп,
Паккыладыр алғырышкан.

Дилегзинип күске көөрге,
Дииспейзивес, күшсувас-даа,
Диистиң караа сыгыр калыр,
Дизе дег карактарлыг.
Ээтпек хаайлыг шокар үгү
Ээргиштелдир ужуп орган.

Оон ам күске угаан-кут чок,
Оңгардыва чашты берген.
Үгү дәэрге кылыйтпышаан,
Үзүпкү дег чавыс келгеш:

— Ойнаалы че, өңүккей! — деп
Орай дұне кыйгыргылаан.

— Чаштып ойнаал! — диген күске,
Аргаа союп, ховаа маңнап,
Аткаар көрбейн, дезип чорааш,
Чап-чаа кескеш, кургадып каан
Чаш көк сиғен адаандыва
Чашты берген — үгү тыппаан.

Оон ам күске саваң, суг чок
Арнын чунуп, чазаттынгаш,
Ада-ие аалын дилеп,
Атпаңнадыр шошкувуткан.

Үр-ле чорааш, тейже үнгеш,
Үңгүрүн тып алган иргин.
Ава күжүр төлүн көргеш,
Амыраанын канчаар ону!
Өөрү-бile күске күжүр
Өөрүшкүлүг ойнай берген.

(О. Сувакпим очулдурған)

 Читкелепкеш — читкезинден туткаш; чанып — өршээл дилеп; шаңғыр — чырық-ногаан, бышпаан кат дег; чогум (үңгүр) — таарымчалыг; мортук — үңгүр; улчуп чорааш — тояап чорааш.

 Рольдар айы-бile аянныг номчуңар.

 Тоолдуң маадырларының аттарын орус дылче очулдурғаш, кыдыраажыңга бижи.

 1. Самуил Маршак деп кымыл? 2. «Угаанныг Күскежик» деп тоолда каш маадыр бар-дыр? Маадыр бүрүзүн тоолда одуругларны ажыглап, чугаала. 3. С. Пюрбюнүң «Сагынгыр Күскежик» биле С. Маршактың «Угаанныг Күскежик» деп тоолдары чүзү-бile дөмей болгаш ылгалып турар-дыр? 4. Тыва болгаш орус чогаалда утказы дөмей оон өске кандыг чогаалдар билир сен?



С. Пюрбюнүң «Сагынгыр Күскежик» биле С. Маршактың «Угааның Күскежик» деп тоолдарынга чогаадыг үнелелден бижи: 1) Тоолдарның кайы маадырын мактап болур сен, чүге? 2) А кайы маадыр опчок чоруу-бile сенээ таарышпайн барды? Аңаа кандыг сүме кадып болур сен? 3) Тоолдарны номчааш, бодуңга ажыктыг кандыг түңел кылдың?

C. Пюрбю

Кажар дин

Чазый Чекпе хүннү бадыр
Чаңгыс-даа чиш тыппайн келген,
Кежээликтей өзен куду
Кеденгирлеп бадып орган.
Салбагар пөш баарында
Чаңгыс Дииң чемнеп чораан.
Чымчак харны оор Чекпе
Шылырт кылбайн, кедеп келген,
Каразынмаан хөөкүйнү
Халыткан чок база берген.
Чадаарында күжүр Дииң
Чаннып-тейлеп дилег кылган:
— Өлүрерде, сезүн алыр,
Өчүүм берейн, болгаңарам,
Арган-дорган, дайнам четпес,
Аргажогум көрүңдерден ...
— Чалгааң хайнып, семирбээниң
Чарбык эвес, дөмей чиир мен...
— Салбагар пөш бажында дөө
Чаңгыс тоорук көстүп олур.
Чидип, дезип, кайнаар баар мен?
Чириңдерде, чемзиг болзун,
Ону барып, чемнеп алыйн,
Ооң соонда чооглаар силер...
Ажырымчы, хоптак Чекпе
Ажыын харааш, чөпшээрекен,

Дүжүп кээрге, дайнаап аар дээш,
Дүнээ чедир манап келген.
Амыраан Дииң суккурупкаш,
Адыр пөшче үне халааш,
Ыяш-ыяш бажы-бите
Үрай берген чүвең иргин.

Артык сеткил, хоптак сеткил
Ара дүжер. Чижээ бо-дур.



Чекпе — сүт ижер, үнелиг кештиг араатан дириг амьтан (кузеннер бөлүүндөн); өзөн — бичии чоога ой; суккурупкаш — сук-сук кылдыр алгырыпкаш.



Тоолду аянныг номчу.



«Два арбуза одной рукой не удержишь» деп Кавказ чонунуң үлөгер домаан тыва дылче очулдургаш, кыдыраажыңга бижи. «Кажар дииң» деп тоолга бо үлөгер домак хамаарылгылыг болур бе, тайылбырла.



1. С. Пюрбюнүң «Кажар дииң» деп тоолунуң маадырларының кайызы сеңээ таарышты? Чүгэ? 2. Сагынгыр Кара-Күске биле Дииң бот-боттарынга дөмей-дир бе? Чүзү-бите? 3. А Чекпе биле Кызыл-Дилги дугайында чүнү чугаалап болур сен? 4. Бо тоол кижилерге кандыг сүме кадып туар-дыр?



«Хуулгазын сөс» деп оюн: дииң биле дилги деп сөстерниң «+» азы «-» демдээн тодараткаш, демдээниң айы-бите бодунче кандыг сөстерни магнит ышкаш сорунзalай тыртып болурл, бижи. Оон ол сөстер-бите харылзаалыг чугаадан тургус.

C. Пюрбю

Оптуг Чыккылаа

Орзагар даш баарында
Оолдарын чемгерип каап,
Чыккылаа дээр ала күшкаш
Чыккыңайдыр эдип орган:
— Чык-чык! Чык-чык! Шымдацар!
Чымчак шерги чыып келдим!

Чикти куду көре каапкан,
Чилби Дилги чоктап орган.
Ажы-төлдүң тынын алыр
Аргазы чүл? Канчаар-чоорул?



— Чык-чык! Чык-чык! Ыытташпаңар!
Шымда Дилги чедип келди!
Даштан дүшкеш, мегеленип,
Чалғыннарын сөөртүп алгаш,
Далбаңайнып, ужуп чадап,
Шала кедээр калгып-ла қаан:
— Чык-чык! Чык-чык! Ат-ла болду!
Чырык хүнүм, тыным өршээ!
Ыңчап чорда, Дилги чүү боор,
Чыккылааже шурай берген,
Ыңчалзажок холга кирбейн,
Чыккыңайнып дөө-ле орган:
— Чык-чык! Чык-чык! Ажырбадым!
Чырык хүнүм өршээлдиг-дир!
Маңнавышаан, амдыы Дилги

База катап шурай берген —
Аскак күшкаш алдырбас-даа,
Аайын тыптайн, пат-ла кайгаан.
Уязында төлдеринден
Мелегейни ынчаар оптап,
Узак черге әккеп каапкаш,
Менди-кадық ужа берген.

Арга улуу — артык эвес,
Артык улуу — аартык дижир.



 *Оттуг* — кажар; *орзагар* — бурунгаар шиштелдир үне берген; чик — онғалчық; *оптан* — кажарлап.



Чогаалды аянныг номчу.



 1. Чыккылаа ажы-төлүнүң тынын камгалап алыр дээш, кандыг кажар арга ажыглаан-дыр? 2. С Пюрбюнүң «Сагынгыр Куске» биле бо тоолунда Дилги дөмей-дир бе? Чүзү-бile? 3. «Арга улуу — артык эвес, артык улуу — аартык дижир» деп үлегер домакты канчаар билип тур сен? 4. С. Пюрбюнүң «Кажар дииң» биле «Оптуг чыккылаа» деп тоолдарының дөмей болгаш ылгалдыг чүүлдерин тып. 5. «Оптуг Чыккылаа» деп чогаалдың хевирин тодарат:



Сөзүглелге пландан тургускаш, утказын эдерти чугаала.

Т. Кызыл-оол

Бодаган

Бир Бодаган чурттап чораан чүвөң иргин. Бир-ле катап ол ховуга хараган баштап чорааш, чыткан Боратоолай көрүп кааш, бар-ла шаа-билие каттыра берген.

— Чүү болду? Чүгэ мынчап каттырып турарың ол? — деп, Бора-Тоолай элдепсинип айтырган.

— Ха-ха-ха-а! Хо-хо-хо-о! Дыка-ла каттырынчыг-
дыр аа!

Бора-Тоолай тұра халып келгеш:

— Канчап бардың? Баарың кадыр каттырып алдың моң, Бодаган — диген.

— Кара кайгамчык амытан-дыр сен моң, күжүрүм. Эрниңни көрем, чирик.

— Ойт, бодуңнуң эрниңни көрүп көр даан, тала.

— Мәэң эрнимде каттырынчыг чүү боор.

— Бодуңну билинмес кончуг-ла-дыр сен, аа! — деп, Бора-Тоолай чугаалааш, шыргай чырааның иштинче шошкуңгурлап кире берген.

Бодаган кургаг ховуга чеди хонукта хараган баштааш, суксай бергеш, хемге элеңейнип базып кирип келген. Турум ээремче ээгэ берген. Ооң арны-бажы кылагар арыг сугда көрүнчүктелип көстү берген. Эрниң көөргө, Бора-Тоолайның эрниңден өскерлир чер чок бооп, мырыңай-ла кара олчаан болган. Ол карактарын хере көрүпкеш, суг-даа ишпейн, ээремде арныңче кезек кайгааш, аңгадай берген турупкан. «Бодун боду билинмес, морзук калчанын билинмес» деп чуве ол-дур ийин.

 *Бора-тоолай* — кодан; *баарын кадыр* — ишти-баары аарыгыже; *тала* — өңнүк.

 Кожа олуар әжиң-бile Бодаган биле Бора-Тоолайның диалогун үннериңер өскертип тургаш, аянныг номчуңар.

 *Кролик, заяц* деп сөстерни тыва дылче очулдургаш, бижип ал. Бо сөстер чаңгыс ол-ла дириг амытанны адап турардыр бе, ылгалы чудел?

 ? 1. Тоолдарның маадырларын адааш, оларга бодуңнуң хамаарылгаңы чугаала. Бодаганны чүге баштай кочулап, а оон кәэреп болурул? 2. Кижилер аразында Бодаган дег улус бар бе? 3. «Бодун боду билинмес, морзук калчанын билинмес» деп үлгөр домак кандыг утка илередип турар-дыр?

 Тоолдуң утказын кожа олуар әжиң-бile роль аайы-бile эдерти чугаалаңар.

Багай чаңчыл

Кезек анайлар аал кедээзинде дазырга баргаш, тоттур оъттап алгаш, сидиреدير дешкилежип, чиккиледир үскүлежип, ойнап эгелээннер.

Шумаш-Кулак дээр анай чанында турган эжинге дешкилеп келгеш, мынча дээн:

— Сен база-ла мен дег дыгыр мыйыстыг-дыр сен. Кайывыс-даа чаңгыс хүн төрүттүнген чажыттар-дыр бис. Күжүвүстү шенежиилем.

— Шенешкей-ле харын. Канчаар шенежирил ынчаш?

Шумаш-Кулак онгар кежир кээп ушкан чоон төрекче көрүнгеш:

— Бо терек кырынче үнгеш, үскүлежир-дир. Кайывыс дүжүр үстүрүптер-дир, ол эң-не чөлдүр анай болуп, ооң соонда үскүлежир мен деп семевезин — деп сүмелээн.

Иелээн терек кырынче үне халышкан. Онгар чер биле теректиң аразында элээн бедик.

— Чеве?

— Че!

Кезек када бот-боттарынче удур-дедир көржүп, хыйыртажып тургулаан. Оон ийи бут кырынга хережип туруп келгеш, дыгыр мыйыстарын каккылаштырбышаан, үскүлешкен-не! Кайда боор, кайызы-даа быжыглангаш турупкан.

— База катап!

— Че!

«Ам-на мону канчаар эвес мен, андара үзүп бадырыптайн» деп, Шумаш-Кулак иштинде боданган.

Кайызы-даа ийи бут кырынга бедидир херлип-херлип алгаш, чик кылдыр үскүлешкен. Эжи үскен

ояр-ла, байгы күжү-бile Шумаш-Кулакты солагай талаже чая идиптер орта, оозу черже агараш дээн. Онгар иштинге пет кээп дүшкен.

— Уё! Уё! Ээгилерим сыйлы берди! Амы-тынымны ап көрүңер! — деп, оозу боостаазы чарылгыже кус-куннапкаш, алгырып-кышкырып, ыглай-ла берген.

Хамык анайлар ооң чанынга маңнажып келгилээн.

— Чүү болду, Шумаш-Кулак?

— Бо тенекпей мени терек кырындан үзүп бадырыпкан, ээгилерим кыргыла берди ышкажыл. Уё-уё!

— Күжүвүстү шенежиили деп бодуң дилеп келдин чоп. Оон чөвшээрештим. Дугурушканывыс ёзугаар үскүлештивис — деп, бирээзи шынын сөглээн.

— Тургаш, шенеттинип, кылаштап көрем.

— Турагар хамаан чок, шимчээримге өкпе-баарым үстү бер чазар-дыр. Уё! Уё!

— Даыка муңгарава. Мал эмчизи сени дораан-на экиртип каар — деп, бир анай ону оожургаткан.

Анайларның бирээзи тура:

— Дөө ол, куу чүү боор? Ыды бе азы бөрүзү бе?

— Бөрүзүү аажок чүвел чоп.

Шумаш-Кулак алгырыпкаш, каң-кадык тура халаан. Өөрү каттыржыпкан. Бир анай:

— Бөрү-дүр! — деп алгырыпкаш, аалче шигледи ыңай-ла болган. Өскелери база-ла ооң соондан бурт дээн. Шумаш-Кулак дээргэ өөрүнүң мурнуnda кирип-кен маңнап орган.

Анайлар бөлүү-бile тура дүшкен. Шумаш-Кулак база-ла доктаай берген. Өөрү каттыржыпкан.

— Ээгиң бүдүн-дүр бе, Шумаш-Кулак? — деп, анайларның эң улуу оон айтырган.

— Бүдүн хире-дир. Бөрү кайда барды?

— Сээн шын, мегеңни көөр дээш ынча диштивис.

Чаң-на эвес чаңыг амытан-дыр сен, күжүрүм. Овuuзунналып, мегеленир багай чаңчылдан эрте дээрэ уштунуп ап көрем — деп, олар чагып, сургап турган.


 *Дазырга* [таъзыр] — оът үнмээн тас черге; *чөлдүр* [чөълдүр] — кошкак; *кыргыла берди* — сына берди; *овуузунналып мегеленир* — баажыланып (авыяастап) мегеленир.

 Чечен чугааны рольдар аайы-бile аянныг номчунар.

 1. Т. Кызыл-оол бо чогаалын чүге “Багай чаңчыл” деп адааныл? 2. Тоолдуң кол маадыры кым-дыр? Ооң дугайында чүнү чугаалап болурул? 3. Шумаш-Кулакты өөрү анайлар чүге мегелепкен-дир? 4. Шумаш-Кулак ышкаш оолдар сээн школанда бар бе? Оларга кандыг сүме кадып болур сен? 5. Бо тоолдуң утказын кандыг үлегер домактың дузазы-бile дамчыдып болурул?

 Т. Кызыл-оолдуң «Багай чаңчыл» деп тоолунга пландан тургускаш, эдерти чугаала.

ТӨРЭЭН ЧУРТУМ КАМГАЛАКЧЫЛАРЫ



Э. Кечил-оол

Шолалатканым

Көдээ школаның үшкү клазынга өөренип турган мен. Солдаттар халажып кээп туарар. Бичии оолдар оларның идик-хевин «кетсе» деп магадаар бис. Солдаттың бөргүнүң хаваанда кызыл беш-адыр артында-ла бичии чалбыыш бооп, хып чораан ышкаш са-гындырар. Чүгле беш-адыр эвес, оларның хөрээнде улуг-биче хемчээлдиг янзы-бүрү орденнер деп чүве-лерниң чаражын канчаар ону! Арыг-силиг, кылаң чаражын пат кайгаар мен. Оларны мен тудуп-суйбап көрүксээм кээр. Ынчан, хайлыг чуве, хөрек демдээ бе, азы орден бе деп чүвени ылгап билбес мен. Чүүдаа болза, ол ийиниң кайызын-даа хөрекке кадаар деп чүвени билир мен...

Бир күзүн акым шеригден халажып келген. Ол база-ла куруг келбээн. Амырааш, айбылаарга ке-жээм хөлчок, дешкилектээн чаш бызаа ышкаш, өрү шурай-шурай, мацнаап турдум. Акым бөргүнүң хаваанда беш-адыр сылдыс-даа, хөрээнде улуг-биче элээн каш, орденир-ле боор, чарап, чырык чүвелер дистиндир кадап алган. Энд баштай эргин артап кирип орда-ла, карактарым ында баргылаан. Дөстүнмейн:

— Ордениериң хөйүн аа, акый — деп магададым.

— Орденир деп чүңүл, хөрек демдектери ышка-жыл — дээш, акым каттырып кагды. Сөөлүнде бо-даарымга, мээн мугулайымны каттырып турганы ол болду.

Бөргүн, хөйлецин уштуп каарга, дораан-на ында бардым. «Отличный стрелок» деп-даа чүве бар, 2–3 деп саннаар-даа бижип каан чүве бар болду.

Акымдан чүвениң ужурун тайылбырладып алганимда, янзы-бүрү демдектер чыыр деп күзел менээ төрүттүнген. Холга кирген акша-көпеек шаа-бile оларны чыып, садып эгелээн мен... Каш айлар эрткенде, акым демги демдектерни — беш-адырындан эгелээш, менээ база белек кылдыр берипкен. «Мен ышкаш солдат болур сен» — деп чагып турду. Амыраарымны чүү дээр ону!...

Чамдык школачы өөрүм оолдар демдектерни хөрээнде кадагылап алган чоруурун көргеш: «Менде чок эвес, оон хөй болгай, адааргадыр эндере ка-даптар чоор бе» деп дап берип, бодап чоруур апарган мен. Бир-ле февральда шериг хүнүнде дөстүнмейн бардым. Школаже баар мурнуунда, эртен эрте туралхалааш, белеткенип эгеледим. Бөргүн шериг хүнүнде өөрүм эвээш-биче-даа бол демдектерин кадап алган кээр боор дээш, оларга аштырбазын бодап, багай кара тонумнуң хөрээнгэ-даа, пиджагымның хөрээнден

эгелээш, моюндурук дэзүнгэ чедир сыңар шаа-бile кадагылап алдым... Ону авам, ачамга-даа көргүспейн, эртен эрте-ле школамче шыңгырадыр базып чоруптум. Хөрээм артында аар-аар апарганын эскерип чо-раан мен.

Чер ара улуска таварышпадым... Клазымга кирип келгеш, тонумну орден-хавыяларым көзүлбес кылдыр асқаш, партамга томаанныг олуруп алдым... Шериг хүнүнде кымнар-ла хөй орден, демдектерлиг кээр ирги дээш, эжиктен карак салбайн көрүп ор мен.

Улус кээп эгелээн... Биеэ-ле каш борбаҡ хөрек демдектери халацнадып алган чоруур үш-дөрт оолдардан өскелери хөрек куруг келдилер.

Ам арай чиктиим кончуг апарган. «Шериг хүнүн билбес, демдеглевес улус боор бе?» деп бодап олурумда, башкы кирип келди. Парталардан, хары угда хоюп ушкан тааннар дег, тиг кылдыр тура халчып келдивис... Хөрээмде орден-хавыяларым кыңгырткайны берди ыйнаан, хамыҡ улустуң карагтары шупту менде. Туттунуп чадап кааннары ол боор, хензиг када ыыт чок туруп-туруп, башкыдан эгелээш, шупту чир-шоң кылдыр каттыржы берди. Оон ол кичээл черле орта эртпеди: башкы-даа, класстың уругларыдаа мээн хөрээмче кайгаар...

Чапсарже коңга хапкан. Дең чырыынче сыынган үзүк-ховаганнар ышкаш, мени үглеп-ле келдилер... Монгуш башкы кылаштап келгеш, мени алгы-кышкылыг «хек, тааннар» аразындан хостап алды. Тонумну эгинге салып алгаш, башкылар өрээлинче Монгуш башкым соо-бile базыптым. Ол-ла шыңгырадыр базып чорумда, коридорда, хайлыг, өске класстарның өөреникчилери база көрүп каапкан. «О-оо, орденнерин!» деп алгырышкан турлар-ла...

Башкылар өрээлинче кире бээримге, башкылар база алгыржыпкан. Чир-шоң дүжүп каттыржып-ла турлар. Үглеп келдилер. Мээн хөрээмден «Останкино», «Шахтёр», «Артек», «Почта», «ЦТ»... деп номчаан, тудуп суйбаан турлар оң. Бир эр башкы:

— Бөгүн шериг хүнүн Өпей-оол кончуг эки демдеглеп тураг-дыр аа — деп, та шыны ол, та кыжырып турары ол, аажок дыңналдыр чугаалап, тадыладыр каттырган тур оң.

«Орден-хавыяны тонундан эгелээш, бөргүнгэ чедир ынча хөйнү каданмас, ол арай чарааш эвес» — деп, башкылар шүгүмчүлээш, а янзы-бүрү демдектерни чырыры эки солун ажыл дээрзин, ону ам-даа уламчылап чырып турарын сүмеледилер...

Оң соонда удаваанда ол энмежок демдектеримни бир башкының сүмезин ёзугаар школа музейинге дужаапкан мен. Мени таан шолалай бербестер боор деп бодаан мен. Чүү катканың, «Орденниг» деп чаатты тенек оолдар декти мурнай «тыпсып» берди. Ол шола ат школада дыргын барган. Оон мен адырлыр, чайлаар-даа харык чок болган мен. Ынчан ол шериг хүнүндөн эгелээш, Өпей-оол деп чингине адым шуут читкен.

 *Халажып кээп турар* — шеригден чедип кээп турар; *хайлыг чүве* — харааданчыг чүве, хомууданчыг чүве; *эргин* — эжиктиң артай базар чери; *мугулайымны* — мелегейимни; *карак албайн* — өскээр көрбейн; *биеэ-ле* — ол-ла; *чир шоң* — кылдыр — деңге дааштыг; *декти мурнай* — дораан; *дыргын барган* — тарай берген, билдингир апарган.

 «Отличный стрелок» деп хөрек демдээниң адын тыва дылчे очулдургаш, кыдыраажыңга бижи. Ачаң азы ақындан кандыг кижиге ол хөрек демдээн бээрил, айтыр.

 1. Түргускан планны чогаалдың утказынга дүүштүр эде түргускаш, сайгарыңдар: 1) Хөрек демдээ бе, азы орден бе?

2) Яңзы-бүрү демдектер чыыр деп күзел менээ төрүттүнген. 3) Бир күзүн акым шеригден халажып келген. 4) Шериг хүнүнде кымнар-ла хәй орден, демдектерлиг кәэр ирги? 5) Бир-ле, февральда, шериг хүнүнде дөстүнмейн бардым. 6) Хоюп ушкан тааннар дег, тиг кылдыр тура халчып келдивис. 7) Башкылар өрээлинче кире бәәримге... 8) Чапсарже коңга хапкан. 9) Мени таан шолалай бербестер боор деп бодаан мен.

2. Сөзүглелден деңнелгелиг домактарны тыпкаш, чүге ол арганы ажыглаанын тайылбырла.

3. Ачаң азы акың шеригниң кандыг кезээнге хүләэлгезин күүседип турганыл? Ол кандыг хөрек демдектерлигил, оларны чүү дәэш алган?

4. Ада-чуртуң камгалаары-бile келир үеде шериг хүләэлгезин кандыг кезекке эрттириксәэр сен?

5. Коллекционер деп кымыл? Бодуң азы өг-булеңниң бир кежигүнү чүнү чыып турарыл, эштеринде сонуургадып чугаала.

 Шериг хүнүнге тураскааткан бир строфалыг, дөрт одуруглуг шүлүктен чогаат.

A. Barто

Ийи алышкы

Шинелимни куржангаштың
Шиник бөргүм кедип алгаш,
Шупту чоннуң байырында
Чурукка-ла тырттырдым он...

Баштайгы ол чуруумну мен
Бажыңымче чорудуптум.
Мырыңай чаа суурумдан
Мындыг харыы чедип келди —
Шургуулданың үстүн орта
Чуруум хоолааш азып ап-тыр.

Ындыг эвес өске чурук
Чорударын күзей бердим:
Станоктарның чанын орта
Чоргаар тура тырттырар мен.

Чазын дораан шөлээлээр мен —
Чана бергеш, бажыңымның
Ханазында чуруктарны
Катап база сонуургаар мен.

Шургуулданың үстүнде дуу
Чурукта мээнд акым ол-дур:
Взводтуң командири,
Кызыл флотчу кижи чүве.

Моряк акым чуруу-бile
Бодум чуруум кожа турар —
Станокту ажылдаткан
Ындазында шыңгызы-даа мен.

(O. Сувакпим очулдурган)

 *Шинель* — оорга куду сыгыглыг шериг тон; *шиник* — шевергин; шургуулда — комод; *хоолааш* — дөрт-булуңчук шилдиг рамага суккаш; *станок* — демир, ыяш чондууар машина; взвод — шериг кезээ.

 Шүлүктүү аянныг номчу.
 1. А. Бартонун «Ийи алышкы» деп шулүүнде ийи алышкы чүнүү кылып турарлар-дыр? 2. Оолдуң ақызынга чоргаарланган сеткилин илереткен одуругларны номчааш, чүге чоргаарланып турарын тайылбырла. 3. Кымның ақызы шериг хүлээлгезин эрттирип турарыл? Ол шеригнин кандыг кезээнде турарыл? Ақыларыңар дугайында чүнү чугаалап болур сiler? 4. Өг-буленде, клазында февраль 23-түң хүнүн канчаар демдеглеп турарыл? Бо хүн болур байырлалды канчаар адаан ийик?
 «Бистиң ачаларывыс (акыларывыс) — Ада-чуртувустуң камгалакчылары» деп проектини белетке.

БИСТИҢ ТӨЛЕВИЛЕЛИВИС

Төлевилелдиң темазы: «Бистиң ачаларывыс (акыларывыс) — Ада-чуртувустуң камгалакчылары»

Кылыш чүүлдер:

Ажылчын бөлүктөргө чарлып алгаш, дараазында онаалгаларны кылышыр:

- Кижи бүрүзү ачазы (акызы) кандыг шериг ке-зээнге албан эрттирип турганын билип алгаш, тырттырган чуруктарын дилеп кээр;
- Бир бөлүк чурттуң камгалакчыларынга тураскааткан шүлүктөр тывар, аянныг номчууруунга белеткенир;
- Бир бөлүк чурт камгалакчыларынга тураскааткан ырылар тывар, оларны ырлап күүседирингө белеткенир;
- Бир бөлүк ачаларының (акыларының) дугайында чыгган материалдарын алгаш, хана солун кылыр;
- Бир бөлүк ачаларынга (акыларынга) каас чалалгалар кылыр.

Байырлал хүнүнде ачаларын (акыларын) чалап алгаш, байыр чедирип, белеткеп алган чүүлдерин көргүзөр.

УЛУС АРАЗЫНДАН ИЕ КАРАА ЧЫМЧАК



Б. Хөвеңмей

Ием холу

Бо-ла чорааш, каяа-даа
Бодап келгеш, мактап ханмас,
Базым санай изин көөрүм
Магаданчыг хол бар ийин.

Эртен туруп келирге-ле,
Эскен шайы изиг турар,
Чаштың чучаан тудуп суйбап,
Чаптаан орап ием холу.

Улуг, биче салым-чолче
Уруг-дарыны үдеп чаяар,
Чанып кээрге, уткүй сунар
Чаяанныг хол, ачылыг хол.

Ажыл ишке кадыг-быжыг,
Ажы-төлге хоюг чымчак,

Тутканы-ла мөңгежиреп,
Тураскаал бооп артып калыр.

Адалар-даа, акылар-даа,
Амғы чаштар, аныяктар,
Аваңарга мөгейгештиң
Алдын холун ошқап каңар.



Чұчаан (чучак) — бичии тонун.



Шұлұқту аянның номчу.

Хол деп сөстү демдек аттары-бile ушта бижәэш, аас-бile утказын тайылбырла. Чижәэ, ымчак холдар: ылдың, әргим, тааланчың деп уткалыг.

😊? 1. Б. Хөвеңмейнин «Ием холу» деп шұлұу каш строфадан түргустунган-дыр? 2. «...базым санай изин көөрүм магаданчыг хол бар ийин» деп одуругларның утказын канчаар билип тур сен? Ие кижиңин ажыл-ижи база сагыш-човаашкынының изин каяа көрүп болур-дур? 3. Эң сөөлгү строфада кандыг бодалды илереткен-дир? 4. Кандыг холду «алдын хол» дәэрил? Автор кандыг уран-чечен арганы ажыглаан-дыр? 5. Автор шұлұүн чүге «Ием холу» деп адааныл? Бир звес бо шұлұқту «Ием холунга йөрәэл» дәэн болза, тааржыр бе?



Шұлұқту шәэжи-бile өөрен.

C. Тока

Ававыс чокта

(Әгеден үзүндү)

Бисти шуптувусту ашкаарар-чемгерер, хепкерер дәэш, ававыс улустан ажыктыг ажыл дилеп алыр идегелин кажан-даа кагбайн чораан.

Авам биле Албанчы дораан чедип келир бооп чоруткаш, иийи хонукта келбейн барган.

Чем чиксәэривис дам-на бар чыдар. Бистин багай қырган чарық-чириктиг, оон-моон чамап каан кулак-калаа чок кара пажывысты отка тип алыр бис. Сүгнү каш удаа ылбырадыр хайындырып каапкан шай

шаары-бile холуштур ылбырадыр хайындырып алгаш, ооң-бile иштивисти чүгле чылышып алыр турган бис.

А чамдыкта шыдаар арга чок апаргаш, чадырдан үне халышкаш, кожа өглерни бакылаар бис. Хамыктың мурнунда аңчы Томбаштайның өөн көөр дәеш чүгүрүптер бис. Аңнап чораанындан ээп келген болза, шымбай-ла ийик.

Каңгый хавак кырындан бараан харап тургаш:

— Дурген-дүрген, дунгалар! Томбаш иревис олчалыг чоруп олур! — деп кускуннап үнер.

Көөрге, күжүр Томбаш хұлбұзұн дергилеп алган, чүве-даа чугаалавайн, каттырымзай берген чортуп олургулаар. Аңчының оруунуң аксынга аалдарның уруглары кара шаар кылдыр чыглы хонуп кәэр. Улуг кижилер аңчының олчазын алгаан, амыр-мендизин айттырган, «ужалаан» тургулаар. Келген чон хұлбұстү дергиден чешкеш, союп турунда, Томбаш ирей дугай дег узун даңзазын хайыладыр соргулавышаан, кайгап тургулаар.

Улуг улус тывышты үлежип әгеләэр. Адактың соонда эътти үлеп турган кырганнарның кырганы үлештиң артыын ийи-холдап көдүрүп алгаш:

— Элиkti бөгүн сен өлүрдүң, бис үледивис, даарта мен өлүреримге, сен үләэр сен — дәеш, Томбаш ирейге тутсуп берди.

— Ындыг болзун! Силерниң чылышы сөстериндерден tottum, тыпкан тывыжыңардан оон артық тодар мен — деп, Томбаш ирей күдүш кылгаш, харыылап кагды. Кезек тургаш, «уруг-дарызың тайгага аңнааш, олчалыг болзун» дәеш, алган үлежин бажының кырынга көдүргеш, чалбарып кагды.

Улус-даа тарады: «Бисти бәэр келиңерем, уругларым» дәеш, Томбаш бодунуң өөнче базыпты. Соондан

чеде бээривиске, элииниң әъдин чөңгии пажынга дүлгеш, быжарының аразында, аңап чоруурунуң аргазын тоолдап олурунда, кулаавыс тоолда, карактарывыс, думчуувус холурткайнып турар пашта бис. Хайнып турган чем-даа чиртtingен, чылыг ижин-бile Томбаштың өөнгө удуп чыдыптар бис. Чанаравыста Томбаш ирэйивис куруг чандырбас. Бежен биле биске боду безин амзанаан әъдиниң артын берип кааш, кижиниң ынак адазы ышкаш, үдеп каар.

Томбаш ирэй чокта өске өглерни бакылап көөр бис. Бистиң-бile бир дөмөй кижилер чүнү-даа бере албас. Чүгле ак өглерниң ээзи чылдың дөрт эргилде-зинде чемниг турар.

 *Хүлбүс* — иви малдың эр хевири; *кара шаар* — көвей; *ужалаан* — олчазын үлешсин деп аңчыдан дилээри; *дугай дег* (эргижирээн сөс) — шенек дурту дег (узунунуң хемчээли); *чалбарыыр* — тейлээр; *чөңгii* (паш) — хола.

 Тывышты үлжип турда, Томбаш ирэй биле кырганның аразынга болган диалогту роль аайы-бile аянныг номчуңар.

 Ава кижи дугайында үлегер домактан бижээш, утказын тайылбырла.

 ? 1. Эрги Тыва үезинде ава кижи ажы-төлүн өстүрөр дээш, чүнү кылып чораан-дыр? 2. Багай чадырынга артып каан бичии уруглар канчаар аргаланып турганнар-дыр? 3. Бичии уруглар чүге хамыктың мурнунда аңчы Томбаштайның өөнгө чүгүржүп кээр турганыл? 4. Улуг кижилер аңчыны канчаар уткуур турган-дыр? 5. «Ужалаар» деп чүү ындыг ёзу-чаңчылыл? 6. Тывышты үлжип турда, қандыг ёзуну сагыыр турган-дыр? 7. Бичии оол Томбаш ирэйни чүге «кижиниң ынак адазы ышкаш үдеп каар» деп турагыл? 8. Аваңга часкы байырлал таварыштыр йөрээлден бижи.

 Оолдуң авазының адындан «Улус-даа тарады» деп домактан эгелээш «...кижиниң ынак адазы ышкаш үдеп каар» деп черге чедир эдерти чугаала.

Э. Кечил-оол

Ава сөзүн дыңнаваска

Авазындан чөпшээретпейн,
Алышкылар эзимдиве
Каан хүндүс бир-ле эртен
Каттаар дишкеш, бүдүү хирт дээн.

Чинчилештир дизип каан дег,
Чингиртилиг кызыл-кattар
Сыпта эглип бадып келген —
Сылдыстар дег кылаңнашкан.

Хуунче-даа киир кагбайн,
Кужурзураан хойлар ышкаш,
Сывыра соп, аасче уруп,
Сывындан-даа соруп турган.

Сериин дүжүп, орайтаксаан.
Чеже үңгүүр — диштер кагжаан.
Саваже ам дүвү-далаш
Саай тудуп кирилкеннер.

Ша-даа четпейн, чык-ла долдур
Саваларын иштевиткен.
Халап болган! Чанар дишкеш,
Кайынын келген уун тыппаан.

Кайыже-даа шиглептерге,
Хамык ыяш ол-бо чүктен:
«Эртиргес бис» дээн ышкаш,
Энчеп алган тураг болган.

Шырыш ишти хорум кырлап,
Шырынкы же суглар сүзүп,
Чырык шөл-ле дилегзинип,
Чымдай базып олурганнаар.

Кургаг сайга кээп доктааш,
Куйган чаштар дыңнаалаарга,
Күйтүлашкан, ушкан, чөмнээн
Күштар чүгле хөлзээр болган.

Бел чер көстүп келзе-ле бо —
Ферманың инектери!
Дажы акый — кадарчызы
Таваар хай деп чоруп орган.

Күжүрлерни ушкарлыккаш,
Хүнезинин берип чораан.
«Үннак авазын тооваска,
Үндүг-дыр» — деп сургап чораан.

Харыы кылдыр бичии оолак
Харын чүгле ыглавыткан.
«Авам дилеп чору боор» — деп,
Арай улуу хөлзеп үнген.

Шыпшиң-ыржым кежээ дүжүп,
Сылдыс-шолбан үнгелекте,
Чедип кээрге, хөлзээн ава
Чемелеп-даа хөлчок болган.

Согаярган башчыгаштар
Соңнуг-мурнуг көдүрлүп кээп:
— Авай...Авай...Сәәң сөзүң
Ам-на черле дыңнаар бис! — дээн.

 Эзим — арга, тайга; чиңгиртилиг — чивеңнешкен; күжур — хову черниң дустуг хөрзүнү, күжурзураан — күжур чылгаксаан; үңгүүр — харамдыгып чиир; кагжаан — хажый берген; ша-даа четпээн — үр-даа болбаан; энчен алган — дуглап алган; хорум — хая-даш; күйган чаштар — корткан оолдар; бел чер — дагның ийинге; согаярган — согайткан, куду бадырыпкан.

 Шүлүктү аянныг номчуу.



«Нет лучшего дружка, чем родная матушка» деп орус улустуң үлөгер домаан тыва дылче очулдурғаш, кыдыраажыңга бижи. Аас-бile ооң утказын канчаар билип турарыңны чугаала.



1. Алышкылар әзимче чүге чорупкан-дыр? 2. Оларның кат чыып чип турарын чүге деңнээн-дир? 3. Оолдар чанар оруун тыппайн, канчаар азып турган-дыр? 4. Дажы акый оолдарны чүү деп сургап чораан-дыр? Авазының сөзүн дыңна-васка, чүге чедирип болур-дур? 5. Алышкылар буруулуг болганын миннип турар бе? 6. Шүлүктүң 6 дугаар строфазында деңнелгеден өске кандыг уран-чечен арганы автор ажыглаандыр? 7. Кайы строфаның эге үннери чергелештир аяннажып турар-дыр? 8. Ава деп сөс-бile «Хуулгаазын сөс» деп оюндан ойна. Тургускан харылзаалыг сөзүглелицни ажылчын кыдыраажыңга бижи.



Дараазында сөстерден әгелээн 4 одуруглуг шүлүктен чогаат:


Ава дээрge ...

Аваңарны ...

Авалар дег ...

Авыралдыг ...

ЧЫЛДЫҢ ҮЕЛЕРИ. ХӨГЛҮГ ЧАЗЫМ



О. Саган-оол

Онза үе

(«Ужуражыышкын» деп чечен чугаадан үзүндү)

Час — шагның дөрт эргилдезиниң эң-не онза үези.
Ону кым чүү деп маргыжар боор.

Бистиң чуртувуска болур частар дыка чаагай, кижиниң сепкил-сагыжын ындындан хайындырып кээр. Ыяштарның бүрүлери чингири ногаан бооп алган, шупту-ла чүведен оюн дилеп турган ышкаш, салгынга чиндиейнип туар. Арыгның иштинде каш чүзүн күштар чиицейндирил алгырышкан, ооң иштинде даңгаар эртен эдер кара дуруяның үнү қыңгырткайнып туар болгаш өткүт үннүг бора хек деп кайгамчык күш эктин чайгаан, ында-мында аянныг кылдыр эдип тургулаар. Кизи санап четпес яңзы-бүрү өңнүг чечектер черниң кырын каастап, чапты берген чыдар. Частың бо бүгү байдалдары каттыжып кээрге, ооң магалыын, кайгамчык чаагайын кизи сөс-били четче сөгләэр аргажок, кончуг чурукчу кижи-ле чуруп, көргүзүп шыдаар боор.



Хайындырып кээр (сеткил-сагыжын) — өөртүп кээр.



Үзүндүнү аянныг номчу.



Часкы үениң онзагай демдектерин чуруп көргүскен демдек аттарын хамааржып чоруур сөстери-бile ушта бижи. Чижээ, онза *це*, чаагай час.



1. Час чылдың эргилдезиниң кандыг үези-дир? Часкы үяштар кандыг боор-дур? 2. Чазын күштар канчаар ырлажып тураг-дыр? 3. Черниң кырын чүү каастап тураг-дыр? 4. Часкы үени чогаалчы чүге *онза це* деп турагыл? 5. Часкы бойдус кижиниң сагыш-сеткилиниң канчаар өөртүп кээр-дир? 6. «Онза үе» — бойдус чурумалы болур бе?



Чогадыкчы ажыл. Хөй сек орнунга утказының аайы-бile тааржыр сөстерни киир бижээш, улаштыр чогаат.

Чылдың эргилдезиниң ... үези час дүшкен. Долгандыр бүгү ... оттуп келген: арга-үяштың күштары ... ырлажып әгелээн, хову-шөлдерде ... ногаарарып, дамырактар ... агып чыдар. ...

Л. Чадамбаны-бile

Часкы тарылга

Частың бир-ле чайынналган чаагай чырык, чылыг хүнү турган. Ол хүн воскресенье чүве.

Ийиги класстың өөреникчилиери башкы Алексей Шогжалдың удуртулгазы-бile дүүн-не белеткенип алганнар.

— Ча, ам даарта тарылга шөлүнче үнүп болур бис — деп, башкы чугаалаан.

Эртен хүн хөөреп келгенде, школа чанынга өөреникчилир белен турган. Алексей Маадьевич Шогжалдың соо-бile оолдар чоруп каан. Орукка бар чыда, бүгү-ле чүвелерни сонуургап чорааннар.

Чидиг диштерлиг аар илиирлер андарган черни хоюдуп чоруп турган. Оларның эрткен черлери шугумнап каан ышкаш.

— Көр даан, дырап-ла каан чүве дег! — деп, бир оол чугаалаан.

— Оо, довурактың хоюун, чымчаан, илииртеп каарга, дескизин! — деп, база бир уруг кайгаан.

— Үрезинни ындыг хоюг, чымчак дески довуракка чаштырар херек — деп, башкы чугаалаан.

Сеялкалар, илиирлер сөөрткен тракторлар ол-бо чүкте карак четпес хову-шөлдү шыва алган чоруп турган. Оларның довураа туманналып, дааш-динциди чаңгыланып турган.

Уруглар хову турлаанга чедип келгеннер. Оларны хову бригадири Маады Чамбал биле агроном Салчак Мижит уткуп алғаннар. Уруглар тарылга шөлүнгө азар дәэн плакаттарын бригадирге бергеннер.

— Четтиридивис. Эрес хейлер! — деп, бригадир өөрүп чугаалаан. Ында повар чем хайындырып турган. Машиналар, тергелер шоодайларда үрезинни, доскаарларда кывар, чаар материалдарны сөөртүп әккеп турган.

Бир трактор турлаг чанындан эгелеп чаштырып бар чораан. Салчак Мижит уругларны ацаа эдертип чедире берген. Тракторнуң соонда үш сеялка кошкан, соонда илиирлер сөөрткен. Моон шуптузун агрегат дәэр. Кожукчу болгаш чаштырыкчылар хынамчалыг ажылдап чорааннар.

Салчак Мижит уругларга мынча дәэн.

— Көрүңер даан: сеялкалар адаанда хоолайжыгаштар дамчыштыр үрезин төктүп чоруур, а илиирлер оларны хөөп, дескилеп бар чыдар.

— Көрдүңер бе?

— Көрдүвүс, көрдүвүс.

 *Хүн хөөрөп келгенде* — хүн бедип келгенде; *сеялка* — үрезин чаштырар машина; *турлаг* — тараа ажаалдазының уезинде ажылчыннарның тур када тураган чери.

 «Часкы тарылганы» рольдар аайы-бile аянныг номчұцар.



Часкы тарылга, тарылга шөлү деп сөс каттыжынышкын-нарын орус дылче очулдургаш, кыдыраажыңга бижи.




1. Уруглар часкы тарылга шөлүнге, кандыг техника-били танышкан-дыр? 2. Ында кандыг мергежилдиң кижилери ажылдан тураг-дыр? 3. Өөреникчилер тарылга шөлүнге чүнү кылышп алгаш, четкеннерил? 4. Тарааны канчаар тарыыр-дыр? 5. Сээц хүн бүрүде чип тураг хлевиңни белеткеп кылышынга, кандыг мергежилдиң кижилери киржир-дир?



Тарааны тарыырының мурнунда кандыг ажылдар чорудар-дыр, чурум аайы-били сөзүглелге даянып, чугаала.

УЛУСТУҢ ААС ЧОГААЛЫ. ТООЛДАР



☺? Чурукчу кандыг тоолдарга чуруктар чураан-дыр? Бо тоолдар кижиини кандыг чугула чүүлдерге өөредип туарыл?

▀ Улустуң аас чогаалының бир эгээртингмес байлаа — *тоолдар*. Оларның дараазында хевирлери бар:

- дириг амытаннар дугайында тоолдар;
- хуулгаазын тоолдар;
- анаа тоолдар.

Чыраа кулун (Тыва улустун тоолу)

Бир-ле көже берген аал чуртунга чудаан кулун оъттап турган. Кулунга Бөрү халып келгеш: «Сени мен чиир мен» — деп-тири.

Кулун тургаш: «Мен моон ыраар эвес мен, чиирин-не чиир-дир сен, саяк кулун мен, саяктадып-саяктадып алгаш, чи даан» — деп-тири.

«Саяктаары кандыг чүве ирги» деп бодааш, бөрү кулунну мунупкан. Кулун саяктап чорупкаш, бөрүнү удудур саяктааш, ховуга аппарып чайып каапкаш, чуртунга маңнап кээп, оъттап туруп алган.

Бөрү удуп-удуп, оттуп кээрге, кулун удуду саяктааш, чайып каапкан, ховуда чааскаан чыдып-тыр. Кулун чок болган.

«Саяк айт мунар бөрү мен бе мен? Ам-на барып чип алыйн адыр» — дээш, бөрү халып чоруп-ла каан.

Бөрү чедип кээрге, кулун шөллээн оъттап туруптур.

Бөрү тургаш: «Сени мен ам чиир мен» — дээн.

«Чиирин-не чиир-дир сен, чыраалаар кулун мен, чыраалаткаш чивес сен бе?» — деп, кулун харылаан.

«Чыраалаары кандыг чүве ирги» деп бодааш, бөрү кулунну мунуп алгаш, чырааладып чоруп-ла каан.

Кулун бөрүнү удуду чыраалааш, ховуга чайып каапкаш, чуртунга маңнап кээп, оъттап туруп ап-тыр.

Бөрү удуп-удуп, оттуп келгеш: «Чыраа, саяк айт мунар бөрү мен бе мен? Ам-на барып чип алыйн адыр» — дээш, халып-ла каан. Бөрү чуртка маңнап кээрге, кулун-даа оъттап турган.

Бөрү тургаш: «Ам-на чиир мен» — диген.

Кулун тура: «Чиирин-не чиир-дир сен, чelerим кончуг кулун мен, чelдирип-челдирип алгаш, чи даан» — деп-тир.

«Челери кандыг чүве ирги» — дээш, бөрү кулунну мунупкан. Кулун база-ла бөрүнү удуду чelгеш, ховуга чайып каапкаш, чуртунга маңнап кээп, оъттап туруп алган.

Бөрү удуп-удуп, оттуп келген. Кулун база-ла чок бооп-тур.

«Ядараан, чeler-маңнаар айт мунар бөрү мен бе

мен, ам-на барып чип алыйн» — дээш, маңнапла каан.

Маңнап кээрge, кулун чуртунда оъттап туруп-тур.

Бөрү тура дүшкеш: «Ам-на сен кулугурну чиир мен» — дээн.

Кулун тургаш: «Харын чиирин-не чиир-дир сен, ооң бетинде мээн будум таваңгайында бижик бар чүве, ону кыйгырып көргеш, чи даан» — деп-тири.

«Чүү дээн чүве ирги» — дээш, бөрү номчуур дээш көрүп бар чыдырда, кулун бөрүнү өлүр төп кааш, маңнап чоруй барып-тыр oo!

 **Саяк** — аyttың маңы: оң талакы мурнуку будун баскаш, оң талакы соңгу буттарын солуй базар, оон солагай талакы мурнуку будун баскаш, солагай талакы соңгу буттарын солуй базар; **чыраалаар** — аyttың маңы: маңнап чорааш, бир болза оң талакы буттарын, бир болза солагай талакы буттарын мурнунче деңге октап чоруур; **челер** — аyttың маңы: маңнап чорааш, бир болза мурнуку оң талакы биле соңгу солагай талакы буттарын, бир болза мурнуку солагай талакы биле соңгу оң талакы буттарын мурнунче октап чоруур; **ядараан** — хыйланганды ажыглаар сөс; **таваңгай** — буттуң адаккы кезээ, майыы; **кыйгырып көргеш** — номчааш.

 Тоолдуң сөзүглелин төнген уткалыг иштики дөрт кезекке чаргаш, бөлүктөргө рольдар аайы-били (тоолчу, Кулун, Бөрү) аянныг номчулга мөөрэйинден эрттирицер.

 **Кулун** деп сөстү орус дылче очулдургаш, кыдыраажыңга бижи.

 1. Бо тоолдуң кол утказын кандыг үлегер домак дузазыбиле илередип болур-дур? 2. Кулун база Бөрүнүң овурхевирлери кижилерниң кандыг аажы-чаын ойзу көргүскен-дир? 3. «Айт болуру кулунундан, кижи болуру чажындан» деп үлегер домактаң утказын тайылбырла.

 Ажылчын кыдыраашта кадрларга тоолдуң кол утказын дамчыткан чуруктардан чуру азы белен чуруктардан чыпшыр: **оъттап, саяктап, чыраалап, челип чоруур, кулунга төптирипкен**.



Хам Бөрү биле Шинчээчи Бөрү (Тыва улустуң тоолу)

Шыялан ам! Эртэнгиниң әртенинде бурунгунуң мурнунда, Сүт-Хөл шалбаа, Сүмбер-Уула тей турага шагда чүвең иргин. Бир-ле черге хам Бөрү биле шинчээчи Бөрү чурттап чоруп-тур.

Ийи бөрү-даа бир хүн чемиш дилеп чоруп-ла каан, аъш-чем-даа тывылбас мындыг бооп-тур. Ол-ла ынчап чорааш, чылгыга таваржып келген.

Хам бөрү тургаш:

— Боларның бирээзин тудуп чиир-дир — деп-тир.

Шинчээчи Бөрү тургаш:

— Моон чип болбас, өске черден тып чиили — деп-тир эвеспе.

Хам Бөрү тургаш:

— Аштап-суксай бердим, моортан сувай беден чип алгаш, тайгага барып, шөлээн удуп чытпас чүве бе? — дээш, чылгының аразында сувай кара беже шурай-ла берип-тир эвеспе.

Хам Бөрү биле шинчээчи Бөрү сувай бени эмеглэжип тургаш, өлүрүп чип ап-тырлар эвеспе. Ону чип тура, хам Бөрү:

— Шинчээчи-ле болгай сен, чүнү билир-дир сен, шинчилеп көрем — деп-тири.

Шинчээчи Бөрү тургаш:

— Ындыг болза, мону эмин эрттири туттур чип болбас. Сөөлү барып шала багай хире апаар чүве-дир — деп-тири. Оон шинчээчи Бөрү тургаш:

— Хам-на болгай сен, чүнү чугаалап боор сен, хамнап көрем — деп-тири.

Хам Бөрү хамнап-хамнап:

— Маңаа чүү-даа келбес чүве-дир, харын хырын быжыы-бите чип алгаш, кылаштап чоруй баар-дыр бис — деп-тири.

Шинчээчи Бөрү тургаш:

— Мен-даа туттур чивес мен, чүгле өйлөп чиир мен — деп-тири эвеспе.

Хам Бөрү кавырыктынып, карактары аларацай-нып, боску кылдырткайнып, үзе тыртканын үзүү-бите сыйрып, одура тыртканын олчааны-бите сыйрып, ишти-баары шартайгыже, ышкыштап тураг кылдыр чип турууп-тур иргин.

Шыялан ам. Ынчап чип турда, ыыт-ла ыыт эвес, алгы-ла эвес алгы үнген дег болганда, беш-алды альтыг кижи бо-ла шаап кээп-тирлер. Иий бөрү-даа тайга-таскыл кайы сен дээш ыңай-ла болганнар иргин. Альтыг кижилер оларны чер алзыр аргажок бола келгеннер.

Хам Бөрү эндере шартайтыр чемненип алган болгаш, бирээзинден ыракта чыдып калгаш, ууттуунуп чадап чорда, «Чоп мегелээр сен, көрдүң бе, ам өлгенивис ол-дур!» — деп, шинчээчи Бөрү демгизин чемелеп чораан иргин.

Аъттыг кижилер маңнап чадап чораан хам Бөрүнү соп, өлүрүп ап-тырлар. Шинчээчи Бөрү чиик адак болгаш, четтиrbейн, эзим-аргазынче шимеш дээн чүвөн иргин.

 *Сувай* — боос эвес; *хырын быжыы-бile* — тottур, шыдаар шаа-бile; *кавырыктанып* — чимзенип; *чемелеп* — чаңчап, кончуп.

 Тоолду рольдар аайы-бile аянныг номчуңар.

 1. Бо чогаалды тоол деп бадыткан туарар туруум эге болгаш төнчү сөстерин тыпкаш, номчу. Тыва тоолдарны оон ёске кандыг сөстер-бile эгелээш, төндүрүп туаралы? 2. Кымның буруузу-бile Хам бөрү чылгычыларга өлүртүп алганыл? 3. Бо тоолду номчааш, бодунга кандыг түңнел үндүрүп алдың, кижини чүү чүвеге өөредип туаралы? 4. «Хам бөрү биле Шинчээчи бөрүнү» кандыг тоол деп болурул: дириг амытаннар дугайында азы анаа? Тоолда кандыг уран-чечен арганы ажыглаан-дыр: деңнелге, диригжицилге, эпитет?

Тоолду эде чогаат. *Шинчээчи Бөрү тургаш:*

— *Моон чип болбас, ёске черден тып чиили — деп-тири эвеспе.*

Хам Бөрү тургаш:

— *Шынын-на чугааладың, бо чылгының кадарчылары ырак эвесте хире-дир — деп чөпшээрежип-тири эвеспе.* Улаштыр чогаат.

 **Диригжицилге** дээрge кижилер азы дириг амытаннарның кылдынын амы чок чүвелерже, бойдусчe шилчицири. Чижээ, Хүн бакылап келген. Койгунак боданып чыткан. Дамырак шулурадыр ырлап чыткан.

Хараган бажында дүк (Тыва улустуң тоолу)

Шагда бир-ле ашак, кадай улус чурттап чораан чүвөн иргин. Азыраан малы-даа чок, ажы-төлү-даа чок

улус чүве-дир. Ашак бир-ле ыяш чүктеп чорааш келгеш, кадайынга чугаалап-тыр:

— Аът чок деп чүве дыка-ла берге-дир, үргүлчүле ыяш чүктээр. Аъттыг болза амыр болгай, чүдүрүп алыр. Хараган бажында дүктен чыгаш, боос беден садып алыр-дыр, кадай.

Кадайы ону дыңнааш, өөрүп:

— Ынчаар-дыр харын, ашак. Чадаг кижи чер четпес кончуг чүве-дир. Ол бени мунуп алгаш, төрелдеримге аалдааш кээр мен. Эртен дораан дүк чыып чоруптаал — деп чугаалаан.

— Ол бе төрүптерге, ооң кулунун мунар херек. Боос бени мунарга, кулунун салыптар-ла ыйнаан. Ындыг болза бодуң чыг, мен дүк чыгбас мен — деп, ашак хорадаан.

— Ол бени аалдап мунмас болзумза, мен база-ла дүк чыгбас мен — деп, кадай могаттынган.

Ашак-кадай боттарының аайынга киришпейн, үргүлчү-ле аас былаажыр мындыг апарган.

Бир катап оларның өөнүң чаны-бile кожазы ашак чыраалап чоруур кулун эдерткен бе мунган бо эртип чыткан. Ооң мурнунда ол ашактың ындыг бези чок турган чүве-дир.

— Кулуннуг бени кайыын алдың, эжим? — деп, демги дүк чыыр деп турган ашак айтырган.

— Хараган бажында дүк чыып алгаш, садып алдывыс. Садып алырывыста боос бе чүве, төрүп алганы ол-дур — деп, ашак чырааладып эрте берген.

Ашак-кадай ам-на: «Бис чоонган бис» — дээш, ховуда хараганнарга чедип кээрге, чаңгыс борбак дүк чок, шуптузун кижи чыып алгаш, чоруй барган мындыг бооп-тур.

 *Кулунун салыптар* — кулуну төрүттүнер үезинге четпейн, дужүп каар; *боттарының аайынга киришпейн* —

боттарын дыңнашпайн; Бис чоонган бис — Таанда шыдавас эвес бис.



Тоолду роль айы-бile аяныг номчуңар.



1. Ашак, кадай чұну қылыр деп дугурушкан-дыр? 2. Олар бодап алған чүүлүн чүгे херек қырында қылбайн барғаныл? 3. Оларның кожазы ашак канчап кулуннуг белиг апарған-дыр? 4. Бо тоолда кижилерниң кандыг четпес чаңын кочулап, чүү үшеге угаадып сурғаан-дыр? 5. Бо тоол кандыг тоолдарға хамааржыр-дыр: хуулгаазын азы анаа бе?



Тоолдуң утказынга дүгжүр үлегер домакты тыпкаш, ону әдерти чугаала.



Анаа тоолдарда болуп турар чүүлдер кижилерниң амыдыралынга чоок. Бо тоолдарның маадырлары колдуунда бөдүүн кижилер: аңчы, кадарчы, балыкчы, ус-шеверлер, ол ышқаш байлар, ламалар. Анаа тоолдарға кижилерниң аажы-чаңында четпестерни (харам, чалгаа, адааргак, мелегей, шүшпен...) шоодуп кочулаан болур.

БИСТИҢ БИЧИИ ӨҢҮКТЕРИВИС

K. Ондар

Мени таныыр

Сартык берип амдажыткан
Саргыл бызаам аажок хоптак.
Кадайларның хуунда судүн
Халактадыр пактапкан боор.

Хараганнар аразынга
Кадарап дээш сүрүп кээр мен.
Шыргай черже шаашкактап,
Чызырадыр даалыктаптар.

Канчалдыр-даа дилеп кээр мен.
Кара шору, тывылбайн баар...
Иезин тып ээп алган
Имиртинде эдерип кээр.

Шанчок инек аразындан
Саргыл бызаам хөөглөптер мен.
Ээзиниң үнүн таныыр
Эргеленип әдип келир.

 *Шаашкактап* — шаашкактардан дезип маңнажыр; *даалыктаар* — шурап маңнаар; *шанчок* — көвей; *хөөглөптер* — «хөөг-хөөг» деп кыйгыраар.

 Шүлүктү аянныг номчу.

 ? 1. Бызааның аажы-чаңын көргүскен одуругларны тып-каш, номчу. Ооң хевир-дүрзүзү база аажы-чаңы кандыг-дыр 2. Шүлүктүң маадыры бызаазынга кандыг хамаарылгалыг-дыр (чаптап чараашсынар, аажок ыннак, хөңнү чок, түвексинер)? 3. Бичии маадыр ада-иезинге канчаар дузалажып туарар-дыр? 4. Бажыңында азырал дириг амытан бар бе? Ону карактажып, ажаажып туарар сен бе?

 Бызаадан чурааш, ооң овур-хевириин дараазында негелде ёзугаар бижи: 1) хевир-дүрзүзү: карактары (хевири, өңү),

кулактары, думчуу, дүгү, буттары, мага-боду; 2) аажы-чаңы (кашпагай, томааныг, чаптанчыг, дезиг ...); 3) уксаазы: уксаа чок, тыва азы орус инектиң бызаазы, кара-шокар азы кызыл-шокар инектиң бызаазы, симменталь инектиң бызаазы, калмык инектиң бызаазы, карлик инек бызаазы дээш оондаа өске.

 **Чурумал** дээрge чүвелерниң онзагай демдектерин айтып тургаш, сөс-бile чуруп көргүзери. Чижээ, дириг амьтанинарны, күштарны, чечек-үнүштү, ыяшдашты дээш оон-даа өске.

Чижээ, *Боду кончуг улуг-даа эвес, бөзөрек хаважыгашдаа эвес, кончуг чазадак, шевергин ыт чүве. Шала ак-сарыг: колдуунда-ла ак деп болур. Дүгү ангор өшкү дег, хоюг, дыран каан чүве дег суук, көзээде арыг чоруур. «Сибирьниң ээргизи» дээр дииң, киши ээрер аңчы уксааның ыды. Карактары кара-кара болгаш чааш, томааныг. Думчуу база кылаң кара.*

Таныры кижилерни хүндүллээн ышкаш аажок оожум, ээзинип көөр: кудуруун аяар шимчедип огланыр болгаш баҗын бичии билдирер-билдирбес мөгейип чораанзыг. Чамдык дөстүнмес, кудуруун чайып, хөрекче шурал турар ыттар дег, чаашпаа-даа эвес. Бир-бир бодаарга, шала пөрүксүмээр, томааныг кыстарзыг-даа. (С. Сарыг-оол.)

C. Комбу

Сайдаяк

Чараш-даш чыып, кажык бөлүп,
Сайзанактап ойнап орган
Анай-Хаакты ава кый дээш,
«Анай дос» деп далаштырган.

Омак уруг чоруп турал,
Ойнаар-кызын удудуп кааш,
Сайлар баштап ужуп турган
Сайдаякка чагып турган:

«Өршээп көрем, чараш күжум,
Өпөяямны көрүп турам.

Оттуп келгеш, ыглай берзе,
Оожум ырлап, өпейлээр сен».

Үрлүг-хөглүг бичии уруг
Үрап чоруй баары билек,
Сайдаяк күш ужуп келгеш,
Сайзанакка хона каапкан.

 Сайдаяк — кезээде чаяцайнып чоруур узун чингэ кудуруктуг бичии ак күшкаш, бора-хөкпештер бөлүүнгө хамааржыр.

 Шүлүктү аянныг номчу.

 Сайдаяк деп сөстү орус дылче очулдургаш, кыдыраажыңга бижи.

 1. Анай-Хаак чуге сайзанаан каапкаш, чоруур деп баргандыр? 2. Ол ойнаар-кызын кымга чагып турганыл? 3. Сайдаяк бичии уругга дузалашкан-дыр бе? 4. Анай-Хаакка хамаарыштыр ажыглаан демдек аттарын тыпкаш, ооң дугайында кыска чугаадан тургус. 5. Шулук каш строфалыг-дыр, одуругларның эгези канчаар аяннажып тураг-дыр? 6. Бо шүлүкте чогаалчы кандыг уран-чечен арганы ажыглаан-дыр?

 Шүлүктү шээжи-бите өөрен.

O. Саган-оол

Оол биле күшкаш

Миша ачазы-бите тараа сүггарып чораан. Миша арыкчे сүгну бадырыпкаш, ында чүзүн-бүрүн чечектер аразынга дыштанып, өрү ак-көк дээрде көшкен буулуттар кайгап чыткан. Ынчап чыдырда, хенертенне сыйлаан-хоолаан дааш үнүп келген, бир-ле мотор даажы! Дааш дээргэе чоорту-ла чоокшуулап кел чоруур мындыг болган. Оол бажын ковайтып келген. Көөрге, дуу-ла хензигие күшкашты бир хартыга ызырты сүрген, мырыңай ат кылсыр чыгаан чораан. Ховунун хөөкүй шиижекчигежи чалгыннарын бар шаа-бите дүрген-дүрген далбаңнаткылаан, тын-менди үнер ар-

газын бодап, өрү-куду былдагылап кел чораан. Ол араатан хартыга хензигие амытанны ал чазып-ла чораан.



— Күжүр ат болду-ла! — деп, оол тура-ла халаан. Хартыганы хойзу дап бербишаан, даш октаан ышкаш, карбаш кылынган. Шиижек оолдуң алғызындан коргар туржук, харын аңаа ооргаланып, ооң чыпшыр чаны-бile ушкаш, ында хараган аразынчe чаштына хона берген. Хартыга ойта дүшкеш, оқ дег согунналып үнгеш, оолдуң кырынга бир дескингеш, ырады ужуп чоруй барган.

Шиижек хараган будуунга олура тыртып алгаш, бичии чарап карактары-бile оолче көрүп алган «четтиридим — четтиридим» дээнзиг эткен.

 *Ковайтып келген* — көдүрүп келген; *былдагылап* — частырып, өрү-куду чайлай ужуп; *ооргаланып* — дузалажыптар деп бүзүрээн.



Чогаалдың утказынга дүүштүр аянныг номчу.



Шиижек, хартыга деп сөстерни орус дылче очулдургаш, кыдыраажыңта бижи.



Деңнелгелерлиг домактарны ушта бижи. Оларны чүге ажыглаанын аас-бile тайылбырла.



1. Эгезинден «Оол бажын ковайтып келген» деп домак-ка чедир кандыг аян-бile номчуур болза, тааржырыл (таваар, шөллээн, дүрген, сүрээдеп девидээн). **2.** Чогаалдың кайы кезээн шиижекчигеш дээш сагыш салып, тускай аянныг номчуурул? **3.** Шиижекчигеш чүге Мишадан кортпааныл? Ол хартыгадан адырлып алыр дээш, кандыг арга ажыглап турган-дыр? **4.** Хартыга чүге шиижекчигешти сүрүп тураг-дыр, ол кандыг күштарга хамааржыр? **5.** Мишаның шиижекчигеш дээш сагышсырап турагын кандыг сөстер бадыткан тураг-дыр?



Чогаалды ооң утказынга дүүштүр үн аянын өскертип тургаш, одуруглар аайы-бile «илчирбелей» эдерти чугаалаар.

O. Саган-оол

Элик оглу

Чайгы үеде суур, ооң кавызы бүгү шынаа эртен туманнай бээр, он шакка чедир чүү-даа көзүлбес. Ооң соонда туман арлып, ак-көк дээрде хүн изиде бээр.

Шак ындыг хүннериң бирээзинде ногаан сижен-ниң шалыңы буруцайнып кургап турда, ыяш бажың-ниң хериминиң аксындан аныяк элик үнүп келгеш, кудумчуну өрү таваар кылаштап, чамдык черге док-таап, ыңай-бээр көрүп, чамдыкта дөө ногаараарып чы-дар эзимче кайгап каап чораан.

Айылга тavarжы бээрин сезинмээн элик ынчаар кылаштап, бир черге кээп, ногаан сиженни чулуп чий берген.

Ол үеде бажың хериминден ак баглап каан ыт үнүп келгеш, элиkti көрүп кааш, ол бичии чараш амытан-чe халып-ла каан. Ытты көре тыртып кааш, элик де-дир ээлгеш, бодунуң хериминчe ыңай-ла болган.

Үйт ызыртыр чедип келгеш, чай алзыр-даа аргажок. Ооң аксынга кирбес дээш, ол-бо былдап, дезип чоруп-ла каан.

Ол аразында база бир ыт тыптып келген. Элик суурну кежилдир ушта халааш, калбак эзим кайы сен дээш, ыдып-ла каан. Үттар ооң соондан сүрүпкен.

Бажыңнарындан үне халчып келген кижилер, ылаңгыя бичии оолдар, кыстар алгыржып, ыттарны хай дээрин оралдашкан.

Ол душта эликтин үнүп келген хериминден дортг аyttыг эр үне халдып келгеш, эликтин соонче маңнадып-ла каан...

Элик-даа, ыттар-даа, аyttыг кижи-даа эзим иштинче кирип, чиде берген.

Суурнуц бо бүгүнү көрүп туруп калган кижилери аразында чугаалажып, аргаже көрүп тургулаан.

Барык-ла шак чедип чорда, ыттар ээп келген. Элик-даа, ооң ээзи-даа сураг. Адак сөөлүндө аyttыг кижи чедип келген. Бажыңыныц чанынга чортуп кээрге, ооң кожазы айтырган:

— Канчалган-дыр? Тыптың бе?

— Тудуп чиптилер ыйнаан, оон башка маңнап чанып-ла келгей. Хайыраан эликти, дыка чараш амытан-на болгай.

— Херим иштинден үнмээн болза, көрем.

— Кээргенчии кончуг-дур...

Херим эжийнден беш харлыг оол үнүп келгеш, ачазындан айтырган.

— Шокарбайывыс кайыл, ачай?

— Читкени ол-дур. Ам кайын кээр ийик, ээлбес ол. Үндиг болбас ийикпе, бичии амытанны кээргээр, ажаар, сагыш човаар-ла болгай.

Адазынче буруузунган хевирлиг көргеш, оол ыыттайвайн барган...

Хенертең оолдуң арны чырый хона бергеш, кудумчуже үне маңнапкан. Ында турган кижилер оолдуң чүгүрген уунче көрнү бергеннер. «Ыттар тудуп чипти ыйнаан» деп турган элии оолга уткуштур бо чоруп орган. Арай оваарымчалыг, дүрген кылаштап, ол-бо талаларынче көрүп каап, ылаңгыя ыттар үне халаан эжикче карактап кел чораан.

Эликтиң оолга, ээзинге ужурашканы дыка-ла чаптанчыг болган. Эликтиң чедип келгенинге өөрээш, адашкылар бойдустуң кайгамчык чаражы — эликти кәэргеп, ону ында улуска көөргеткен:

— Көрүцерем, чааш деп чувезин! Кулактарны! Карактарны! Мындыг чааш амытан база чоруур-дур! Че, Шокарбай, ам кир, чанып, дыштанып ал.

Элик ээзиниң чугаазын билир дег, аңаа чагыртып, херим иштинче чииги кончуг шывыраш дээн. Оон соондан оол база чорупкан. Бар чорда, аңаа адазы чугаалаан:

— Ам түвексиндирбес сен, аңаа анчыг болбас ийикпе. Сагыш човаар-ла болгай, кәэргээр, азыраар.

 *Оон қавызы* — оон чоогу; *ак баглан каан* — ыдыктаан; *доруг* — кызыл-сарыг (кудуруу болгаш чели кара боор); *арны чырый хона бергеш* — өөрүп, амырай бергеш; *оваарымчалыг* — кичээнгэйлиг, хынамчалыг; *түвексиндирбес* — анчыгзын-дырбас.

 Диалогту аянныг номчуңар.

 Элик, хүлбүс, элик оглу деп сөстерни орус дылче очул-дургаш, кыдыраажыңга бижи. Оларның утказы дөмей бе азы ылгалып туар бе?

 Бойдус чурумалын тыпкаш, ушта бижи.

 ? 1. Болуушкун чылдың кайы үезинде болуп турган-дыр? Хүннүң кайы үези-дир, кандыг хүн турган-дыр? 2. Эртенги ыржымны чүү үрепкен-дир? 3. Элик чүге эзимче дезипкенил? 3. Аöttүүг кижи кажан ээп келген-дир? Кожазы-бile оон ара-

зынга кандыг чугаа болган-дыр? 4. Шокарбайның читкенингэ
5 харлыг оол чүге буруузунуп турарыл? 5. Элик биле оолдуң
ужуралы канчаар болган-дыр? 6. Бо болуушкун өскээр төнүп
болур турган бе? Ийе болза, канчаар? 7. Бо болуушкундан чүнү
билип алдың, кандыг түңнел үндүрдүң?

 Чогаалды бодуң адындан әдерти чугаала (бодуң көрген
ышкаш).

ТӨӨГҮ БОЛГАШ ТООЛЧУРГУ ЧУГААЛАР



Дуза дилээн адыг (Төөгү чугаа)

Бир аңчы соңгу тайгаларже күзүн, адыглар ижээнней бергенде, аңнап үнген. Кежээ одаанга чедип келгеш, от салгаш, дөгеленип олурда, хенертен артындан бир-ле чүве келгеш, бөле-хаара куспактааш, ыңай-ла болган. Адыг-дыр деп чувени аңчы билип каан. Ооргазында азынган бижээн алыр арга чок, адыг так куспактап алган.

Удавайн улуг ыравайн, ол-ла хевээр куспактааш, ижээнче киире берген. Ижээн иштинде караңгы черде бир-ле чүве ыстап, човууртап тураг болган. Топтап көөрге, бир адыг холун чайып олураг бооп-тур. Чоокшулап келген, адыг балыг холун аңчыга көргүзүп, сунуп келген. Адыгның холунда улуг чарты кадалы

берген мындыг бооп-тур. Чүү боор, чувениң ужурун билгеш, аңчы ооргазында улуг бижээн алгаш, хынындан ужуулгаш, адыгның балыг холунда кадалган улуг чартыны уштуп каапкан. Адыгның уё-човууру чидип, балыг черин чылгап эгелээн.

Ам адыглар чүнү канчаар эвес дээш көрүп олурага, демги эккелген адыг ол кижини бөле-хаара туткаш, дедир-ле демги одаанга эккелгеш, салыпкан. Бо дээрge бир аңчының шаанды херек кырында таварышканы таварылга-дыр.



Дөгеленип орган — чыннып орган; ыстаар — аарыыр, шылаар; чарты — кадалган күжүген (ыяш чартыны).



Адыг деп сөстүң чоок уткалыг сөстерин бижи. Чүге бо сөстүң ойзу адаан сөтери көвей бооп туарыл?



1. Аңчы кажан аңнап үнген-дир? 2. От кыдыынга дөгеленип олурган аңчы-бile чүү болган-дыр? 3. Адыг аңчыны каяа эккелгенил? 4. Болган чувениң ужурун аңчы канчаар билип каан-дыр? 5. Болуушкун чүү бооп төнгөн-дир? 6. Бо болуушкунну төөгү чугаа деп бадыткап болур бе?



Сөзүглелге чоок кылдыр эдерти чугаала.

Аскыр Дагаа чүге даң бажында алгырар апарганыл? (Тоолчургу чугаа)

Аскыр Дагаа кыс Дагааның курун хунаап алгаш, шыкка оъттап чорда, аңаа чорумал Алдын-Доос таваржы берип-тир.

— Мурнуу чүкке улуг найыр болур, ынаар бар чыдыр мен, курум чок, чер албайн чор мен, куруң берип көрем, дуңмам — деп, Алдын-Доос айтырып-тыр.

Аскыр Дагаа Алдын-Доостуң чалаазын чараашсына бергеш:

— Курумну ал че харын, кыс дагааның куру-ла болгай, эккеп бээр сен. Ынчаарга сен база түр када

алдын чалааң ачыладып көр, әэп келириңге, орна-
жып алыр бис — деп-тир.

— Даңгаар эртен, даң бажында келир эвес мен бе,
Дагаа дуңмай, кымны-даа мурнай оттур сен — дәэш,
Алдын-Доос арлы берип-тир.

Ол-ла хевээр Алдын-Доос күш-даа келбәэн.

Аскыр Дагаа даң бажында тургаш, алғырып-ла
орар мындыг болган чүве-дир:

— Ку-рум эк-ке-эл! Ку-рум эк-ке-эл!

Алдын-Доостуң чалаазы-даа Аскыр Дагаада ол хе-
вээр чыдып калган. А кыс Дагааның куру чок бол-
ганындан хүннүң-не чуургалаар болган амытан чүве-
дир.

 Алдын-Доос — павлин; чалаа — аскыр дагааның бажында
кызыл өңнүг кезээ.

 Тоолчургу чугааны роль айы-бile аяныг номчуңар.

 Аскыр дагаа, кыс дагаа, дагаа оғлу деп сөстерни орус дыл-
че очулдургаш, кыдыраажыңга бижи.

 1. Алдын-Доос чүге аскыр Дагаадан кыс Дагааның курун
дилеп алган-дыр? 2. Аскыр Дагаа ооң чүзүн удур дилеп алга-
ныл? 3. Олар чүү деп дүгүржуп алганнар-дыр? 4. Аскыр Дагаа
чүге даң бажында алғыраар апарғаныл? 5. Кыс Дагаа чүге
хүннүң чуургалаар болу берген-дир? 6. Бо тоолчургу чугаа ки-
жилерни чүге угаадып сургааныл?

 Ойнаарактар азы картонга чурааш, кескен чуруктар
дузазы-бile театржыткан көргүзүгден одуруглар айы-бile
белеткәэш, көргүзүңер.

Киржикилери: кыс Дагаа, аскыр Дагаа, Алдын-Доос,
автор.

Дәэлдиген үнү (Тоолчургу чугаа)

Чер-делегейге дириг амытаннар тыптып турда,
оларга Бурган башкы таарышкан үннер тып берип,
үлеп турган.

Үн үлээшкүнинге дээлдиген озалдап чедип келген. Бурган башкы дээлдигенниң озалдап чедип келгенин көргеш:

— Кезээде озалдап чоруур ындыг болгай сен, хамык үннэр үлттинген — деп-тир.

Мунгараан дээлдиген тургаш:

— Үн чок канчап чурттап чоруур амытан боор мен, черле бир үнден хайырлап көрүңер, башкы — деп дилээн.

— Ам канчаар, бедик ыяш бажынга шимчевейн хараттынып олур. Ыяштың чанындан кандыг амытан алгырып эртер болдур, ону өттүнүп, ооң үнүн үлжир сен — деп, Бурган башкы чарлық болган.

Дээлдиген-даа бедик дыт бажынга хонупкаш, кандыг-ла амытан ооң чаны-бile алгырып эртер ирги дээш, шимчевейн ол-бо талаларынче кайгаттынып, хараттынып олурган.

Дээлдиген бир көөрге, ооң чаны-бile кулуннуг бе киштеп эртип бар чораан. Дээлдиген бе биле кулун киштээрge, кады киштеп өөренип алган.

Дээлдиген оон бээр-ле, чылгы мал ышкаш, киштээр апарган.

 *Дээлдиген* — улуг мага-боттуг, узун чалгыннарлыг, альт ышкаш киштеп эдер араатан күш; *хайырлап көрүңер* — берип көрүңер; *киштээр* — альттың алгырары.

 *Бе, кулун, мал, чылгы* деп сөстерни ажылчын кыдыраашка бижээш, уткалары дөмей-дир бе азы ылгалып тураг-дыр бе, аас-бile тайылбырла.

 1. Дээлдиген чүге бодунга таарышкан үн чок арткан-дыр? 2. Дээлдиген канчап альттың үнүн үлжип, киштээр апаргандыр? 3. Бо тоолчургу чугаада кандыг өөредиглиг бодал бардым? 4. «Дээлдиген үнүн» тоолчургу чугаа деп канчаар бадыт-кап болурул?

 «Тыва улустуң мифтери болгаш тоолчургу чугаалары» (2010) деп номдан бир тоолчургу чугааны номчааш, утказын эдерти чугаала.

ОЙНАКСАНЧЫГ ОЮННАРЫМ



Ч. Кара-Күске

Чылгылаар мен

Хұлбұс мойнаа сыйымым бар,
Хұннұң ойнаар оюнум ол.
Чагы бажы айт дижик,
Чандыр кагбас оол боор мен.

Дығыр-Мыйыс молдургазы
Дықа дезип туруп берзе,
Сыйым-бile тудуп алгаш,
Сывырып кәэр кежәэ-ле мен.

Аргамчыны канчаар каарын
Ачам меңәэ айтып берген.
Алызында барып-барып,
Аңаа әш бооп чылгылаар мен.



Хұлбұс мойнаа (мойнак) — хұлбұс мойнуунұң кежинден күлгап; сыйым — аргамчы.



Шұлұқту аяннығ номчу.



Шұлұктен чоок уткалығ сөстерни тыпкаш, ушта бижи.



1. Оол кандығ оюн ойнаарынга ынак-тыр? 2. Ол сыйымын чүгле ойнаарда ажыглап турар бе? 3. Өзүп келгеш, бичии оол кым болуксан турар-дыр?



Шұлұқту шәэжи-бile өөрен.

Чунгү

Чамдыкта кижи бодунуң багы-бile дыка-ла эпчок чувелерге таварышкылаар. Мен бир катап чунгулап турғаш, харлыктыр барып ушкан мен. Өөрүм мээн харлыга бергенимни эскерген эвес, каттыржып-ла турган. А мен аңаа хомудааш, ам-даа ойнаал дижип турда-ла, чылдагаанын безин ыыттавайн, чаныпкан мен.

Чаныпканым чазыг болган. Хейде-ле бодум хомудап артып калган мен. Шынап-ла, өөрүмнүң буруузу чүү боор: деңге ойнап, деңге каттыржып турган болгай бис. Анаа ужур-чөвүн чугаалаар турган-дыр мен ийин.

Ооң соонда ол чунгуже баар хөндүм чокталган. Кады чунгулап турган өөрүм, анаа дыңнаан-даа оолдар меңээ ужурашкан санында ол хайлыг чунгу дугайын ыяап-ла сагындырар апарган:

- Бажың чара ужуп ал часкан ийик сен бе?
- Ужуган-Кара, Ужуган-Кара!
- Ужупкаштың чунгуваластай бердиң бе?

Мээн чогум чүгө чунгуваластай бергенимни оолдар соора билген. А херек кырында оларның каткызынга шыдашпаан мен. Ындыг болганда частырыгны эдери белен. Ушпайн чунгулаар, ол-ла! Чунгуга чедип алры, харын, берге, ынаар чоокшулаарга-ла, кочу.

Улуг-хүнде Шоюңчап эжим-бile кады ойнап чорукан бис. Ооң чунгулаарынга ынаа аажок. Ону эдерген ужурум-даа ында. Баштай «Мөгөннүүг-аътчыгаш» деп кинону көрдүвүс. Оон чунгулаар черже мени ол ала-чайгаар-ла ыдалап эккелди. Ында Яндай, Сотпа, Шериг-оол — бистиң беш «Б»-ниң оолдары эмгежок болду. Шуптузунуң идик-хеви хар, караңнадып-ла турлар. Бисти кайы ырактан көрүп кааш, кыйгырадыр:

- Шоюң, Шоюң, бээр-бээр!
- А Кара база келген. Бажың аарып тур бе?
- Ам база чунгулаарың ол бе?
- Кезеведиң бе, Кара?

Оолдар мени кочулап, баары кадып-ла тур. Иштимде хорадаарым аажок. Ынчалза-даа туттунуп, чоргаар харыыладым:

— Чүге кезээр чүвел кижи, оолдар. Ам черле ушпас мен, көөр сiler.

Ынча дээн дораан-на караңнадып-ла баттым эвеспе. Баштай шымбай чоруп ордум, дөрт-беш хире черни көңгүс тоовайн эртип келген мен. Қанчангаш-ла көрүптейн дээrimge, хамык оолдарның ыыды читкен, шупту менче кайгаан турлар. Сыгыртааның шырайы, сактырымга: «Барды-ла, барды-ла! Төк дүштү-ле!» дээнзиг. Санғываа мырыңай бир караан шийипкен көрүп тур. Ол хире хөй карак чүк-чүктен «шиштеп» кээрge, бергези кончуг чорду. Чунгуунун қыдыынче үне халый бээр дээрge, аскымнаан буттар чүгээглир дээр сiler, хоржок. А олура дүжергэ, хамык оолдар чир-шоң болур. Сагышка дыка-ла хөй чүве кирди. Ынчалза-даа кара чаңгыс арга чүгле бурунгаарлаары деп билдим. Ынчангаш бүдүү: «Туттун Кара, туттун!» деп бодумну бодум дужааттыныптым.

Бистиң чунгулаар черивис хем қыдыында — кадыр эрик. Чунгуунун узуну үжен хире метр. Сыг дээн соонда, шагда-ла адаанды барган турага сен. Ол сыг дээр чер бо удаада меңээ төнчү чок-биле дөмей болду. Ыя ол аразында башка кирген бодал безин эмгежок. «Чүге-ле бээр келдим!» деп каргаттындым-даа.

- Уу-рр-аа-а!
- Уу-раа-а!
- У-раа!

Чок, ол мен эвес болдум. Баштай, харын, бодумну деп бодаан мен. Ындыг эвес, мээн өөрүм мээн

ушпаанымга өөрээш, ынчаар алгыржып турган чүвэдир. Хамык оолдар бөрттерин өрү октавышаан, менче чунгуну куду караңнадып орлар. Мен база бөргүмнү октап, ураалавышаан оларже удур маңнатым.

Ол хүндыка хөглүг чунгулаан бис. Шоолуг ушпадымдаа. Ушкан кижины шуптувус кочулап, каттыржып турдувус. Мени каттыржырга, мен база туттунуп шыдавайн, каттырып турдум. Ол таварылганың соонда, аргалыг-ла болза, хомудап болбас чүве-дир эвеспе деп чүвени билип алган бис. Қевин-херек чок чүвеге хомудааш чоорул ону! Ажыы бар эвес, ындыг але?

 *Харлыктыр* — тыныжы бергедей бээр кылдыр; *баары кадар* — аажок каттырар; *чүк-чүктен «шиштеп» кээрge* — оонмоон кайгаарга (көөргө); *каргаттындым* — кончуттундум.

 Чунгу деп сөстү орус дылче очулдургаш, кыдыраажыңга бижи.

 *Өдүр чарлыр, ишти сөктүр, чеди өкпези турап, хаваан дүцүр, хаайы саргарар* деп чоок уткалыг сөс каттыжышкыннарын ажылчын кыдыраашка бижээш, оларны солуп болур сөзүн бижи.

 1. Оол бодунуң багы-бile кандыг эпчок чүүлге таварышкан-дыр? 2. Караның чунгулавастай бергенин өөрү чүү деп билип алганыл? 3. Оолга чунгуга чедип, частырыын эдеринге кым дузалаан-дыр? Ол ооң дугайында чүү деп туарыл? 4. Оолдар кочулаарга, хомудап турза-даа, Караның чунгулап бадыпканы шын болган бе? 5. Оол чунгулап бадып чыткаш, чүнү бодап, чүнү эскерген-дир? 6. Караның ушпаанынга өөрү канчаар өөрүп турган-дыр? 7. Чогаалдың маадыры сенээ чүү деп сүме кадып туар-дыр? 8. Кыжын оон өске кандыг оюннаар ойнаарынга ынак сен? Чүгэ?

 Чогаалдың кол утказын эдерти чугаала.

A. Шоюң

Таныжылга

Дадар-оолга ачазы чадаг-терге садып берген. Ол тергезинге дыка ынак. Дадар-оолдан өске ону кымдаа мунмас турган.

Бир-ле катап Дадар-оол тергени херим иштинге тургузуп кааш, дүштеки чөм чип алышы-бile кире берген. Ол чөмненип дооспайн чыткаш, тергезин Солун-оолдуң мунуп алган бар чоруурун соңга өттүр көрүп каан. Дадар-оол хорадай бергеш, дораан-на маңрап үнген. «Мээн тергемге дээп болбас деп чүвени Солун-оолга канчаар көргүзөр болдум!» деп, ол иштингде каржы химиренген.

Холдарын чудуруктаныпкан, хорадап шугулдааны кончуг, ол Солун-оолче уткуштур маңрап орган. А Солун-оол Дадар-оолду көрүп кааш, чанында турган оолга чугаалап-тыр:

— Таныжып ал, Эрес! Бо дээрge мээн эң-не чоок эжим Дадар-оол-дур!

Дадар-оол элдепсине бергеш, чудуруктанып алган холун сула салыпкаш:

— Тергени чүгө мунмайн туарың ол, эш? — деп эжиниң кижизиг таныштырылгазынга харыы кылдыр чугаалаан.

 *Шугулдаан* — ажынган; *элдепсине бергеш* — кайгай бергеш.

 «Таныжып ал, Эрес! Бо дээрge мээн эң-не чоок эжим Дадар-оол-дур!» деп домакты орус дылче очулдургаш, кыдыраажыңга бижи.

 1. Дадар-оолдуң ынак оюну чүү турган-дыр? Бир-ле катап дүйште чүү болганыл? 2. Дадар-оол эжинче кандыг бодалдыг халып келген-дир? 4. Дадар-оол эжиниң кижизиг таныштырылгазынга канчаар харыылаан-дыр? 5. Кымны кижиниң «эн чоок эжи» дээрил? Сээн ындыг эжин бар бе? 6. Эжишкiler дугайында кандыг үлегер домак билир сен? Ооң утказын тайылбырла.

 «Эжим-бile ынак оюнувus» деп чогаадыгдан бижи: Эжин-бile кажандан тура эдержип турар сен? Ооң-бile канчап эжишкiler апарган силер? Силерниң дөмей сонуургалда-рыңар бар бе? Эжин-бile кандыг оюн ойнаксаар сен? Чүгө ол оюнга ынак силер? Эжин-бile чүнү күзээр сен?

КИЖИ БОЛУРУ ЧАЖЫНДАН



С. Сюрюң-оол

Шериг-оолдуң олчазы («Чайгы хүннер» деп чогаалдан үзүндү)

Ферма эргелекчиizi чедип келген. Ооң адын Сүүр-оол дээр. Аңаа ол ооң мурнунда база чораан. Ону Шериг-оол танышыр апарган. Бо удаада Сүүр-оол акый кел сал-ла, Одан-оол ашакты Кара-Сугда кадарчының аалынга үр эвес хурал болур дээш, ушкарып алгаш чорупкан.

— Хоюңарны ыратпайн, дозуп алыр силер — деп, ашак чагаан.

Девээлеп чыткан хой дүүш соонда шимчеп, уурук-сууруктаپ оъттап бадыпкан. Ынчан Шериг-оол аўтты ёзуулуг муунуптар, даалыкташып, чедирип безин билир апарган. Оозун чавыдактапкаш, соондан чорупла каан.

— Хоюң ыратпа, ыт-куш кончуг, чувени канчап билир — деп, кырган-авазы база-ла чагып туруп калган.

Хуралдаан кижилер чырык имирде ээп келген. Кээрге, ашактың кадайы девидээн, ыглаарының кыры салып турган: хой кирип келген, а Шериг-оол чок.

— Хой соондан чаш уруг ыдыпкаш, чүң кылыш олурган сен, аазаттай! — дээш, ашак-даа кадайының кырында-ла барган. Оозу ацаа удурланмаан, чүгле:

— Мурнунда доспайн турган эвес, ажырбас деп-ле бодадым — деп kortкан, сирилээн үн-бile харылаан.

Ферма эргелекчили айттыг хапкан, ашак соондан чадаг базыпкан. Аал адаанды сирт кырынга баргаш, Сүүр-оол кускуннаан:

— Кууг! Кууг! Шериг-оол! Кайда сен?

Ынаар-ла ыракта үн үнген. Үннүң аяны ыглап-даа турган ышкаш. Ол дугайын ашакка медээлээш, кускуннавышаан, дөштү куду аъдын четкеш, бадыпкан. Ол аразында караңгы имир дүшкен, ыраккы даглар чүгле карапы көстүр апарган. Элээн бады келгеш, Сүүр-оол база ылавылаан:

— Шериг-оол, кайда сен?!

— Аа! — дээн харыы мырыңай чанында дыңналган соонда, Шериг-оол аъдын чавыдактап алган, кырлан артындан бо уткуштур үнүп келген.

— Чүнү кылыш чыттың, оол?

Шериг-оол харыылаваан, чүгле куду көөр болган. От шаккаш, көөрге, арны-бажын ыжыдыр ыглап алган бооп-тур. Бажында бөрт, будунда идик-даа чок, чүгле хөйлең, чүвүрлүг. Шырыныга бергени безин арнындан илдең. Ынчап турда, кырган-адазы база маңрап келген.

— Чоп читтиң, оглум?

— Оглуң хоржок кижи-дир, ашак, харыылавас.

— Чүү болду, оглум? — деп, ашак өле айттың дынындан тудуп алгаш, ылавылаан.

— Хоржок хой-дур — дээш, оозу чүгле думчуун шүжүлеткен.

— Чүү хой? Кайда?

— Дүгде... Төрүвес хой-дур, чыдып-ла турар.

Ам-на чүвениң ужуру билдинген. Чеде бээрge, шынап-ла, сарыг кастыктыг тогду какпак хая баарында төрүп чыткан.

— Аңаа каапкаш, барып медээлээр болбазыкпа, оглум. Дүн киргиже орап боор бе. Хондур төрүвээн болза, канчаар сен.

— Эр хей-дир моң, кортпас — деп, Сүүр-оол акый оолду мактаан.

— Олчазы улуг кижи-дир — деп, кырган-ачазы амыраан.

Удатпаанда хой төрүпкен. Хураган дораан-на турарын оралдажы берген. Иези тұра халааш, оранып, оглун чылғап кирипкен. Шериг-оол база-ла хураганны сегирип алган.

— Ой чаражын, иези-ле олчаан!

 *Девээлеп чыткан* — хөлөгеге дыштанып чыткан; *даалык-тадып* — оожум маңнадып; *челдирип* — дүрген маңнадып; *дөштүк куду* — кадыр черни куду; *кырлан артындан* — бедик эвес сын артындан; *сарыг кастыктыг* — чаактары сарыг; *тогду* — бир харлыг хой; *какпак хая* — ыйык, оңгак хая; *оранып* — былгырып.

 *Бідылқаш* — чорудупкаш; *ылавылаан* — айтырган деп сөстерни ажылчын кыдыраажыңга бижәеш, айыт:

- а) чоок уткалыг сөстер;
- б) удурланышкак уткалыг сөстер.

 ? 1. Чогаалдың кол маадыры кымыл? Чүге? 2. Шериг-оол чүнү кылып билир-дир? 3. Оол чүге төрүүр деп барган хойну каапкаш, чана бербәәнил? 4. Шериг-оолдуң орнунга сен турган болзуңза, канчаар сен?

 Чогаалды план аайы-бile әдерти чугаала.

Ч. Кара-Күске

Алышкылар

Дүкүүшпей көдээде чурттап турар. Ол акызы Допчуң-бile үргүлчү-ле кады хой кадаар. Чайны өттүр ынчаар чаңчыгып калган.

Чайын даңдыка эрте адар. Даң адарга-ла, хойлар уйгужу кадарчыларны манап чыдар эвес, оъттааш чоруп каар. Оон авазы оолдарны оттуруп-ла эгелээр:

— Допчуң! Ээй, Допчуң! Ээй, Дүкүүш! Хоюңар ырай берди! Азы бөгүн хой кадарбас силер бе? Ынчаарга бо инектерниң бажын дозуп бериңер, шаашкактаар дей бердилер, ачаңар хойже чорзун. Оттуп келдиңер бе, дыңнап тур силер бе, оолдарым?

Ооң соонда ачазының үнү дыңналыр:

— Бичии удууп алзыннар че, амдызызында улуг ырааваан хойлар ышкаждыл. Бөгүн мен кадаргай мен аан.

Шимээн баар, чүгле авазының сагган сүдүнүң даажы дыңналыр — «төөрт-төөрт, төөрт-төөрт!» Бичии болганда инек бажы доскан ачазының үнү келир: «Хөчү! Ха-ха! Хө-өк, хө-өк!» Ол бүгүнү Допчуң баштай дыңнап, боданып чыдар. «Эх, удаан болза! Азы удуур чоор бе? Бо ой тонну бажымче хөме тырткаш, чыдыпсымза!»

А даштын: «Төөрт-төөрт! Төөрт-төөрт! Хөчү, хөчү!»

Допчуң боданыр: «Чок, хамык улус ажылдалп турда, мынчаар чыдып болбас. Школага өөредилге эгелей бээрge, башкыларымга, өөрүмгө чүнү чугаалаар мен? Чайны удууп-ла эрттиридим дээр мен бе? Демги «Аспан күжүр хокпаңгырлаан, ала чайны өттүр ырлаан» дээн ышкаш аан. Чок, турбас болза, хоржок. «Аскак хой ырады-ла».

Дүкүүшпейни оттуурага, белен оттур эвес: аңдарлып-дүңдерлип шаг-ла болур. Анаа-ла уйгу хавы. «Каапкаш чоруптайн» дээргэ, ам-на караан дүрбүп, херлип-көстүп эгелээр. Ооң соонда шуглак иштинден үнмейн олура-ла орап. Үңгүр аксынга үнүп келген өрге-даа ышкаш.

Өг чаны-били бичии кара суг агып баткан. Ооң соогу аажок, ацаа чунуптарга, уйгу дораан-на чаштай

бээр. Ооң соонда соок сүтке хлеб шыгыдып чиирге, экизин чүү дээр! Хой кадарып чоруптарда база хүнезин ап алыр, черге чиир.

Допчуң биле Дүкүүшпей — ада-иезиниң ёзуулуг дузалакчылары. Олар хой кадарып турда, ада-иези си-ген кезип, кажаа септеп, чүнүү-даа кылып четтигип-тер.

Ийи алышкы бөгүн база-ла хой кадарып чоруулкан.

 *Шашкактаар* — шашкактан дезип маңнаар; *ойтон* — кыргаан хой кежинден даараан чиик тон; *аспан* — шерги; *хокпаңғырлаан* — шошкуп маңнаан, *кара-суг* — черден үнүп чыдар арыг соок суг.

 «Допчуң биле Дүкүүшпей — ада-иезиниң ёзуулуг дузалакчылары» деп домакты орус дылче очулдургаш, кыдираажыңга бижи.

 Дараазында сөс каттыжыышкыннарын бижээш, утказын тайылбырла: уйгу хавы, уйгу чаштай бээр.

 1. Алышкылар эртенги үеде кандыг бергедээшкүнгө таваржып турар-дыр? 2. Оолдуң ада-иези даң бажында чүнү қылып турарлар-дыр? 3. Допчуң удуксаза-даа, чүгэ туруп келген-дир? 4. Дүкүүшпейни акызы чүгэ «уйгу хавы» деп турарыл? 5. Допчуң биле Дүкүүшпейни чүгэ ада-иезиниң ёзуулуг дузалакчылары деп болуул? 6. Сөзүглелде улегер домактарны тыпкаш, утказын тайылбырла. 7. Чогаалда дааш-шимээн өттүнген сөстерни чүгэ ажыглааныл?

 Деңгелгелиг домакты тыпкаш, ушта бижи. Чогаалдың утказын Допчуңнуң адындан эдерти чугаала.

И. Крылов

Чаан болгаш Моська

Улус чонга көргүзөр дээш,
Улуг Чаанны чедип чораан.

Чаан дээргэ хаая көстүр солун амытан.
Чааның соондан сонуургактар хайнып чораан.

Та кайыын хензиг Мосъка тыптып келгеш,
Даг дег Чаанче чадай-чадай шоглай берген.

Соксаал чокка Чаанны ээрип,
Содаа эреп ээрип чор оң.
«Соксап көрем, ыянчыг-дыр, —

Чаан-бile деңнежир-даа харының чок-тур,
Чадай-чадай өгүң дундур ээрзиңзе-даа,
Чаан сени көңгүс тоовас, чоргаар чор» — деп,
Чыкпак Хава Мосъканы чагып чораан.

Мосъка — Хавага мынча деп-тир:
«Охай! Охай! Ол-ла эки,
Орлан бардам экер болуйн.

Ол Чаан мени билбейн чорда, содаа чокка
Мону мен ам коргудупкаш, эр-хей боор мен.

Оортан ыттар мени мактаар:
«Орлан Мосъка Чаанны ээрген —
Ол-даа күштүг, берге хей-дир!»

(Л. Чадамба очулдурган)

 *Мосъка* — бичиي ыт, мопс; *хаая* — ховар; *хайнyp чо-раан* — көвейинден ай-дедир шимчеп чораан; *содаа эреп* — чогуш күзеп; *бардам* — хәннү улуг, менээргек.

 Басняны аянныг номчу.

 ? 1. Басняның маадырларын адааш, кайызынга таарзын-майн бардың, чүге? 2. Хава Мосъкага кандыг чагыг берип турар-дыр? 3. Ыттар Мосъканы: «Орлан Мосъка Чаанны ээрген — ол-даа күштүг, берге хей-дир!» — деп мактаар бе? 4. И.Крылов «Чаан болгаш Мосъка» деп баснязында кижилер-ниң кандыг чаңын кочулап көргүскен-дир?

 Басняга чуруктан чурааш, ооң утказынга дүгжүр үлегер домактан адаанга бижи.

 Басня чүгле шүлүк тургузулуг эвес, а чечен чу-гаа (проза) хевирлиг база бооп болур.

Л. Толстой

Өшкү биле бөрү (Басня)

Бөрү чалым тиинде оъттап турган өшкү көргеш,
канчап тудуп чиирил мону деп бодааш:

— Бээр дүжүп келем, өшкү. Мында чер-даа оргу,
оът-сиген-даа хөлчөк амданныг чүве-дир. Дүжүп кел-
геш, мацаа оъттап көрем — деп-тири.

Үнчаарга өшкү тургаш:

— Мээн хырным дээш эвес, бодуңнуң хырның дээш
ынчап тур сен, бөрү — дээш, ынавайн барып-тыр.

(Д.С. Канчыыр очулдурган)

 Чалым тии — үнер арга чок хаяның чарылган чери; оргу [оъргу] — дески, дорт.

 Басняны диалог чугааның негелделерин сагып, аянныг номчуңар.

 1. Бөрү кандыг сагыштыг, өшкүнү чанынга оъттазын деп сүмелээн-дир? 2. Бөрүнүң чугаазын кандыг аян-билие номчуза, ооң кажар оптуун дамчыдып болурул? 3. Өшкү бөрүден корт-пайн, кандыг чоруун көргүскең-дир?

 Басняның утказынга кайы үллегер домак чоогул, чүгэ: 1) Кашты көрүп кажараар; 2) Азаның бичези кончуг; 3) Бодуңну бодага бодава, эжинүни эникке бодава. «Өшкү биле бөрү» деп басня кижилерге чүнү угаадып сургаан-дыр?

ӨСКЕ ЧОННАРНЫҢ ААС ЧОГААЛЫ



Үят чок крокодил (Khmer тоол)

Адазы оглу-билие базаарже бар чорааш, арга иштинге крокодилге таваржы берген. Ол орукту доора чыдып алган, шимчей албас болган — буттарын от чипкен. Харықсыраан амытанны адашкылар кээргээш, чинде ыяшка чыпшыр шарааш, тергезинге салып алгаш, хөл чанынга аппарып кааннар-дыр.

Крокодил сугну харамдыгып ижиip, малгашка аңдаштанып, күш кирип алгаш, амытынын алган кижилерни чиир дей берген.

- Үят чогуңну але! Сеңәэ дузалаштывыс чоп.
- Қандыг дуза дәэр ону, мени көжүдүр шарып кагдыңар, мырыңай өлүп кал частым. Чо-ок, силерни чиир мен.

— Ындыг-дыр, чүгле далашпа. Хаан чүү дээр эвес, дыңнаал.

Үжелээ хаанга баргаш, чүвениң ужурун тайылбырлап бергеннер-дир.

Крокодил хааның мурнунга чашпаалап чыда дүшкеш, мынча дээн:

— Улус көрбес аянныг черге дыштанып чыттым. Бо ийи кижи четкилеп келгеш, шарып-хүлүп алгаш, тергезинче үндүр каап алдылар. Хосталып аар дээш чадажып кагдым. Мени ынча дыка хилинчектээни дээш, оларны чиир деп турдум.

Ам адашкылар хааның мурнунга чыда дүшкеннер:

— Буттарын отка чиртип алган крокодил чорду, шимчей албас. Кээргээш, ыяшка шарып алгаш, хөлге эккелдивис. Ацаа адырып салыптывыс. Күш кирип алгаш, бисти чиир дей берди. Биске бүзүревес болзуңарза, буттарын көрүнөр даан.

«Үят чок араатан бо» деп, хаан иштинде бодааш, мынча дээн:

— Хамык чүве канчаар болганын мен бодум көрейн. Ол черге бараал, бо кижилер чүнү канчангын көргүссүннер.

Крокодилди так шарып кааннар.

— Ам чана бериңер, моон соңгаар крокодилге дузалашпайн чоруңар — деп, адашкыларга хаан чагаан.

«Араатанга болгаш хоранныг чыланга кажан-даа бүзүреве» деп анаа эвес чугаалаан болдур ийин.

(А. Дембирел очулдурган)

 *Кхмер* — Камбоджа деп чурттуң чурттакчызы, камбоджий; *харыксыраан* — шаа төнген, чилчии үзүлген; *көжүдүр* — билинмestедир.

 Тоолдуң утказынга чоок үлегер домакты бижи: *Бак са-*

*гыш башка халдаар; Серемчиде хорамча чок; Чаг берген кижи-
бile чаргы кылыр.*

😊? 1. Адашкылар базаар бар чыткаш, кымга дуза че-
диргеннер-дир? 2. Крокодил чүге харыксыраан чыткан-дыр?
3. Ол адашкыларга четтиргенин илередириниң орнуунга чүү
дээнил? 4. Хаанга чедерге крокодил чүү деп мегелеп турга-
ныл? 5. Адашкыларның чугаазын дыңнааш, хаан чүү деп
шиитпир үндүрген-дир? 6. Тоолдуң сөөлгү домаанының утка-
зын тайылбырла.

 Тоолдуң утказын оолдуң адындан эдерти чугаала.

Ийи элчиген

(Кыргыс улустуң тоолу)

Бир-ле черге ийи элчиген чурттап чоруп-тур эвес-
пе. Бирээзиниң ады Йа, өскезиниң Йо чүвең иргин.

Оларны чүге ынчаар адаан дээр сiler?

Элчигеннер кургаг орукка-даа, хем кежир-даа
чүйк чүдүрерге, чалгаарааш, буруп алгырып туруп
бээр чорааннаар.

Бирээзи тургаш:

— Йа-аа! — деп алгырар.

А өскези:

— Йо-оо! — деп алгырар. Ынчангаш оларга ол ат-
тарны кым-даа адап бербээн, боттары-ла ынчаар адат-
тынып алган хире.

Бир-ле катап кончуг изиг, дунааргай дүне Йа биле
Йо чүйк чүктеп чораан чүвең иргин. Олар чүгле чаң-
гыс бодал бодап, дүрген-не чоруп олурганнаар: «Дүр-
ген турлагга четсе, соок сугдан сагышка чедир ишсе,
чаагай сиженден таптыг дайназа».

Ынчаар бодап чорда, шынап-ла, элчигеннер-
ниң күзели чайгаар-ла бүдүп келген чүвең иргин.
Бир ээтпекти эрткеш, олар төрээн кажаазын көрүп
каап-тырлар. Ам чүү боор, элчигеннер дүрген-дүрген
чырааладып-ла кааннар эвеспе.

Чыраалааш-чыраалааш, Йа биле Йо кажаазының иштинче киир чырааладып келгеннер иргин. Элчи-геннерниң чүтгүн арай боорда дүжүрүп-түр. Орта саадаашкын болганы чугаажок. Чүгэ дээрge олар боттры буруулуг болган: дүрген-не туружун ээлексээш, девиржип турганнар.

Йа хосталып алгаш, дүвү далаш-бile маңнавышан сугга кээп, пактап-ла эгелээн. Пактаан-пактаан — сугну дөгерезин иже каапкан. А ол аразында Йо халып баргаш, сигенни дөгерезин чий каапкан.

Элдептиг-даа чүве болган дивес силер бе?! Оларның кайызының-даа күзели бүтпээн! Йа демги-ле хевээр оъттаксап туруп калган, а Йо демги-ле хевээр суг ижиксеп, суксап туруп калган.

Хугбайыраан-на чүве-дир ийин, чазый әлчиғеннер деңгэ үлжир деп чувени бодаваан чүвең иргин.

 *Буруп* — дедирленип; *дунааргай* — изиг; *ээтпек* — дугаланчак чер; *девиржиир* — чаңгыс черге турбас, бурунгаар чүткүүр; *хугбайыраан* — аас-кежии чок, кээргенчиг.

 *Соок суг, чаагай сиген* деп сөс каттыжышкыннарын бижээш, демдек аттарының уткаларын аас-бile тайылбырла.

 1. Элчиғеннер Йа, Йо деп атка канчаар чединген-дир?
2. Изиг, дунааргай дүне чүктүг элчиғеннер кандыг бодалдыг чоруп олурганнар-дыр?
3. Йа чүтгүндөн хосталып алгаш, дүвү далаш каяя маңнап четкенил?
4. А Йо каяя халып четкенил?
5. Оларның кайызының-даа күзели чүгэ бүтпээнил?
6. Тыва улустуң «Чарын эъдин чааскаан чивес» деп үлегер домааның утказын тайылбырла. Бо тоол кижилерни чүгэ өөредип туаралыр?

 Тоолду элчиғеннерниң күзели бүде бээр кылдыр өскертип чогаат.

ЧОНУМ ЧААГАЙ ЁЗУ-ЧАҢЧЫЛДАРЫ



К-Э. Кудажы

Таңды кежии

(«Таңды кежии» дөп чечен чугаадан үзүндү)

Эртенги тайга ам-даа одунмаан. Дың дээр ымыраа чок. Күштар безин алгырышпас. Ол чарыкта караңғы эзимни көөрүмгө, бир-ле байырланчыг чүүлдү манап чыткан ышкаш болду.

Чолдак-Қадай кырган-авам дүүрэй хона берди:

— Дыңнадың бе? Шеттен туттун, оглум. Ол-дур, ол-дур. Өршээ, таңдым!

Шеттен туттунуп алгаш, тынар-тынмас тур мен. Шак ынчан Үш-Мөөрүүкче углуг чиңге үн кускуннап үнгеш, Барык-Бажының ногаан эзимин дешпилдир чаңгыланып чоруй барды.

— Оран-таңдым өршээ-авыра — дигилээш, Көк-Кадай кырган-авам бадыткады: — Ол-дур. Эки дың-наңар.

Кырган-аваларым менден айтырдылар:

— Дыңнадың бе?

— Дыңнадым, дыңнадым.

— Аас-кеҗиктиг болур сен, оглум — деп, Чолдак-Кадай кырган-авам чугаалады

— Узун назылыг болур сен, оглум — деп, Көк-Кадай кырган-авам немеди.

Ам бодап чоруурумга, сыйн үнү дыңнап чорааш, ындыг болганы ол бе, ийи кырган-авам дыка үр чурт-тааннар ийин.

Ийи кырган-авам шеттерден салдынмаан, кандыг-бир ыдыктыг сүзүглел кылган дег, ыыт чок турлар. Сыннар алгызының аразында чүрээмниң шапкыла-нырын безин дыңнап турдум. Чаагай чаңчыл ындыг чүве-дир, сыйн үнүн өскен-төрээн черинге буттарын быжыг баскаш, ыяштан ыяк туттунуп алгаш, ыыт чок шөлээн дыңнаар.

Алдын хүн бакылап келгеш, чырык херелдерин ол чарыкта ногаан эзимнерже чажыпты. Уурук-сууруктап чоруй, сыннар соксай берди.

— Таңды кежии ол-дур — деп, Чолдак-Кадай кырган-авам түңнеди.

— Таңды кежии — деп, Көк-Кадай кырган-авам ыяк шаалдалап кагды.

Бистиң бурунгуларывыс ындыг чарт угаанныг чорааннар-дыр.

Таңды кежии дээрge чүгле ижер-чири эвес, өскен-төрээн черинге кижиниң ынакшылы, сүзүглели, иде-гели дээрзин сөөлүндe билген мен.

Таңды кежии!

 *Шет* — аныяк инелиг ыяш (шиви, пөш, дыт); *дешпилдир* [тэъшпилдир] — хөме ап; *шаалдалап кагды* — немеп кагды; *сүзүглел* — чүдүлгэ; *чарт* [чаърт] — бодамчалыг.

 Ажылчын қыдыраажыңга «Таңды кежии дээрge чүгле ижер-чири эвес, өскен-төрээн черинге кижиниң ынакшылы, сүзүглели, идегели» деп домакты бижээш, канчаар билип турар сен, аас-бile чугаала.

 1. Чечен чугаада болуушкун хүн дуртунуң кайы үезинде база каяа болуп турган-дыр? 2. Кырган-авашкылар чүге тайгага келгеннерил? 3. Бичии оол сыын үнүн дыңнаан кижи кандыг болур деп билип алган-дыр? 4. Чаңчыл ёзугаар сыын үнүн канчаар дыңнаар-дыр? 5. Сыыннарның үнү кажан уурук-сууруктап чиде берген-дир? 6. Таңды кежии деп чул? Бичии оол канчаар билип алган-дыр?

 1) Номчаан чечен чугааңга чуруктан чуру; 2) Сыын кажан эдер ийик? Ооң-бile холбашкан чоннуң кандыг эскериглери барыл?

Сонуургактарга. Монгуш Кенин-Лопсан тыва чоннуң ёзу-чаңчылдарының шинчилекчизи. Ол «Тыва чоннуң бурунгу ужурлары» (1994), «Традиционная культура тувинцев» (2006) деп номнарны чырыкче үндүрген.

M. Кенин-Лопсан

Мунгашталган балыктар

Күзүн чүве ийин оң... Хемниң хүн бадар талазында Дуруг бар. Ооң сиртинде мадагар пөштерден диннээр дээш әртежик туруп келдим...

Мен дииңчилир четпээн Дуруг бажындыва чоруп каан мен. Хемни кежир ушкан узун дыт бар, ынаар баарындан ыраксындым. Кылама дошту кырлап кеҗип кагдым... Мугулдур черге кел чорумда, будум адаанда чүвелер шаараңнаар болду. Тура дүшкеш, топтап көрдүм: балыктар болгулаан. Ал-ла сагыжым сын бажында, ол хиреде доктаар ужурга таварышкан мен.

Дошка кыстыргаш, муңгашталган балыктарның турар чери таптыг-ла чалгыяк паш ишти хире он-гулчак болду. Бөргүм ужуулгаш, караңнадыр чайгыладым. Балыктар тырыкыландыр маңнагылааш, дошка долгандыр бүзәэлеткен черинге катап бөлдүнчү бердилер. Оларның өскәэр баар оруу чогун билип кааптым... Олар канчап өөрүндөн чарылғаннарыл? Хирезин бодаарымга, туразы улгаткаш, аскан болгу дег. Чок болза, ол-бо эриктер кезип тоянчылааш, дунчуга чедер болчаандан озалдаан хире.

Дунчулаан болгаш дошка кыстырган балыктар өлүрүп болбас деп аңчыларның чагыын сактып келгеш, одаамдыва халыдым. Балды, хуун әккелдим. Дошту хол кире бәэр кылдыр оя шааптым. Муңгашталган балыктар мөгүдеп маңнашкаш, база катап сыңмарлажып туруп алдылар. Санаарымга, он сес болду. Кәэргенчиг балыктар.

Кош-адыштап тургаш, ыяш хуунум орту киир суг кудуп алдым. Оон он сес балыкты дөгерезин холдааш, хуунумче киир кагылап алдым. Кыйыгны өруорттап чоктааш, Кызыл-Оска чедип келдим. Балык дунчулаар ээремниң чоок-кавызы бусту тынып чыдыр. Ынаар чоокшулаар болза, чуга дош бузулгаш, дүже берип болур. Дунчунуң чоогунда кыламага келгеш, топтап көөрүмге, кедергей улуг кадыргылар эң дүвүнде, байлаңнар эң кырында чыткылаар болду. Дошту буза шааптым — удумзураан балыктар хөлзей бергеш, база катап каътташтыр-каътташтыр салдай аарак чысқаалыптар болду.

Суглуг хуун иштинде балыктар дириинде-не дириг, арай муңгарааны-ла кончуг хире болгулады... Оюп алган дунчумче хуун долу балыктарымны чаңгыстап тургаш, дөгерезин салып кирипкен мен. Эң сөөлүнде бир кадыргыны дунчуже чаларадып кириптеримге,

хөөкүй амытан өөрүп четтиргенин-не илереткени ол боор он, алдын-сарала чакпаларын хере чадыпкаш, ээремни бир долгандыр хииктелгеш, манап турган өөрүнүң аразынче кире берген.

 *Оймак* — алаак; *мадагар пөш* — чоон улуг; *кылама дош* — кылаң; *мугулдур чер* — азыг, булун, шенек; *дунчулаар* — чаңгыс черге бөлдүнчүп алгаш, кыштаар; *кош-адыштап* — иий холун кожа тудуп алгаш; *чаларадып* — киир салыпкан.

 Ачаңның дузазы-бile иий чагыгдан улаштыр бижи. Аң-чыларның чагысы: 1) Дунчулаан болгаш дошқа кыстырган балыктар өлүрүп болбас;

2) ... ; 3)

 1. Аңчылар күзүн бойдустуң кандыг өскерлиишкини болган соонда аңнаар-дыр? 2. Аңчының сагыжы сын бажында турза-даа, чүге кылама доштук хемге доктаар ужурга таварышканыл? 3. Ол аңчыларның кандыг чагысын сактып келгеш, дунчулаан балыктарны хостап алган-дыр? 4. Дунчуда балыктар канчаар чыдар-дыр? 5. Сөөлгү кадыргы хостакчызынга четтиргенин канчаар илереткен-дир? 6. Аңчының орнунга ёзу-чаңчыл билбес кижи таварышкан болза, канчаар турганыл? 7. «Кижи биле бойдус тудуш» деп бодалды канчаар билип турсен? Кижи бүрүзү амылыг база амы чок бойдуска кандыг дуза чедирип болурул?

 Ажылчының кыдьыраашка онаалганы күүсет.

E. Танова

Артыш

Арыг агаар ораны боор
Арга-эзим аяңнарын
Ава бойдус арыг кылдыр
Артыжап каан, айдызап каан.
Шагдан тура чонувустуң
Сагып келген чаңчылы-дыр —
Аарыг-аржык, аза-буктан
Артыш-бile арыгланыр.

Авыралдыг үнүш —
Айдыс чыттыг артыш
Аарыг-аржық, хирден
Арыглаптар күштүг.

Бачыт-хайны ырадырда,
Багай дүштү чайладырда,
Артыжывыс кыпсып алгаш,
Артыжанып чалбарыыр бис.
Чаагай чытка шаптаттыргаш,
Сагыш-сеткил улам сергээр,
Сүзүглелин оскунмаза,
Сүлде кезээ бедик болур.

Авыралдыг үнүш —
Айдыс чыттыг артыш
Аарыг-аржық, хирден
Арыглаптар күштүг.

 Авыралдыг — дузалыг; бачыт-хай — хай-халап, багай чүве; сүзүглел — чүдүлге; сүлде — хей-аъды.

 Шүлүкту аянынг номчу.

 Артыш, айдыс деп сөстерни орус дылче очулдургаш, кыдыраажыңга бижи.

 1. Артыш деп үнүш дугайында чүнү билир сен? Ол кайда өзүп турарыл? 2. Кижилер чүге артыш-бile арыгланырыл? Бо чаңчыл кайын келген-дир? 3. Сәэн өг-буленде артыжанып чаңчылды сагып турар бе? Кандыг таварылгада артыжанып турар сiler?

 «Артыш» деп шүлүктүң аялгазын өөренип алгаш, одуруг аайы-бile «Ыраажы бөлүк» деп мөөрейден эрттирицер.

Сонургактарга. Чогаалчы Екатерина Танованың «Артыш» деп шүлүүнгө ооң оглу композитор болгаш башкы Вячеслав Танов аялга бижээн.

ЧЫЛДЫҢ ҮЕЛЕРИ. ЧАРАШ ЧАЙЫМ



Л. Чадамба

Каас үе

Бөлүк чокпак чодураалар
Мөңгүн дег ак аржыыл кеткен.
Шиник чаагай каас үе
Чингир ногаан чай-даа келген.

Чечек бүрү четчиp үngеш,
Черниң кыры хевистелген.
Ажыл-ишчи ары, күштар
Амданың чем чыйй берген.

Шынаа, шөлдер делгемнерде
Колхозчулар сиген кескен.
Сыгыт хөөмей, хөглүг ырлар
Хостуг ишти алгай берген.

 *Шиник* — чарап, шевергин; *чиңгир* — чидиг, өңгүр; *көлхозчулар* — көдээ ажыл-агыйга бүдүрүп кылыр чүүлүн демнештир каттыштырып алгаш, ажылдан турар кижилер.

 Шүлүктүү аянныг номчу.

 *Шиник, каас үе, чиңгир ногаан чай* деп сөс каттыжыыш-кыннарын орус дылче очулдургаш, кыдыраажыңга бижи;

 Шүлүктен диригжидилге аргазының чижээн ушта бижи.

 1. Чайгы үени чүге каас деп турарыл? Ооң чаражын көргүзери-бile кандыг уран-чечен аргаларны ажыглаан-дыр?
2. Чайгы үе чүгле чарап-каазы-бile онзагай-дыр бе? 3. Ыры, сыгыт хөөмей чүнү алгап турар-дыр? 4. Одуругларның эгे үннери канчаар аяннажып турарыл?

 Шүлүктүү шээжи-бile өөрен.

C. Сюрюң-оол

Чодураа

Даңгаар эртен тура халааш,
Сонгам караан ажа кааптым.
Тарып алган чодураамның
Чоорган шывыын көрүп кагдым.

«Күжүм халас барбаан-дыр» деп,
Сагыжымда кончуг өөрдүм.
Хүнчө көргөн чечектерин
Салаам-бile туткуладым.

Тааланчыг чаагай чыдын
Хөрек долдур киир тындым.
Хөнекке суг узуп ал-ла,
Дазылынчө барып куттум.

 Шүлүктүү аянныг номчу.

 Бажың даштынга олуртуп болур каттыг ыяштарның аттарын бижи.

 1. Л. Чадамба биле С. Сюрюң-оолдуң шүлүктеринде чечектелген чодурааны чүнүң-бile деңнеп турар-дыр? А сен чүге деңнеп болур сен? 2. Шүлүктүң маадыры чүге өөрүп турар-

дыр? Ону «бойдустуң камгалакчызы» деп болур бе? 3. «Хүнче көрген чечектерин» деп одуругда кандыг уран-чечен арга ажыглаттынган-дыр? 4. Шүлүктүң одуругларының эге үннери канчаар аяннажып турар-дыр?

 Тарып алган чечээңге азы суггарып турар ыяжыңга тураскаадып, дөрт одуруглуг шүлүктен шенеп чогаат.

C. Сарыг-оол

Чайлагга

(«Эртинелиг» колхозта» деп чогаалдан үзүндү)

Даңгаар эртен чайлаг бүдүнгө оттуп келген. Инекти саап дооскаш, өшкүнү база чап-чаа-ла одарларже үндүрүп эгеләэн.

Бедик доруг альттыг, сүүр тейлиг оваадайлыг оол хамык инекти аалдың алдыы чарында алаңгыштыг, малдырганыг өзенни өрү ырлавышаан, кыйгырбышаан сүрүп үндү.

Кажаада хөй өшкүнү ажыдыптарга, аал коданы шыкта, дус төккөн дөнде чапты берди. Бир талазында бичиижек шоодай хап, бир талазында дүүрге чүктээн, эрги куу шляпалыг, көк даалымба хөйлен, чувурлүг Хойтпак-оол ашак өшкүнү аалдан үндүр сүрүп эгеледи. Ооргазы мөгейтири кырый берген-даа болза, чиик, кашпагайы хат-салгын дег: даады-ла шошкуй аарак кылаштаар. Ооң кадында ол-ла өшкүлери-бile үргүлчү хөглөп, эргеледип чугаалажып чоруур:

— Ээй, кайнаар маңнаарың ол, тоянчым. Ам база хой баштаарың ол бе?

— Че-че, херлип-көстүп турбайн, шуужуп олуруңар! Хырныңар сенмээн-дир бе? Кү-уг! Тпо-о!

— Ах, тенек кулугурларны! «Аа, мыйыстыг хирезинде дөңгүр эжинге аштырып алды. Ам оон-бile үскүлешпе, шог хуна семирбезин билип ал!» — деп,

ұсқулешкен ийи дузакты чаптап, сеткилиниң ханызындан хөглөп каттырғылады.

Үндә бир чаа ак майғындан он хире-ле харлыг, шокар платьелиг, қызыл-даван уруг астып алган көк сумказын калбаңнадыр-ла Хойтпак ирейниң соондан халып чеде берди.

— О, Хенче! Бертен өшкүнү шала ончаладым, эки ончалаар сен шиве! — деп, Севенмаа кажаадан бедиктенип алгаш, алгырды.

— Ч-а-а! — деп, Хенчези, ойнаан дуруяя дег, өрү кожаңғырлады халывышаан, бир эргилдир тырыкыланып кәэп харыылады.

— Ол база кадарчы кижи бе? — деп Севенмаадан айттырдым.

— Ол кадарчы Хойтпак-оол ирейниң уруунуң уруудур. Қырган-ачазындан черле чыдып калбас кижи.

— Сумказында астып алган чүзү ирги, кайгалдың?

— Өөренип чоруур ном кичәэли-ле болгай. Ам үш класс дооскан, дөртче шилчиир кижи-дир.

— А, черле шору апарган, эр хей-дир!

 *Сүр тейлиг оваадайлыг* — бөрттүг; *алаңғыштыг* — алаак азы аргага өзөр калбак бүрүлерлиг, чоон сыптыг чечектиг үнүш (лилиялар белүү); *малдырганыг* — мургулуг (ногаан-ак чечектерлиг бедик үнүш); *дүүрге* — тараар ок-бile адар боо; *даалымба* — хөвенден кылган пөс; *хырныңар сенмәэн* (сенер) — иштинде чем ам-даа хайылбаан; *дузак* — ийи харлыг өшкү; *ончалаар* — шупту бар бе деп санап көөр.

 Роль аайы-бile аянныг номчуңар (автор, Хойтпак-оол иrey, Хенче, Севенмаа).

 Хойтпак-оол ирейниң овур-хевирин ажылчын кыдыраажыңга ушта бижи. Ооң даштыкы овур-хевирин чуруп көргүзери-бile кайы чугаа кезээн хөй ажыглаан-дыр? Оларның адаан дыйлагар шыйыг-бile шый.

 1. С. Сарыг-оолдуң «Чайлагга» деп чогаалы ооң мурнунда номчааның кандыг чогаалды сагындырар-дыр? 2. Бо аалдың улуг-биче кижилери кажан оттуп келген-дир? 3. Аалдың инек-

терин кым сүрүп турар-дыр? Ооң дугайында чүнү билип алдың? 4. Аалдың өшкүлерин кым кадарып унер деп турар-дыр? Ону чүге хат-салгын дег кашпагай деп турарыл? 5. Хойтпак-оол ирейниң дузалакчызы кым-дыр? Ооң дугайында чүнү билип алдың? 6. Хенче кырган-ачазынга дузалашпышаан, черге чүнү кылышп чоруур хире-дир?

 «Чайғы дыштанылға» деп кыска чогаадыгдан бижи: каяа эрттирер сен, ажыктыг чүнү кылышп болур сен, эш-өөрүңгө чүнү сүмеләэр сен?

Сонуургактарға. Тываның улустуң чогаалчызы Степан Сарыг-оол биле Олег Саган-оол «Ақ-көк хемнерниң кижилери» деп бир дугаар тыва уран-чечен кинонуң киносценарийин бижәэн.

Э. Кечил-оол

Солун чайым

Хүннүң изии дендең келир,
Күзел хандыр эштип чунар,
Тараан тараа чалгышп турар,
Дарый-дарый частай кааптар
Чогум ындыг кандыг үел?
Солун чайым ол-дур ийин.

 Дендең келир — күштелип келир; күзел хандыр — күзелин чедип; дарый-дарый — доп-дораан.

 Шүлүктү аянныг номчу.

 ? 1. Э. Кечил-оол шүлүктү кандыг арга ажыглап бижәэндир? 2. Чай чүзү-бile солун үел? 3. Уруглар чайын дыштанып ойнаарындан аңгыда чүнү кылышыл?

 Шүлүктү шээжи-бile өөрен.

БИСТИЦ ТӨЛЕВИЛЕЛИВИС

Төлевилелдиң темазы: «Мээн ынак чогаалчым».

Кылыр чүүлдер:

- «Литературлуг номчулгадан» ынак чогаалчыңыц кандыг чогаалдарын номчудун, тодарат.
- Ынак чогаалчыңыц кандыг чогаалдарын бодун номчудун? Эштеринде сүмелээри-бile бир номун ап ал.
- Школа библиотеказында ынак чогаалчыңыц кандыг номнары бар-дыр, тыпкаш, даңзызын тургус.
- Ынак чогаалчыңыц бир номунуң дугайында кыска дыңнадыгдан белетке: ады, кажан үнген, чүнүң дугайында бижээн, кол маадыры кымыл, ол номдан кижи чүнү билип ап болурул, эң солун чогаалы.
- Кыска дыңнадының презентация хевирлиг кылып ап болур сен. Болдуңмас болза, номнуң бодун эштеринде көргүс, аңаа бир чуруктан чуруп ал.
- Ынак чогаалчыңыц «Литературлуг номчулгада» бир чогаалынга солун айтырыгдан чогааткаш, эштеринде сал. Кижи бүрүзүнүң айтырыынга кым эң хөй харыы бээрин демдеглээш, клазыңарда эң сагынгыр, угаанныг кижини тодарадыңар.
- Кижи бүрүзу ынак чогаалчызының бир номун эккээрге, класска ном делгелгезинден кылышыңар.

Капсырылга

Чогаалчылар дугайында медээлер

ТОКА Салчак Калбакхөрекович 1901 чылдың де-кабрь 15-те Каа-Хем кожууннуң Мергенге төрүттүн-ген. Чогаал ажылын 1931 чылда «Хөлечиктиң чо-вуланы» деп чогаалының автору: «Хөрөнгө» (1935), «Узун-Кара, Семис-Кара (1936)». Ооң «Кодур-оол биле Биче-кыс» деп тоолун орус дылче очулдур-ган. «Араттың сөзү» деп романы делегейниң дыка хөй дылдарынчे очулдурттунган. Салчак Тока 1929 чылдан 1973 чылга чедир Тываның удуртукчузу бооп ажылдап келген. Социалистиг Күш-ажылдың Маады-ры (1971), Тываның улустуң чогаалчызы (1973).

САРЫГ-ООЛ Степан Агбанович (1908—1983).

Көр: Литературлуг номчулга, 2 класс.

САГАН-ООЛ Олег Карламович (1913—1971). Көр: Литературлуг номчулга, 2 класс.

ПЮРБЮ Сергеј Бакизович (1913—1975). Көр: Литературлуг номчулга, 2 класс.

ХӨВЕҢМЕЙ Байкара Дамчаевич (1915—1972). Көр: Литературлуг номчулга, 2 класс.

ЧАДАМБА Леонид Борандаевич (1918—1987). Көр: Литературлуг номчулга, 2 класс.

СЮРИҮН-ООЛ Салим Сазыгович (1924—1995). Көр: Литературлуг номчулга, 2 класс.

КЕНИН-ЛОПСАН Монгуш Борахович 1925 чыл-дың апрель 10-да Чөөн-Хемчик кожууннуң Хөндөргей сумузунуң Чаш-Талга төрүттүнген. Чогаалчы, очул-дурукчу, этнолог, этнограф, төөгү эртемнериниң док-

тору. Бир дугаар шүлүү 1943 чылда чырыкче үнген. Ол уругларга «Бичии башкы» (1963) деп шүлүктөр номун база «Дээрниң көрүнчүү» деп чечен болгаш тоолчургу чугаалар номун (1974) бижээн. ССРЭ-ниң чогаалчылар эвилелиниң кежигүнү (1968), Тываның улустуң чогаалчызы (1991).

СУВАКПИТ Олег Өдербееевич (1926—2002). Көр: Литературлуг номчулга, 2 класс.

КЮНЗЕГЕШ Юрий Шойдакович (1927—2000). Көр: Литературлуг номчулга, 2 класс.

КУДАЖЫ Кызыл-Эник Кыргысович (1929—2006). Көр: Литературлуг номчулга, 2 класс.

ТАНОВА Екатерина Туктук-ооловна (1930). Көр: Литературлуг номчулга, 2 класс.

ОНДАР Чан-оол Дозур-оолович (1931—1995). Көр: Литературлуг номчулга, 2 класс.

КЕЧИЛ-ООЛ Экер-оол Дүлшөөвич (1934—2002). Көр: Литературлуг номчулга, 2 класс.

ЧООДУ Карап-Күске Күнзекович (1936). Көр: Литературлуг номчулга, 2 класс.

ОНДАР Каң-оол Ирикпеевич (1941—1989). Көр: Литературлуг номчулга, 2 класс.

ШОЮН Александр Сан-оолович (1956). Көр: Литературлуг номчулга, 2 класс.

КОМБУ Сайлыкмаа Салчаковна 1960 чылдың де-кабрь 12-де Бай-Тайга кожууннуң Бай-Тал суурунга төрүттүнген. Шүлүкчү, очулдурукчу, чогаал шинчи-лекчизи, дыл эртемнериниң кандидады. Оон уругларга бижээн шүлүктери «Сайдаяк» деп ат-билие 1994 чылда чырыкче үнген. Тыва Республиканың база Россия Федерациизының чогаалчылар эвилелдериниң кежигүнү.

ТЮЛЮШ Кызыл-оол Тадар-оолович 1932 чылдың октябрь 19-та Улуг-Хем кожууннуң Өвүр-Торгалыгга

төрүттүнгөн. Чогаал ажылын 1951 чылда әгелээн. «Соруктуг бригада» (1964), «Үнелиг эртине» (1967), «Сергеге шелдирипкен» (1970), «Бугага үстүрүпкен» (1986) деп номнары парлаттынган. ССРЭ-ниң Журналистер эвилелиниң кежигүнү. 1969 чылдың 12-де мөчээн.

КРЫЛОВ Иван Андреевич (1769—1844). Көр: Литературлуг номчулга, 2 класс.

ПУШКИН Александр Сергеевич (1799—1837). Көр: Литературлуг номчулга, 2 класс.

ТОЛСТОЙ Лев Николаевич (1828-1910) — суралыг орус чогаалчы, угаакчы. Ол бичии уругларга кайгамчыктыг чечен чугаалар, тоолдар база басняларны бижээн. Ооң «Уругларга чечен чугаалар» деп ному — бичии номчукчуларның ынак номнарының бирээзи. Бо номда «Булька», «Косточка», «Два товарища», «Филипок», «Пожарные собачки» дээш оондаа ёске солун чечен чугаалары парлаттынган.

ПРИШВИН Михаил Михайлович (1873—1954). Көр: Литературлуг номчулга, 2 класс.

МАРШАК Самуил Яковлевич (1887—1964). Көр: Литературлуг номчулга, 2 класс.

СРЕБИЦКИЙ Георгий Алексеевич (1903—1964). Көр Литературлуг номчулга, 2 класс (2012)

БАРТО Агния Львовна (1906-1981) орус уруглар чогаалчызы, киносценарист. Ооң баштайгы «Китай-чонок Ван Ли» база «Мишка-воришка» деп уругларга шулуктери 1925 чылда парлаттынган. Уругларга бижээн чогаалдарының чыындылары «Стихи детям» (1949) база «За цветами в зимний лес» (1970) деп аттар-бile чырыкче үнген. Чогаалчының хөй санныг күрүнэ шаңналдарының аразында «Хүлүмзүрүг» ордени бар.

НОСОВ Николай Николаевич (1908—1976). Көр: Литературлуг номчулга, 2 класс.

Тывызыктарның харылары

- 1) Ном, 3
- 2) Кургаг даш, 8
- 3) Салаалар болгаш дыргактар, 8
- 4) Кажык, 8
- 5) Шыдыраа, 8
- 6) Хой, бөрү, кускун, 8
- 7) Карак, 9
- 8) Артыш, шаанак, 9
- 9) Өрөгө, 9
- 10) Эжик, 9
- 11) Маска, балды, 9
- 12) Өргө, 9
- 13) Балды, 9
- 14) От, 9
- 15) Хар, 9
- 16) Кижинин чажында үңгээри, кылаштап эгелээри, кыраанда даянгыштыг чорууру, 10
- 17) Баш: ийи карак, ийи кулак, думчуктуң ийи үдү, аас, 10
- 18) Чүрек, 10
- 19) Аптара, 10
- 20) Хана шагы, 10
- 21) Балды, 10
- 22) Паш, от, 10
- 23) Хөнек, 10
- 24) Илбек, бижек, 10
- 25) Игил, бызаанчы, 10
- 26) Хомус, дылы, 10
- 27) Баян, гармошка, 10

- 28) Сүт, 11
 - 29) Чилиг соп чири, 11
 - 30) Быштак, 11
 - 31) Хүн, хар, 11
 - 32) Челээш, 11
 - 33) Туман, 11
 - 34) Адыг, 11
 - 35) Киженинг альт, 11
 - 36) Моортай, 11
 - 37) Торга, 12
 - 38) Дээлдиген, 12
 - 39) Ала-сааскан, 12
- Өске чоннарның тывызыктары:
- 40) Ай, 12
 - 41) Кирбиктер, 12
 - 42) Сылдыстар, 12
 - 43) Хирээ, 12
 - 44) Чигир, 12
 - 45) Дүргек хендир, 12

ДОПЧУЗУ

Экии, Литературлуг номчулга!

Мөөрөй «Угааныглар, сагынгырлар»	3
Тыва черге йөрээл. Е. Танова.....	5

Улустуң аас чогаалының биче хевирлери

Тывызыктар	8
Үлегер домактар	13
Оюн үдээн чугаалар. Салаалар-бile ойнаар оюн- нар: «Чыдыг кодан», «Алагатай»	15
Узун-тыныш	18

Өөренип өөрен

Аккырмаа биле ийи. С. Сюрюң-оол	20
Бодалга бодааным. Н. Носов	23
Ийи 2. Е. Танова	26
Эдилелдиң ээзинде. Ч. Ондар	29

Чылдың үелери. Тодуг-догаа күзүмейни

Күскү аргага. О. Саган-оол	31
Кайгамчыктыг картошкам. Э. Кечил-оол	33
Кыштың тыныжы. Ч. Ондар	34

Эки кылган ажыл — элеп-читпес алдар

Шартылаа биле кымысскаяк. Ю. Кюнзегеш	36
Ажыл. Ю. Кюнзегеш	38
Арзылан биле пар. О. Сувакпим	39
Салаалар. О. Сувакпим	40

Хөктүг ужууралдар, солун болуушкуннар

Мыйыт. К-Э. Кудажы	43
Ууттунмас тоорук. С. Сюрюң-оол	47

Бойдустуң чажыттары

Алдын шынаа. М. Пришвин	50
Чогум чүл ол, уруглар? С. Комбу	51
Хек. С. Сюрюң-оол	53
Күшкаштарның медээзи. Г. Скребицкий	55

Чылдың үелери. Аккыр харлыг кыжым

Кыш. Б. Хөвеңмей	57
Кыштың шүлүкчүзү. М. Кенин-Лопсан	59
Кыш. А. Пушкин	59
Харжыгаш. М. Кенин-Лопсан	60
Ак кодан. Л. Толстой	62
Соок-Ирей. Л. Чадамба	64

Бойдуска хумагалыг болуулу!

Өскүс аңгыр. М. Кенин-Лопсан	66
Хүрээлелди камгалацаар! Ч. Кара-Күске	68
Эмнеп алган. О. Сувакпим	69

Авторлуг тоолдар

Сагынгыр күске. С. Пюрбю	71
Угаанныг күске. С. Маршак	73
Кажар дииң. С. Пюрбю	77
Оптуг Чыккылаа. С. Пюрбю	78
Бодаган. Т. Кызыл-оол	80
Багай чаңчыл. Т. Кызыл-оол	82

Төрээн чуртум камгалакчылары

Шолалатканым. Э. Кечил-оол	85
Ийи алышкы. А. Барто	89
Бистиң төлевилеливис. «Бистиң ачаларывыс (акыла- рывыс) — Ада-чуртувустуң камгалакчылары»	90

Улус аразындан ие караа чымчак

Ием холу. Б. Хөвеңмей	92
Ававыс чокта. С. Тока	93
Ава сөзүн дыңнаваска. Э. Кечил-оол	96

Чылдың үелери. Хөглүг чазым

Онза үе. О. Саган-оол	99
Часкы тарылга. Л. Чадамба	100

Үлустуң аас чогаалы. Тоолдар

Чыраа кулун	103
Хам Бөрү биле Шинчәэчи Бөрү	106
Хараган бажында дүк	108

Бистиң бичии өңнүктөривис

Мени танысыр. К. Ондар	111
Сайдаяк. С. Комбу	112
Оол биле күшкаш. О. Саган-оол	113
Элик оглу. О. Саган-оол	115

Төөгү болгаш тоолчургу чугаалар

Дуза дилээн адыг. (Төөгү чугаа)	119
Аскыр Дагаа чүге даң бажында алгырар апарганыл? (Тоолчургу чугаа)	120
Дээлдиген үнү. (Тоолчургу чугаа)	121

Ойнаксанчыг оюннарым

Чылгылаар мен. Ч. <i>Кара-Күске</i>	123
Чуңгу. Ч. <i>Кара-Күске</i>	124
Таныжылга. А. <i>Шоюң</i>	126

Кижи болуру чажындан

Шериг-оолдуң олчазы. С. <i>Сюрюң-оол</i>	128
Алышкылар. Ч. <i>Кара-Күске</i>	130
Чаан болгаш Моська. И. <i>Крылов</i>	132
Өшкү биле Бөрү. (Басня) Л. <i>Толстой</i>	134

Өске чоннарның аас чогаалы

Үят чок крокодил. (<i>Кхмер тоол</i>)	135
Ийи элчиген. (<i>Кыргыс улустуң тоолуу</i>)	137

Чонум чаагай ёзу-чаңчылдары

Таңды кежии. К-Э. <i>Кудажы</i>	139
Мунгашталган балыктар. М. <i>Кенин-Лопсан</i>	141
Артыш. Е. <i>Танова</i>	143

Чылдың үелери. Чарааш чайым

Каас үе. Л. <i>Чадамба</i>	145
Чодураа. С. <i>Сюрюң-оол</i>	146
Чайлагга. С. <i>Сарыг-оол</i>	147
Солун чайым. Э. <i>Кечил-оол</i>	149
Бистиң төлевилеливис. «Мээн ынак чогаалчым» ...	150

Капсырылга

Чогаалчылар дугайында медээлер	151
--------------------------------------	-----

Учебное издание
КАРА-ООЛ Любовь Салчаковна
ЛИТЕРАТУРНОЕ ЧТЕНИЕ
3 класс
Учебник
для общеобразовательных учреждений
Издание второе
На тувинском языке

Редактор и техническая редакция *Л.А. Ооржак*
Иллюстрации художника *Н.К. Шалыка*
Обложка художника *М.Ч. Чооду*
Компьютерная верстка и дизайн *Л.Д. Донгак*
Корректор *В.Ш. Чамьян*

Подписано в печать 29.12. 2020. Формат 70x100 $\frac{1}{16}$.
Бумага офсетная. Печать офсетная.
Гарнитура школьная. Физ. печ. л. 10,0. Уч.-изд. л. 9,02.
Тираж экз. Заказ №

Оригинал-макет подготовлен ГБНУ Министерства
образования и науки Республики Тыва «Институт
развития национальной школы»,
667011, г Кызыл ул. Рабочая 2.

Отпечатано в ОАО ПИК «Офсет»,
660075, г. Красноярск, ул. Республики, 51.